

Σ VIII. 44.


155995

Σ

Biblioteka Jagiellońska



stdr0002699



587324


Mag. St. Dr.

Σ

VIII. 44.

1825

Theology notes



SYNODUS
PROVINCIALIS,
GNESNENSIS
PROVINCIAE:

SUB

ILLUSTRISSIMO & REVERENDISSIMO
DOMINO,

D. JOANNE WĘZYK,

Dei & Apostolicæ Sedis Gratia

ARCHIEPISCOPO GNESNENSI,

Legato Nato, Regni Poloniae Primate,

Primoq; Principe,

PETRICOVIAE

Anno Dñi, Millesimo Sexcentesimo Vigesimo
octavo. Die vigesima secunda, Mensis Maij.
celebrata.

C R A C O V I Æ,

In Officina Andrea Petricovii, S. R. M. Typographi.


Anno Domini, M. DC. XXIX.

P

II
P
C



For
ex
tion
ren
lite



JOANNES WĘZYK,

Dei & Apostolicæ Sedis Gratia

ARCHIEPISCOPUS GNESNENSIS.

Legatus Natus, Regni Poloniæ Primas,

& Primus Princeps.

Illustrissimis & Reverendissimis DD. Archiepiscopo Leopoliensi, alijsq; Provinciæ nostræ Gnesnensis, Episcopis, Dominis Fratribus nostris charissimis, ac ipsorum Capitulis, universoq; Clero, Salutem in Domino.



Rodeunt tandem in publicum Constitutiones Synodi Provincialis, quam Divino adjuti auxilio, anno superiori celebravimus, à S. Sede Apostolica approbata, & per Admodum Reverend: D. Joannē Foxium, 7. V. D. Archidiaconum Cracovien: quem ex ejusdem Synodi voluntate, pro ipsarum confirmatione in Urbem miseramus, à SS. Dño Nostro ad nos remissa, unâ cum Brevis ejusdem SS. Dñi Nostri, & literis Illustriss: Dñi Cardinalis UBALDINI, Sacræ

A 2

Congre-

*Congregationis Illustrissimorum S. Concilij Tridentini
Interpretum Praefecti. Quorum tenor talis est:*

URBANUS PP. VIII.

Ad perpetuam rei memoriam.

Militantis Ecclesiae regimini, nullis licet nostris suffragantibus meritis, Divinā dispensatione praepositi, ex injuncti nobis muneris debito, felici, prosperoque Ecclesiarum quarumlibet statui, & directioni, sedulo intendimus, atque haec, quae propterea, praesertim per earundem Ecclesiarum Praesules, pie, & providè facta fuisse ceperimus, ut firma perpetuò subsistant, inviolatèque observentur, Apostolicæ nostræ confirmationis munimine roboramus; prout ad Divini cultus, ac Catholicae Religionis incrementum, animarumque Christi fidelium salutem conspiciamus in Domino salubriter expedire. Cum itaque sicut ex literis Venerabilis Fratris JOANNIS, Archiepiscopi Gnesnensi per dilectum filium Joannem Foxium, Archidiaconum Cracoviensem à Clero Regni Poloniae ad Nos pro praesenti confirmatione obtinenda missum accepimus, ipse Anno proximè praeterito, M. DC.

M. DC. XXVIII. Synodum Provinciale[m] celebra-
verit, in ipsaque Synodo nonnulla Decreta, quæ à
Venerabilibus Fratribus Nostis, S. R. E. Cardinali-
bus, Sacri Concilij Tridentini Interpretibus, jussu
Nostro accuratè perlecta, & recognita, ac ubi opus
fuit, emendata sunt, condita fuerint: Nos egregiam
ipsius JOANNIS Archiepiscopi, & Venerabilium
Fratrum Episcoporum Comprovincialium suorum
pietatem, & Catholicæ Religionis zelum, ac in Nos,
& hanc Sanctam Sedem, devotionem summoperè
commendantes, & communi in illa Provincia eo-
rum Decretorum observationi, quantum cum Do-
mino possumus, consulere volentes, Synodi præfa-
tæ, quam eidem JOANNI remittimus, Statuta, sic
ut præferatur, recognita & emendata, ab omnibus
& singulis personis Ecclesiasticis, tam Sæcularibus,
quàm cujusvis Ordinis Regularibus, ac alijs in di-
gnitate Ecclesiastica constitutis, ad quos quomodo-
libet spectat, inviolabiliter observari præcipimus,
& mandamus, eundemq; JOANNEM Archiepisco-
pum, & Episcopos Comprovinciales suos præfatos,
hortamur in Domino, & attentè monemus, ut De-
creta præfata, juxta eorum formam, & tenorem, in
suis Dioccesibus publicent, & illa publicari, atque ab

omnibus & singulis dictæ Provinciæ personis, Sæcularibus & Regularibus, alijsque præfatis, in omnibus & per omnia integrè, ac sub sententijs, censuris, & pænis in eis forsan contentis, recipi, admitti, observari, præstari, & debitæ executioni demandari faciant. Decernentes neminem ab eorum observatione, quovis prætextu & causa se excusare debere: ac irritum & inane, si secus super his à quoquam quavis autoritate, scienter, vel ignoranter contigerit attentari. In contrarium facientibus non obstantibus quibuscunque. Datum Romæ apud Sanctam Mariam Majorem, sub Annulo Piscatoris, die XXVIII. Augusti, M.DC.XXIX, Pontificatus Nostri Anno Septimo.

M. A. Maraldus.

Litera Illustrissimi Cardinalis Ubaldini.

PErillustris ac Reverendissime Domine, uti Frater, Provinciale Synodum ab amplitudine Tua, isthic cum suis Comprovincialibus Episcopis, ac de eorum consilio, & assensu, hoc præsentis Anno M.DC.XXVIII. Mensis Maij celebratam, ac Constitutiones in ea conditas, ad Sanctissimum D.N. missas, Illustrissimi Cardinales Concilio Tridentino interpretando præpositi, ex munere iuncto, ac speciali suæ Sanctitatis iussu recognoverunt, &
ex illis

ex illis Amplitudinis Tuæ, & DD. Episcoporum, qui interfuerunt, pietatem, summam religionem, devotamque in Sanctam Sedem Apostolicam observantiam perspexerunt. Mirati tamen sunt, cum ipsa multos Episcopos, Suffraganeos habeat, quatuor tantum ex illis ad ipsam Synodum accessisse. Nunc verò eandem Synodum, & Constitutiones, ad Amplitudinem Tuam remittimus, emendatas, atque aptatas, ut eo modo, quo tam Synodum, quam ipsas Constitutiones receperit, pro istorum populorum salute, & Ecclesiasticæ disciplinæ conservatione, in sua Ecclesia, totaque Provincia, omnino observandas curet; ut egregiæ suæ industriæ, piique laboris fructus, quos sibi initio proposuit, uberiores in dies, Domino coadiuvante percipiat. Deus Amplitudinem Tuam incolumem servare dignetur, gratiaque suæ donis magis augeat. Romæ die 18. Novembr: M. DC. XXVIII.

Amplit: T. Perillustre ac Reverendissimæ,

uti Fr: studiosiss:

R. Car: Ubaldinus.

Francisc: Paulucius S. Congr: Secret:

Ut itaq;

Ut itaq; præmissæ Synodi Constitutiones & Decreta,
ad notitiam omnium, quorum interest, deveniant, ea
typis imprimi atq; publicari mandavimus, prout per-
presentes publicamus: Hortantes omnes & singulos,
non solum Primatiali & Metropolitana nostra, sed
etiam Sanctæ Sedis Apostolica, à qua approbatæ sunt,
authoritate, ut ea & prompto animo suscipiant, &
inviolabiliter observent. Erit verò officij & muneris
nostri, Illustrissimi & Reverendissimi Domini, ea
qua communi consilio & consensu, ad normam Sa-
crorum Canonum constituta, ac à Sede Apostolica
recognita, & confirmata sunt, lubentibus animis ac-
cipere, atque pro Pastoralis Officio sedulo curare, ut
debitæ executioni mandentur, & in Diœcesibus no-
stris diligenter observentur, ad Dei imprimis hono-
rem, Religionis Catholicæ incrementum, & Eccle-
siarum commodum. Ad quod exequendum, Deus
ipse nobis omnibus vires tribuat, & Illustrissimas
Dominationes Vestras, Ecclesia suæ Sanctæ, & Rei-
publicæ, servet quàm diutissimè incolumes. Lovicij,
die XI. Novembr, Anno D. M.D.C.XXIX.

ACTA

ACTA
&
Constitutiones Synodi,
G N E S N E N S I S
P R O V I N C I Æ.

*Annô Domini, Millesimo, Sexcentesimo, Vigesimo Octavo,
Die 22. Mensis Maij inchoata, & ad diem 26.
ejusdem Mensis continuata.*



D laudem & gloriam Omnipotentis Dei,
Ecclesiæ, & Religionis Catholicæ incremen-
tum & propagationem, Synodus Provin-
cialis Gnesnensis, in Ecclesia Parochiali Pe-
triciovien: Missa de S. Spiritu, Orationibus
juxta ritum & præscriptum Pontificalis Romani præmis-
sis, habita: Prasidente Illustriss: & Reverendiss: Domino,
D. JOANNE WEZYK, Dei & Apostolicæ Sedis Gratiâ,
Archiepiscopo Gnesne: Legato Nato, Regni Poloniæ
Primate, primoq; Principe. Præsentibus autem Illustrissi-
mis & Reverendiss: Dominis Comprovincialibus Episco-
pis, ANDREA à Lipe LIPSKI, Vladislavien: & Pome-
ranix; MATHIA ŁUBINSKI Poznaniensi, STANISLAO ŁU-
BINSKI Plocensi, OTTHONE SCHENKING Vendenfi: ac

B

Reve-

Reverendis & Religiosis Dominis, Melchiore Stephani-
nide, J. U. Doctore, Canonico Leopoliensi, Schola-
sticoq; Zamoscensi, pro Illustriss. D. JOANNE ANDREA
PROCHNICKI, Archiepiscopo Leopoliensi, Erasmo Kret-
kowski Canonico, Vicario in Spiritualibus, & Officia-
li Generali Cracoviensi, pro Illustriss. D. MARTINO
SZYSZKOWSKI Crac: GEORGIO TYSKIEWICZ,
Episcopo Metonensi, Suffraganeo & Custode Vilnen-
si, pro Illustriss. D. EUSTACHIO WOŁOWICZ Vil-
nensi. Petro Uszyński Custode Luceoriensi, pro Illu-
striss. D. ACHACIO GROCHOWSKI Luceoriensi. Mathæo
Babinowski Canonico Mednicensi, pro Illustrissimo
D. ABRACHAMO WOYNA, Samogitiæ. Jacobo Sliwski,
Archidiacono Premisliensi, pro Illustriss. D. ADAMO
NOWODWORSKI Premisliensi. Valentino Szczawiński,
Canonico Culmensi, & Officiario Culmensi, pro Il-
lustriss. D. JACOBO ZADZIK Culmensi, Regniq; Vi-
cecancelario. Abrahamo Sladkowski Episcopo Citren-
si, Suffraganeo, Canonico & Officiario Generali Chel-
mensi, pro Illustriss. D. REMIGIO KONIECPOLSKI Chel-
mensi. Fratre Martino Jaworski, Priore Monasterii
S. Crucis, pro Illustriss. D. BOGUSLAW BOXA RADOSZO-
WSKI, Kijoviensi: F. Leonardo Starczewski, Ordinis
Minorum de Observantia, pro Reverendiss. D. Ga-
briele Fredro Bachoviensi, Nunciis & Procuratoribus
Necnon Ecclesiarum Metropolitanarum & Cathedra-
lium Procuratoribus & Mandatariis: videlicet, Andrea
Szuldrski Proposito, & Simone Kołucki, Canonico,
pro Ca-

pro Capitulo Gnesnensi. Melchiore Stephanide J.U.D.
Canonico Leopoliensi, Scholasticoq; Zamoscensi, pro-
Capitulo Leopoliensi. Joanne Foxio J. U. D. Archi-
diacono Cracoviensi, & Thoma Oborski, Episcopo
Laodicensi, Suffraganeo Canonicoq; Crac: pro Capitu-
tulo Crac: Luca Bratkowski, & Sebastiano Grotkowski
Canonicis Vladislavien: pro Capitulo Vladislaviensi, Ge-
orgio Tyszkiewicz Episcopo Metonensi, Suffraganeo Cu-
stodeq; Vilnensi, pro Capitulo Vilnensi. Joanne Bayko-
wski Episcopo Ennensi, Suffraganeo Poznaniensi, Ar-
chidiaconoq; Sremensi; & Stanislae Wydzierzowski,
Custode Poznaniensi, pro Capitulo Poznaniensi. Gabrie-
le Wladyslawski Scholastico Lanciciensi, Canonicoque
Plocensi; & Francisco Zaierski Canonico Plocensi, suf-
fraganeoque Luceoriensi, pro Capitulo Plocensi. Petro U-
szyński Custode Luceoriensi, pro Capitulo Luceoriensi.
Jacobae Sliwski J. U. D. Archidiacono Premysliensi, pro
Capitulo Premysliensi. Mathae Babinowski Canonico
Mednicensi, pro Capitulo Samogitiensi. Valentino Szcza-
wiński Canonico Culmensi, pro Capitulo Culmensi. A-
brachamo Sladkowski, Canonico & Suffraganeo Cheł-
mensi, pro Capitulo Chełmensi. Reverendis etiam DD.
Andrea Gembicki, Tremesnensi, confirmato Suffraganeo
Gnesnensi; Joanne Madaleński, Landensi, Gasparo à Ko-
zielsko Kozielski, Wagroviensi; Stanislae Droiowski
Scyrzycensi, Adamo Trebnicz Oliveni, Leonardo Re-
bowski Peplinensi, Andrea Chlewski Oberscen: Stanislae
Starczewski Plocensi, Abbatibus. Andrea Strembofz

Mstoviensi, Chrysostomo Gorazdowski Czczoviensi,
Samuele Sirakowski Strzelnenfi, Præpositis. Necnon
aliis cæterorum DD. Abbatum & Præpositorum, legiti-
mis ex causis absentium, Nunciis.

De Professione Fidei, & doctrina Christiana.

QVoniam sine fide placere Deo impossibile est, Fidem
Sanctam Catholicam Romanam, quam juxta Bullam
Pii IV. præfens Synodus, ex præscripto S. Concilii Trid:
& Pontificalis Romani, professæ est: curare debent omnes
Ordinarii, Capitula, & Rectores quarumvis Ecclesiarum
& Scholarum, ut tam circa institutiones & receptiones ad
quævis beneficia & scholas, quàm concessionem faculta-
tis prædicandi, tum & promovendi ad Magisteria, Docto-
ratûs, vel quosvis gradus, in Universitatibus eandem pro-
fiteantur; neq; aliter promoti, possint in Ecclesiis & in
Provincia, uti Privilegiis Doctoratûs, vel Magistrorum.
Porro quantum attinet doctrinam fidei Catholicæ, in qua
Episcopi, & omnes Curati, tenentur erudire populum, cu-
ræ & fidei suæ commissum; quoniam in Regno hoc, &
Magno Ducatu Lithvaniæ, major pars est Villarum, quàm
Civitatum, vel Oppidorum, & in villis difficile ad execu-
tionem deduci potest, ut rustici, vel incolæ villarum, ad di-
scendam Doctrinam Christianam, pomeridiano tempo-
re convenient, ipsiq; Parochi, in villis præsertim, plerum-
que impediti esse possint, quominus eidem Doctrinæ Chri-
stianæ docendæ, attendere valeant: Præcipitur omnibus
Parochis, vel eorum Vicariis, ut quolibet die Dominico,
absoluta

absoluta Concione, Orationem Dominicam, Salutationem Angelicam, Symbolum fidei, Præcepta Decalogi & Ecclesiæ, cum populo recitent, idq; omnino in omnibus Parochiis observetur. Præterea ut Parochi in villis constituti, Conciones ad populum habeant ex Catechismo Conc: Trident: ad Parochos, tempori accommodatas, ex materia Orationis Dominicæ, Salutationis Angelicæ, Symboli fidei, aut Decem præceptorum Decalogi, aliàs juxta præfationem dicti Catechismi Conc: Trid: ad Parochos. In quem finem curabitur recudi Catechismus idem Conc: Trident: in Polonicum idioma translatus. Porro Parochi munus prædicandi verbi Dei, secundum Episcopos, ad se pertinere sciant, juxta S. Conc: Trident: præscriptum, *Cap: 4. Sess: 24. de Reformat.*

De Sacramentis, & Sacramentorum administratione.

QUæ de Sacramentorum administratione prolixè & sparsim in Sacris Canonibus, Concilio Tridentino & Constitutionibus Provincialibus, Statuta & Decreta reperiuntur; ea omnia in breve compendium in Epistola Pastoralis, bonæ mem: Illustriss: olim Cardinalis MACIEIOWSKI, ab Illustrissimis Cardinalibus Concilii Tridentini interpretibus recognita, redacta reperiuntur, tenoris sequentis, videlicet: Epistola Pastoralis ad Parochos, Provinciæ Gnesnensis.

BER-

BERNARDUS,

*Miseratione Divina, tit: S. Ioannis ante Portam Latinam,
S. R. E. Presbyter Cardinalis, MACIELOWSKI nuncupa-
tus, Archiepiscopus Gnesnensis, Legatus Natus, Regni
Poloniae Primas, & Primus Princeps, &c.*

Universis & singulis, Archipresbyteris, Plebanis, Com-
mendariis, Vicariis, & aliis quibuscunque, per & intra
Provinciam nostram Gnesnensem curam Animarum
habentibus, Salutem in Domino.

Cum ut D. Gregorius, norma & exemplar Pastorum,
in suo Pastoralis ait, scientia scientiarum, atque ars sit ar-
tium, cura & regimen animarum; meritò Majores no-
stri, nullam diligentiam in describendo hoc munere sufficere
existimantes, multa & praeclara de eo, non modò privatim,
pro Dioecesi ac Provincia quicquid sua, in peculiaribus Synodis,
sed & publicè, pro Ecclesia universa, in Generalibus Conciliis
atque Decretis Pontificum, singulis ferè ætatibus, nostraque hac
etiam statuerunt, Quae omnia cognita & perspecta habere, si-
cut utilitas, imò necessitas est maxima, ita ob multitudinem &
varietatem eorundem, difficultas videtur propè infinita. Nos
igitur, memores officii nostri, quo non solum pervigilare ipsi
de concreditis nobis animabus, tanquam rationem reddituri
strictissimam, sed & vobis, qui in partem sollicitudinis hujus
nostrae vocati à Domino estis, opportuna tenemur ministrare
subsidia; atque idcirco providentes, ne vel defectu librorum igno-
rare necessaria, vel hinc inde sparsa atque indigesta indagare
vos laboriosius oporteat: ex densissima quasi recentium juxta
ac veterum Constitutionum sylva, nonnulla, quae maximè ad
hoc propositum spectant, eligere, ponereque veluti sub unum
aspectum, ac promptuarii cujusdam instar, exhibere vobis in-
duximus

220

duximus in animum, prout quidem ponimus, atq; exhibemus, per has nostras presentes, ex quibus, quo pacto ordines, & beneficia recipere, fabricam & suppellectilem curare Ecclesiæ, ministrare Sacramenta, verbo & exemplo pascere commissum vobis gregem, bona ac proventus Ecclesiasticos tueri & administrare debeatis: plurimāq; alia, quæ ad officium vestrum Pastorale pertinent, facili, & in promptu sit vobis deponere. Vestrum itaq; erit legere hæc omnia diligenter, lectaque, meditata, & quasi in succum conversa, quàm studiosissimè exequi.

De ordinatione Clericorum.

QVia nihil æquè Ministrorum Ecclesiæ, vel mores corrumpit, vel otium atq; socordiam fovet, quàm si, quod est primum quasi Hierarchicæ ædificationis fundamentum, cui malè jacto quicquid superstruxerimus ruit, ad Ordines Sacros & properent ipsi, & facili nulloq; aut parvo admittantur. delectus: ideo quicumq; nuncupari deinceps Ecclesiastico ministerio volent, caveant imprimis, ne gratia cujusquam, vel metu, vivendi licentiùs, aut sæcularis judicii fugiendi animo, vel quod sæpè accidit, temporalis commodi lucrivè intuitu, quæstum facientes pietatem, & quantum in eis est, ostentui divina habentes, eligant hoc sanctum vitæ, atq; Angelicis humeris formidandum officii genus: quin potius id sibi propositum habeant, ut piè & castè viventes in hoc seculo, Deo fidelem cultū, Ecclesiæ obsequium, proximorum saluti sedulam operam navent. Sicut enim ex bona vel mala radice, bonus aut malus fructus; ita ex intentione accedentium ad Ordines, laudabilis postmodum, aut prava eorundem conversatio prodit.

Sint deinde scientia & literatura instructi competente. Et ad Minores quidem Ordines admittendi, legere sciant, & scribere, Linguamq; Latinam saltem intelligant, & fidei rudimenta teneant: ad Majores autem promovendi, versati sint saltem mediocriter in literis, noverintq; recitare Horas Canonicas, & habeant Breviarium. Sciant item reddere rationem Sacramentorum omnium in genere, speciatim verò, pertinentium ad naturam.

naturam & exercitium Ordinis ejus, ad quem promoveri cupiunt. Presbyterandi autem, idonei sint præterea, ad docendum populum ea, quæ scire omnibus necessarium est ad salutem, & ad administranda eidem Sacramenta.

Testimonium quoq; omnes habeant bonum, quemadmodum Sacro Tridentino Concilio præcipitur. *Sess. 23, de ref. c. 9.* Ad Minores quidem promovendi, à Parocho, & Magistro Scholæ, in qua educantur: ad Majores autem singulos evehendi, uno mense ante Ordinationem, Ordinarium loci, vel Officialem ejus generalem, aut si is etiam longè distet, foraneum, quisq; suum adeant, exposituri illis nomen, cognomen, parentes, & patriam, in qua nati sunt, vel ubi domicilium habeant. Ordinarius verò, vel Officiales ejus, committent Parochis locorum, aut quibus magis expedire viderint, ut nominibus & desiderio illorum publicè in Ecclesia propositis, de natalibus, ætate, moribus, & vita ipsorum perquirant a fide dignis, literasque, inquisitionem hujusmodi continentes, ad Ordinarium, vel Archidiaconum ejus, tempestive transmittant, aut eidem ordinandis, qui feria quarta, ordinationem proximè præcedente, præsentare se illis pro examine debebunt, deferendas tradant, clausas tamen.

Viderint autem isti, quibus, & quomodo testimonium perhibeant, quamque, si quod absit, inhabiles aut scandalosos commendent, præter gravissimum falsæ attestationis crimen, quod ineurrunt, impii sint etiam in Deum, atq; Ecclesiam, dum superioribus tales Ordinandos obtrudunt, in dedecus Clericalis Ordinis, ruinamq; & perniciem multorum.

Atq; ætas quidem, in assumendis ad primam tonsuram, & tres Minores Ordines, septem; ad Acolytatum, duodecim completorum; ad Subdiaconatum, viginti duorum; ad Diaconatum, viginti trium, ad Presbyteratum, viginti quinque annorum requiritur: istos tamen sufficit inchoatos esse.

De vita autem & moribus, cum inquisitio fiet, investigent etiam, perferibantq; Parochi, an promoti jam antea ad aliquos Ordines, si ulterioribus insigniri cupiunt, modeste ut ministros

Dei, vo-

Dei, vocatosq; in sortem ejus decet, vivant; num in ministerio Ecclesiæ, atq; exercendis susceptis Ordinibus sint assidui, reverentiam Presbyteris, & aliis superioribus exhibeant, Sacramenta Pœnitentiæ & Communionis, crebrius quàm antea usurpent.

Et quoniam prohibet Apostolus, ne cuiquam manus citò imponamus; nemo se in posterum, à susceptione ultimi Minorum Ordinum gradus, ad Mājorem, vel ab uno Majorum, ad alterum promovendum speret, qui in ante suscepto annum saltem unum in Ecclesia cui ascriptus est, non ministraverit; nisi fortè vel causa studiorum absit, vel Ordinarius loci, expedire aliter ob necessitatem, aut utilitatem Ecclesiæ existimaverit.

Nullus item Clericus secularis, ne cum dedecore Ordinis mendicare, vel sordidum aliquem quæstum exercere, sedibus vè incertis vagari cogatur, quamvis adoretur aliàs, admittatur ad Ordines sacros, nisi prius, juxta Tridentinum Concilium *Seff. 21. de ref. c. 1.* legitimè constet, possidere eum beneficium pacificè, vel in aliqua Ecclesia receptiva provisionem habere certam, quæ sibi pro victu & amictu honesto sufficiat. Beneficium autem illud resignare non poterit, nisi facta mentione, quòd ad titulum ejus sit promotus, neq; ea resignatio admitteatur, nisi constito, quòd possit aliundè commodè vivere. Ecclesiam etiam in qua provisus erat, inconsulto Ordinario, vel Officio ejus, non dimittet, aliàs interdictum sibi esse propterea exercitio Ordinum sciat. Similiter, si quispiam intuitu patrimonii sui ordinatus fuerit, alienari patrimonium illud, extinguivè vel remitti nullatenus poterit, sine Ordinarii, aut Officii ejus licentia, donec sit promotus, vel beneficium aliquod sufficiens assequatur, vel habeat aliàs, unde vivat.

Caveant autem, tam Ordinandi, quam Parochi, & alii quicunque, assignantes illis provisiones in suis Ecclesiis, ne, quod sæpè faciunt, fictis, atq; ementitis pro tempore provisionibus, Ordinariis, vel Archidiaconis illorum, contentur imponere; aliàs scienter & in fraudem hoc modo provis, suspensi sint ipso facto ab executione susceptorum Ordinum, speq; & facultate omni, aspirandi ad superiores careant; providentes autem, pœnam excommunicationis incurrant.

C

Porro

Porro alienæ Diœcesis Clerici, nisi vel versati fuerint in familiaritate Episcopi integro triennio, vel domicilium firmum, à decem saltem annis, sine voluntate redeundi ad locum originis, in Diœcesi ejus habuerint, vel aliàs domicilium contraxerint, juxta juris dispositionem, ordinari ab illo non poterunt absq; dimissoris Ordinariorum suorum literis, in quibus, præter facultatem suscipiendi Ordines ab alieno Episcopo, causæ etiam concessionis hujusmodi, exprimantur, examinatosque illos, de natalibus, ætate, scientia, moribus, ac probatos esse, & beneficium, aut patrimonium, provisionemvè in receptiva aliqua Ecclesia habere, appareat.

Noverint deniq; universi, non admittendos se esse ad Ordines sacros, citra obtentam legitimè, atq; exhibitam Ordinaris, vel Archidiaconis eorum dispensationem, aut nisi aliàs idonei & habiles reddantur illegitimi, Hæreticis parentibus non conversis postea nati, aut ipsi quandoque in hæresim lapsi, Neophiti, Bigami, Irregulares, Suspensi, Interdicti, Excommunicati majori excommunicatione, Minores natu, non Confirmati, rudes atq; ignari, criminosi, & solemniter poenitentes, homicidæ, adulteri, perjuri, usurarii manifesti, gulæ & ebrietati dediti, infames, obligati ratiociniis, servi, vitiiati corpore, insigniter deformes, peregrini & ignoti, hermaphroditæ, amentes, caduco morbo laborantes, energumeni, & alii id genus, quibuscunque Canonicis impedimentis obnoxii.

De modo acceptandi beneficia Ecclesiastica.

Cum ut plurimum ascensui descensus respondeat, quiq; non per ostium, nec per gradus, sed aliunde, & peccati demonisq; ministerio evehuntur, ad templi pinnaculum sæpè impellente eodem, præcipites ad infera ruant: nemo, quod plerique prava & inveterata consuetudine faciunt, resignanda ab aliis beneficia, priusquam revera resignentur, etiam sub clausula, resignaturus est, impetret: Omnes enim præsentationes & collationes hujusmodi, contrariæ sunt juri, ac proinde irritæ & nullæ.

Nullus item præsentandus, pacisci cum Patronis, aut transigere quovis.

quovis modo audeat, de alienandis hoc nomine, vel non repetendis ab eis bonis, aut juribus Ecclesiæ, decimisvè manipularibus, in pecuniarias convertendis, vel locandis, aut minuendo earundem pretio, sub pœnis, à jure in provisos simoniacè latis.

Sint verò Plebani, & alii Beneficiati omnes, instituti ab Ordinariis suis, aut Vicariis eorum generalibus; teneanturque eisdem, cum requirent, & Visitatoribus illorum, ostendere litteras institutionis suæ.

Si quis autem eò temeritatis processerit, ut Parochialem Ecclesiam, vel aliud quodcunq; curatum, aut sine cura beneficium, administrationemvè, vel detentionem ejus, de manu laicali sine institutione, commendationemvè Canonica recipere, aut recepta tenere, sub quovis colore & prætextu audeat; præterquam, quòd jure & auctoritate administrandi in eis Sacramenta carebit, fructusq; non faciet suos, & restituere tenebitur; ad beneficium quoq; illud, & aliud quodcunq; obtinendum reddetur inhabilis; sed & aliis, si quæ habet, Canonice obtentis, privatus erit eo ipso: obediensq; & præstantes subjectionem ullam occupatori vel detentori hujusmodi, siquidem universitas sit, interdicti; si persona singularis, excommunicationis sententiam incurrant.

Et quoniam beneficium datur propter officium, quique ex Altari vivit, Altari servire debet: omnes instituti ad beneficia curata, vel aliàs quovis modo obligationem hujusmodi annexam habentia, tenentur infra annum post adeptam pacificam illorum possessionem, nisi legitimum impedimentum obftet, sub privatione eorundem, ipso jure, ad Sacerdotium promoveri, primamq; suam Missam infra sex ad summum Menses celebrare, sub pœnis in Constitutionibus Provincialibus expressis.

De fabrica Ecclesiæ.

INter multa, quæ curam & studium Sacerdotum decent, haud postremum est illud, ut Ecclesiam quisq; suam quasi sponsam excolat, & ornet, diligatq; decorem domus Dei, & locum habitationis gloriæ ejus. Nihil est enim, quod vel illos chariores

populo reddat, vel populum ipsam ad devotionem, & pietatem omnem moveat & excitet magis.

Primum itaq, det operam Parochus, ut Ecclesia cui præest, tecta sit, & clausa probè, parietes habeat firmos, nec hiantes fissuris, fenestras vitro clausas, fornicemq; aut laquear decens.

Sacrosanctum Eucharistiæ Sacramentum teneatur in tabernaculo competentis, super Altare majus, ubi id commodè fieri potest, vel in alio loco conspicuo & nobiliori totius Ecclesiæ sito, seraq; munito, cujus clavis cautè à Parocho, vel Sacrorum custode servetur. Recondatur autem in pixide argentea, deaurata, supposito eidem corporali, & renovetur octavo quolibet, aut quindecimo ad summum die, semperque ante illud lampas, vel cereus ardeat, præsertim diebus festis, dum populus in Ecclesia congregatur. Quoties autem deferendum ad infirmos erit, particule aliquot in alio vasculo argenteo relinquuntur, propter ingredientes interim Ecclesiam, ne flectentes ante Sacrarium, cultumq; latriæ exercentes, errorè committant.

Olea quoque Sacra cum Chrismate, in loco benè clauso & decenti, extra tamen tabernaculum Sanctissimi Sacramenti, in quo nihil præter illud poni debet, inque terlis ac nitidis vasculis; Infirmorum autem, etiam in sepe rato ab aliis collocentur: neq; ad Baptismum vel infirmos, nisi à super pelliceatis Sacerdotibus, atq; cum lumine deferantur. Nova singulis annis, rempestivè, post diem Sanctum Cere Domini, per Clericos, non laicos, ex Ecclesia Cathedrali afferantur, ac modicè, ubi necessitas exiget, mundo & recenti oleo diluantur: vetera autem, extra casum necessitatis, ne adhibeantur à Parocho, sed quorannis pariter in lapide, destinato ad hunc usum, comburantur.

Fontem item Baptismalem, nitidè, atq; sub clausura teneat Ecclesiæ Rector, vasq; fontis, sæpius intra annum mundet, aquam ejusdem, per pannum lineum mundum in ollam novam colando, qua refusa in vas suum sic mundatum, pannus ille comburatur, & olla confracta subterretur. Quando verò renovanda statis temporibus erit aqua prior, quæ in vase fuerat, in sacrarium proijciatur.

Reliquiæ

Reliquiæ si quæ sint approbatæ, in Ecclesia loco decenti, tuto, neq; humido serventur, quæve & quorum sint Sanctorum superscriptis eorum nominibus pateat: quin & Catalogi illarum describantur in tabellis, cum Antiphonis, versiculis, & Orationibus suorum Sanctorum, quæ juxta Altare, vel alium locum, ubi illæ repositæ fuerint, pro oraturis ante eas fidelibus, appendantur. Quoties autem venerandæ exponentur populo, non permittantur eas osculari aut tangere seculares, sed vasa duntaxat, sive thecas illarum. Si quæ verò incertæ sunt, & inscriptione carent, non ostendantur publicè, sed reverenter in sacratio teneantur. Novæ autem undecunq; allatæ, non recipiantur ad Ecclesiam sine recognitione & approbatione Ordinarii. Nulli item liceat accipere vel minimam illarum particulam, aut dare cuivis personæ, sine licentia ejusdem, sub pœna excommunicationis incurrenda ipso facto.

Imagines & signa nonnisi Sanctorum, eaq; decentia, ac quæ ore, affectu, habituq; corporis, religionis speciem præferant, & ad pietatem animos intuentium provocent, in Templis & Altaribus collocentur: Imago autem Crucifixi, in medio cujusque Ecclesiæ statuatur.

Altaria sint munda, cooperianturq; umbellis, præsertim majus, aut telâ coloratâ ad arcendum pulverem: gradus item firmos, declives, & pro capacitate loci spaciosos, habeant.

Suggestus pro prædicando verbo Dei, loco eminenti atq; conspicuo, & quoad fieri potest, in medio Ecclesiæ, quò melius videre omnes Prædicator, videriq; ipse & audiri ab omnibus valeat, collocetur, tegaturq; laqueari ligneo, quò sensibilius per infera vox Concionatoris diffundatur.

Confessionalia etiam, rotæ in publico & aperto loco, remoto tamen ab Altari majori, extruantur, quot pro confitentium frequentia, & Confessoriorum numero sufficiant.

Pavimentum Ecclesiæ stratum, sit, & æquale, scopeturque frequenter. Cum autem fidelium corpora sub eo conduntur, coaptetur, & planetur denuò, profundeq; fodiantur, & claudantur optimè sepulchra, ne fæteant.

Vas cum aqua benedicta, pro aspersione, in ingressu, & egressu fidelium, propè limen, intra tamen Ecclesiam statuatur, quæ singulis diebus Dominicis renovata, vetus in sacratium, aut per Ecclesiam effundatur.

Trabes, frumenta, merces, resq; aliæ profanæ, etiam in scriniis, valis, vel doliis, non asserventur in Ecclesia, nisi fortè id fabricæ, belli, aut incendii necessitas postulet: qua cessante, curet ea statim amoveri inde Parochus.

Extruatur etiam porticus ante ostium Ecclesiæ, quæ exorsatur baptisandos, vel introducturo puerperas Parocho, pauperibusq; petentibus eleemosynam, pro receptaculo deserviat.

Cæmeterium sit septum & clausum, ne brutorum incurisionibus pateat, nullaq; sint in eo immunditia, lignorum vè struës, aut cæmentorum acervi; sed & frutices ac urticæ, si quæ excreverint succidantur: arbores tamen, ob tuendam a circumvicinis incendiis Ecclesiam, sini & plantari poterunt, dummodo luminibus templi propinquitate sua non officiant.

Sit etiam ossorium seperatum à parietibus Ecclesiæ, in quod ossa mortuorum congerantur, feretrumq; pro deportandis ad sepulturam cadaveribus.

Campanæ non appendantur in trabibus parieti Ecclesiæ adnixis, sed sublimes in campanili erigantur, sintque benedictæ, & aliqua illarum quotidie, in ortu & ocaſu solis, pro signo salutationis Angelicæ, pulsetur.

De suppellectili sacra.

HAbeantur etiam in qualibet Ecclesia, albi, rubri, viridis, violacei & nigri coloris, convenientia splendori, ac reditibus ejus, altarium, Sacerdotum, & Ministrantium illis, ornamenta; ut, antependia, pallia, casulæ, dalmaticæ, stolæ, manipularia, cingula, mappæ, albæ, amictus, altaria, portatilia, crucēs, patinæ, calices, vela pro eisdem, corporalia cum buſis suis, pallæ, purificatoria, urceoli pro vino & aqua, pelviculæ pro lavandis ad altare manibus, manutergia, pulpita seu pulvinaria pro Missali, campanulæ, thurribula, navicellæ, candelabra cerei
super-

superpellicea, vexilla, vasculum cum plumbo pro servandis hostiis, atque instrumenta ferrea, pro pinfendis & formandis eisdem. Quæ si ob tenuitatem proventuum Ecclesiæ non habebit unde provideat Parochus, recurrat ad opem fidellum, præsertim Patronorum, svadeatque ut quemadmodum cultum, & nitorem domus quisque suæ amant, ita Ecclesiæ, in qua nati sunt, ex aqua & Spiritu S. doctrinaq; Christiana, & Sacramentorum participatione educantur, quæq; tandem fundorum hac vita, & ipsorum; & charissimorum illis, futura est domus in æternum, debitam rationem habeant.

Habeantur item manuscripti, arte tamen & seorsim ligati libri, Baptifatorum, Confirmatorum, Contrahentium, matrimonia, negligentium confiteri, vel communicare, tempore Paschali, Decretorum, Visitationis Excommunicationum fulminatarum, Anniversariorum pro defunctis, necnon matricula animarum omnium, quæ sunt in illa Parochia.

Universa autem hæc, tam sacra, quam profana supellex, in vestiariis sive armariis bene clausis & mundis, sacrarioq; nec obscuro, nec humido, quàm ordinatissimè disposita, servetur, semelq; ad minus in anno, omnes sacræ vestes siccandæ in solem exponantur; linæ autem sæpè, sed corporalia, nonnisi à Sacerdotibus, vel saltem Diaconis, intraq; sacrarium, & in destinatis ad hoc ipsum vasis, laventur.

Fiat etiam Inventarium totius supellestilis Ecclesiæ, quod retineatur à Parocho, cum sigillis ejus atque vitricorum, aut aliorum probatorum hominum; alterum verò simile huic, ad Locordinarium transmittatur.

Habeantur denique libri, unus à Rectore Ecclesiæ, alter à vitricis, in quibus diligenter porrectiones sive eleemosinæ, pro fabrica & necessitatibus Ecclesiæ, fieri à fidelibus solitæ, dispensatioq; earundem, quæ cum consilio Parochi semper fiet, describantur; & juxta hos libros, rationem quotannis vitrici tenebuntur facere.

Munus

De residentia Parochum.

Munus atque officium praesidentium Ecclesiis, maximè curatis, hoc exigit, ut agnoscant vultum pecoris sui, vocent oves singulas nominatim, predicatione Verbi Dei, administratione Sacramentorum, & bonorum operum exemplo pascant; faciantq; alia quàm plurima, quæ præstari nisi ab assiduïs & invigilantibus gregi suo, non possunt. Expediit proinde, ut quilibet Ecclesiam hujusmodi obtinens, resideat in ea personaliter, neq; ultra duos aut ad summum tres menses, sive continuos, sive interruptos, singulis annis, vel certe ex gravi tantum causa, cognoscenda ab Ordinario, & cum licentia ejus in scriptis obtenta, provisoq; ne interim cura animarum negligatur, aut Ecclesia debitis fraudetur obsequiis, abesse præsumat; alioqui præter peccati mortalis reatum, quem incurret, fructus quoque pro ratha temporis absentia, non faciet suos, etiam non secuta alia declaratione, neque tutâ conscientia retinere eos poterit, sed in utilitatem ejusdem Ecclesiae, vel eleemosynam pauperum, converti debebunt, Ordinarii arbitrio. Quin & gravioribus penis, si quis hac in parte remissus & contumax fuerit, succumbet.

In primis autem caveant Parochi, ne tempore Adventus, Quadragesimæ, Nativitatis, & Resurrectionis Domini, Pentecostes item, ac solemnitatis Sacratissimi Corporis Christi, Patronique, & Dedicationis Ecclesiae suæ, absint, in quibus potissimum refici fideles, & gaudere Pastorum praesentia debent.

Saviente etiam peste, cum si quando aliàs, tunc naximè indigeant operâ illorum, non deserant populos suos, non evanescant dum sani sunt, ut confiteantur, atque communicent tempestivè, qui si nihilominus confiteri ad extremam usque necessitatem distulerint, per se vel alios idoneos Sacerdotes ex longinquo, per obices, in aperto aere, vel qua tandem tutiori ratione poterunt; in o cum periculo etiam vitæ, confessiones illorum excipiant, atque Sacramentum Baptismi atis, tam parvulis, quàm adultis ad fidem conversis, ministrent. Nullique omnino hæc præcipua duo tam necessaria Sacramenta etiam eo tempore denegent.

De Vicariis

SI qui autem, gratiam de non residendo apud Ecclesiam suam, aut plura curata, vel alias curatis incompatibilia beneficia, ex dispensatione Apostolica obtineant, adesseque propterea omnibus non possint: inprimis dispensationes huiusmodi teneantur quamprimum Ordinario exhibere; deinde habeant Vicarios rite Ordinatos, probos, honestos, diligentes, & quantum fieri potest, eruditos, probatosque ab Ordinario, vel officio ejus generali, quibus debent assignare congruam fructuum portionem, vel condigna alias solvere salaria. Hoc tamen non obstante, ipsi etiam saepe in persona visitent Ecclesias suas, juxta Constitutiones Provinciae.

Sed & ubi ita numerosus est populus, ut ipsemet residens Rector, ministrandis Sacramentis, Divinoque cultui peragendo sufficere nequeat, adungere sibi debet unum, aut plures, pro exigentia loci, & quantitate proventuum. Ecclesiae, similes Vicarios, non Regulares tamen, aut Apostatas, publice criminosos, quibus parem ac ipse habet etiam praedicandi, atque absolvendi Parochianos potestatem, non requisita, si remotius degat, approbatione Ordinarii sui, tribuere valeat; dummodo praedicti Vicarii a Decano rurali, congregationem tunc Parochorum celebrante, vel ab Officiali districtus illius foraneo, idonei reperti atque approbati fuerint: in quo conscientias eorundem, Decani & Officialis, oneramus. Fiet autem & scribeatur hac approbatio gratis, semelque approbatus, pro idoneo semper habebitur, quamdiu Ecclesiae illi ministrabit.

Nullus item Rectorum, in Vicarios huiusmodi, recipere audeat Sacerdotes forenses, sive peregrinos, & vagos alienae Diocesis, absque testimonialibus & dimissorialibus Ordinarium suorum; vel si sint ejusdem Diocesis, sine Praelati, Parochi, cujus Ecclesiae immediate servierunt, litteris; sub poena decem marcarum, exigenda per Instigatorem officii, ad delationem Decani Ruralis, piisque locis, arbitrio Ordinarii seu Officialium ejus, applicanda. Sed nec dicti Vicarii, postquam

se Ecclesiæ alicujus ministerio adjunxerint, audeant sub pœna eadem, invito, vel ante trimestre non monito Parocho, Ecclesiam illam deferere; qui si se gravatos à Parocho senserint, recurrant ad Ordinarium, vel Officium ejus, exponantque sua gravamina.

De Scholaribus, & Scholarum Magistris.

Quia multum refert, juventutem moribus & artibus optimis à teneris imbui: si apud Ecclesiam quamlibet Scholæ, Clericusque Baccalaureus, vel Magister artium, pro eo, ac loci postulabit dignitas; qui professione fidei circa receptionem Scholæ, in manibus Parochi, vel Vicarii ejus, juxta Bullam PII IV. facta, pueros Parochianorum, pietate & doctrina excolat; ac imprimis curet, ut juniores quidem, Orationem Dominicam, Salutationem Angelicam, Articulos fidei, Decalogi & Ecclesiæ Præcepta; proveciores autem, reliquum etiam Catechismum memoriter teneant, & quandoque publicè in Ecclesia recitent; modum item ministrandi operanti divina Presbytero, calleant, subindeque Grammaticam, & alias triviales artes, cum humanioribus literis, pro ætate & captu discipulorum, docere eos non negligat; libris tamen Melanchthonis, & aliorum Hæreticorum abstinere, solumque approbatos, & in fide non suspectos auctores interpretetur.

Provideat autem Parochus, ut tam dictus Rector Scholæ, quàm Cantor, & alii adolescentes, qui in Schola degunt, sobriè, honestè, & quietè vivant. Solent enim quandoque, mala & dissoluta vitæ suâ perturbare alios, scandaloque esse etiam ingenuis pueris, qui dum Scholas frequentant, depravatos illorum mores inveniunt, observant, imbibuntque faciliè.

Omnes etiam isti, ut ministros Ecclesiæ decet, Clericali habitu, vel conserto saltem talari utantur, sub pœna in Constitutionibus Provincialibus expressa.

Atque Rector quidem & Cantor, repugnante nec monito tempestivè Parocho, locum non immutent: alioquin tam ipsi, quàm qui eos recipit, sine dimissoriis à Parocho litteris, pœnâ, illi de-

illi decem, isti quinque marcarum, mulcentur; liberum, tamen erit ipsis, si graventur à Parocho, ac Ordinarium loci vel Officium ejus recurrere. Adolescentes quoque commigrare de una Schola in aliam, sine licentia & testimonio sui Rectoris, non audeant, & recipi à quoquam non possint. Vagabundi autem à Civitatibus & Oppidis abigantur.

De prædicatione Verbi Dei.

Cum ad retinendos in officio, atque informandos omni pietate homines, nihil in Ecclesia utilius & efficacius habeatur prædicatione Verbi Dei, quod est penetrabilius omni gladio ancipiti, pertingitque ad divisionem usque animæ & spiritus: Volumus, ut Parochi, & alii quicunque Ecclesiarum Rectores, quorum præcipua hæc est pars officii, per se, vel si ipsi legitimè impediti fuerint, per alios idoneos atque approbatos, ut supra, Sacerdotes, diebus saltem Dominicis, & festis solemnibus; in Adventu autem & Quadragesima, duabus præterea ad minimum feriis, erudiant pro Concionibus populum, deterreantque à vitiis, & ad virtutes cohortentur, ac præmia bonorum Cœlestia, cum æternis malorum suppliciis, sedulo inculcent.

Accommodent autem, præcipuè se, & doctrinam suam ætati, ingenio, conditioni, studiis, & moribus audientium; omniaque omnibus efficiantur, ut omnes Christo lucrifaciant: atque aliis quidem, ut modò genitis infantibus lac, aliis ut provectioribus jam vel adultis in Christo, solidiores cibos subministrent: Omnibus autem & singulis, ea præbeant doctrinæ alimenta, quæ spiritum augeant, promoveantque illos in virum perfectum.

Sed & temporis ipsius rationem habeant, illiq; potissimum sermonem conforment, ut tempore (verbi gratia) Carnisprivii, ab ebrietatibus & impudiciis populum avertant: in Quadragesima autem, ad Pœnitentiæ & Eucharistiæ Sacramenta præparent; & sic in reliquis anni partibus, pro, vel occasione ab Evangelio, Epistolâ, Lectione, festo ritibusve ac cerimoniis Ecclesiæ data, præcipua doctrinæ Christianæ capita explicant,

vel propensione tunc majori hominum ad aliqua vitia; eadem perstringant, & ad contrarias virtutes hortentur. Ad quorum utrumq; Catechismus Concilii Tridentini, cum Postilis Wuieci & Skargæ, abundè suppeditabant illis, non solum materiam, sed & tractandæ ejus modum.

Ante omnia verò, rudimenta fidei, & necessaria omnibus ad salutem doceant; Orationem Dominicam, Symbolum Apostolorum, Decalogum, Sacramentorum vim, naturam, & usum; neenon Præcepta Ecclesiæ, cum in matutinis Concionibus, pro opportunitate exhibita, tum in pomeridiana Catechismi explicatione, juxta Synodale decretum, explanent, atque ad hos quasi fontes, omnem suam doctrinam reducant.

Et de rebus quidem controversis in fide, apud rudem & Catholicam plebem, disputationes longas non instituunt; si quæ tamen occasio, aut necessitas postulet, modestè id sineque convitio, & cum ea quæ ministros Dei decet charitate, præstent; ut non tam persequi adversarios, quàm errantes ad viam veritatis reducere; cupere videantur; dogmataq; duntaxat Ecclesiæ Sacra Scripturâ, probatis traditionibus, auctoritate Conciliorum, & SS. Patrum doctrinâ, confirment; recensendis autem argumentis Hæreticorum supersedeant, nisi illa & ipsi resolvere solidè, & qui eos audiunt, vim & energiam solutionum percipere, valeant.

Scholastica etiam curiosa, quæque ad ædificationem non faciunt, coram idiotis non tractent. Sæpè enim accidit, ut quia auditores, neq; dicta ob subtilitatem intelligunt, neq; ob impensam subtilibus totam concionem, audiunt convenientia captui suo, vacui, inanesque fructuum verbi Dei recedant, impleaturq; illud Propheticum: *Parvuli petierunt panem, & non dederat qui frangeret eis.*

Historias nonnisi probatas usurpent; nugis autem, fabellis, leporibus, & facetè dictis, pigmentis item ac cerassis verborum, quæ Evangelii gravitatem dehonestant potius quàm ornant, abstineant omninò; neq; tam studeant demulcere audientium aures, quàm frangere animos, & deterrere, à vitiis, quæ

nunc

nunc committere genus humanum infestant; ut sunt, inimicitia capitales, publicæ injuriæ, virginum & viduarum raptus, adulteria, usuræ, furta, rapinæ, perjuria, calumniæ, judiciorum iniquitas, legum & magistratuum contemptus, subditorum oppressio, violatio Festorum, imprecationes, blasphemias, maleficia, præstigia, ebrietates impudentes, luxus incorrigibilis, perpetuum otium. Contra verò, hortari atq; inflammare eosdem ad pietatem in Deum, observantiam in superiores, benignitatē in subditos, honorem erga pares, amorem in omnes, patientiam, humilitatem, castimoniam, sobrietatem, & alias id genus virtutes.

Quoties autem in scelera, præsertim familiaria auditoribus, inveherentur acrius; non hominum, sed peccatorum odio id faciant, neminemq; expresse, aut per circumlocutionem notent, & maxime constitutis in aliqua dignitate, caveant ne acerbe, aut nominatim objurgent, sed leviter atq; in genere tantum admoneant.

Quodsi forte ij qui prædicaturi sunt, neque ingenio, neq; memoria valeant, Homiliam aliquam de tempore, ex dictis Pontificis, loco & auditoribus, à se accomodatam recitent, potius ex scripto quàm nullo ordine atq; judicio, quicquid eis in mentem & os venerit, proloquantur temerè.

Provideant denique, ne dum concio habebitur, deambulationes per Ecclesiam, aut confabulationes fiant: sed nec sacrum tunc Missæ officium, quod turbare audientes posset, celebretur, infantescvè ad Baptismum, vel Eucharistia cum Oleo sacro ad infirmos deferatur, nisi periculum mortis instet.

De promulgationibus à Conclonatore faciendis.

Finito sermone, dies festos, jejunia, indulgentias, Censuras Ecclesiasticas, & alia his similia denuncient Parochi, commendentque publicas & privatas necessitates orationibus fidelium, ac denique Confessionem cum eis generalem recitent.

Famam autem seu rumores gestorum alicubi, præterquam ob gra-

ob gratias Deo peragendas, aut implorandam ejus opem, non promulgent; neque res perditas publicent, nisi id necessitas, vel magna paupertas damnum passi, postulet.

Festa porro servanda in hac Provincia, denunciandaque populo, præter Dominicos dies, sunt hæc: Nativitatis Domini, Circumcisionis, Epiphaniæ, Resurrectionis, Ascensionis, & Pentecostes, cum duobus diebus immediatè sequentibus; Corporis Christi, Inventionis & Exaltationis Sanctæ Crucis, Conceptionis, Nativitatis, Annunciationis, Visitationis, Purificationis, & Assumptionis Beatæ MARIÆ Virginis, Michaelis Archangeli, Nativitatis Joannis Baptistæ; Apostolorum, Matthiæ, Philippi & Jacobi, Petri & Pauli, Jacobi Majoris, Bartholomæi, Matthæi Simonis, & Judæ, Andreæ, Thomæ, & Joannis Evangelistæ, Innocentium, Stephani, Laurentii, Adalberti, Stanislai in Majo, Martini, Nicolai, Annæ, Mariæ Magdalenæ Catharinæ, Agnetis, Margarethæ, Omnium Sanctorum, nec non proprii, loci aut Parochiæ cujusque Patroni: quæ omnia & singula sanctificanda sunt à Clero & populo, cultu & veneratione solemni. Si quæ tamen illorum, ex propriis diebus transferri contingat in alios, tunc à Clero tantum celebrabuntur in Ecclesiis; Labores autem & operas populi minimè impedient: solemnitatibus duntaxat, Annuntiationis B. V. MARIÆ, Sanctorumque Adalberti & Stanislai in Majo, exceptis, quæ etiam translata celebrare populus tenebitur. Dies autem Transfigurationis Domini, Præsentationis Mariæ, & ad Nives Divisionis Apostolorum, Vinculorum Petri, Conversionis Pauli, SS. Marci & Lucæ Evangelistarum, Gregorii, Ambrosii, Augustini, Hieronymi, Doctorum Ecclesiæ, nec non SS. Casimiri, Elizabeth & Hedvigis: Clerus quidem venerabitur duplici officio, sed populus auditâ Missâ, laboribus & operis licitè vacabit.

Instante etiam Sancti aut Sanctæ alicujus festo, cujus corpus, membra, vel aliæ insignes reliquiæ habentur in aliqua Ecclesia, moneatur tempestivè populus, & ad celebrandam illarum memoriam invitetur; quodsi multorum simul, vel inno-

minatæ

minatæ fuerint, una saltem quotannis dies, obeundæ ibidem
solemniter à Parocho commemorationi illarum, assignetur.
Anniversaria quoque Dedicationis Ecclesiæ dies, promulgetur
in Dominica præcedente.

Inculcandum est autem sæpius à Parochis, non propterea di-
es festos institutos esse, ut commestationibus, ebrietatibus, impu-
diciis, choreis, lusibusvè fideles indulgeant, temporeq; saluti,
& placando Divino numini destinato, ad maiorem ipsius offen-
sam, atque animarum suarum perniciem abutantur; sed ut, cum
tot aliis diebus curæ temporalium vacuerint, hisce saltem di-
ligentiùs spiritualibus invigilent, seque ipsos colligant; recogi-
tent beneficia Dei, & gratias pro illis agant, sacrificiò Missæ &
aliis Divinis officiis inter sint, Coneionem audiant, Sacra nen-
ta curandis animæ vulneribus adhibeant, liberiusque pietatis &
charitatis Christianæ operibus vacent.

Fora item, mercatus, & nundinas, sicubi Dominicis aut
Festis diebus peraguntur, spondeant transferri in alios Parochi,
ne hæc quoque occasio populum à Divinis retrahat.

Sed & jejunia, obligantia ex præcepto vel consuetudine,
denuncient sedulò. Magnus enim in ea re est abusus, multiq;
non jejunant, quando jejunandi imposita est eis necessitas, & è
contra, jejunant cum eos jejunare nullum Ecclesiasticum præ-
ceptum, aut consuetudo publicè recepta cogit; sed privata tan-
tùm devotio svaser. Jejunandum est igitur ex præcepto in
Quadragesima, Quatuor temporibus, Vigiliis Nativitatis Do-
mini, Assumptionis B. V. Mariæ, & omnium Apostolorum,
præter Vigilias Joannis Evangelistæ, Sanctorumque Philippi
& Jacobi; Nam B. Matthiæ etiam si in dies Carnisprivii inci-
derit jejunantia omninò, neq; trasferenda est in alium diem.
In Vigiliis item Joannis Baptistæ, Laurentii, & Omnium San-
ctorum, feriisq; sextis toto anno, præterquam cum in eis Nati-
vitas Domini inciderit. Ex consuetudine autem antiqua Pro-
vinciæ, etiam in diebus, reliqua Beatissimæ Virginis Festa, ex-
cepto Præsentationis & ad Nives, antecedentibus. Cætera je-
junia, si quæ præterea colunt & observant aliqui, libera sunt,
placitoq; & devotioni cujuscunq; relinquuntur, In-

Indulgentiæ à Sede Apostolica concessæ, ex Tridentini Concilii decreto, ab Ordinariis locorum, adhibitis duobus de Capitulo, sunt populis publicandæ. Cum autem earum publicationes aliis commiserit Episcopus, hî promulgando salutares illarum fructus, ac vim planè Cælestem, edisserant, doceantq; populum, quo pacto implendis pietatis & devotionis Christianæ quæ tenore Indulgentiarum continentur, officiis, disponere se ad eas consequendas debeat. Ad quassum tamen & elemosynas, scandalosè à fidelibus exigendas, Divinum hunc Thesaurum ne exponant, nullasq; in posterum Indulgentias, amplissimas & antiquissimas licet, pro quibus consequendis porrigendæ sunt manus adiutrices, usurpent, publicentvè. Revocata enim atq; irritatæ sunt omnes hujusmodi, nullasq; jam amplius vim & efficaciam habent.

Nova item miracula, ad templa, imagines, aut reliquias quorumcunq; Sanctorum, nisi sint recognita, atq; adhibito Theologorum consilio, approbata ab Ordinariis, ne publicent; votaq; oblata à fidelibus hoc non ine non recipiant, nec appendant, nisi facto, & circumstantiis ejus benè examinatis, & testimonio fide dignorum probatis, quæ in peculiari libro diligenter describant.

Bullam præterea Cœnæ Domini, bis ad minus in anno, primis scilicet Dominicis Adventus, & Quadragesimæ, promulgent; zeloque & diligentia majori qua poterunt, explicent cum omnia alia puncta & anathemata ejus, servientia huic Provinciæ, tum illa præcipuè quæ contra violantes jurisdictionem Ecclesiasticam, decimasq; & bona spiritualium rapientes, fulminant. Efficaciam quoque & vim censurarum Ecclesiæ, cum hac ipsa occasione, tum aliàs, ut si fortè quispiam incurrisse eas denunciandus sit publicè, diligenter populo inculcent, doceantque quam meritò vitari & metui ab omnibus debeant.

De administratione Sacramentorum.

ET quoniam is, qui curam animarum gerit, præter ea quæ diximus, ad Sacramentorum etiam ministrationem paratus semper

semper esse debet. Cogitent imprimis, ac perpendant secum diligenter Parochi, quàm ab omni labe peccati mortalis mundos ac liberos illos esse oporteat, ne dum opem salutis aliorum ferunt, sacra indignè tractando, æternam sibi ipsis assciscant perniciem.

Ut autem hæc Divina mysteria venerentur fideles impensius, majoriq; illorum exardescant desiderio, non negligant Parochi, cum aliàs sæpè, tum præsertim in administratione illorum, præstantiam atque dignitatem eorundem explicare.

Ministrent verò ea, ritu & cærimoniis, in Libro Agendorum præscriptis, superpelliceo & stola induti, materiam & formam debitas, adhibeant cum intentione.

Nullum item precium vel mercedem, ab ijs quibus ministrantur, exigere quovis modo audeant. Consuetudo tamen legitima, pia fidelium largitione introducta, aliquid Ministro ad ejus sustentationem, post ministratum liberè Sacramentum præstandi, erit observanda.

Præcipuè verò, atque ante omnia, sub interminatione Divini Judicii, pœnisq; gravissimis infligendis Lociordinariorum arbitrio, caveant; nè vel sine Baptismo infantes, vel infirmos sine Pœnitentiæ, Eucharistiæ, Extremæque Unctionis Sacramento, culpa aut negligentia illorum, contingat decedere.

De Baptismo.

ET ad Baptismum quidem quod attinet, qui est quasi janua vitæ Christianæ, neminem extra Ecclesiam in privatis ædibus, nisi ex necessitate, Regumvè, aut Principum filios, baptisent.

Erudiant nihilominus plebem, ac præsertim faminas, quæ obstetricantur, quomodo baptizare debeant infantem recens natum, in necessitatis casu; si nimirum adeò imbecillum videant, ut neque deferri ad Ecclesiam, neque dum Sacerdos veniat, supervivere posse videatur; nempe, ut fundendo ter aquam super caput ejus, proferant hæc verba: *Ego Te Baptizo, In Nomine PATRIS, & FILII, & SPIRITUS SANCTI.* Ea tamen cautela adhibita, ut præsentem Clerico non baptiset laicus,

E

neque

neque viro, mulier, nisi fortè vir formam Baptismi ignoret; neque Catholico, Heretico, aut Christiano, Judæus vel Gentilis, qui etiam hoc casu baptizare possunt, modò aquam & verba debite adhibeant, cum intentione faciendi, quod facit Ecclesia. Quod si sic baptisatus evadat periculum, deferendus est postea ad Ecclesiam, ut solemnes circa eum Baptismi caerimonæ, prætermittis tamen exorcismis suppleantur.

Si verò dubitetur, an vel hujusmodi, vel expositus infans, aut etiam adultus baptisari cupiens, baptisatus sit antea, & debite, baptisandusq; propterea, diu atque multum re examinata videatur Parochos adhibeatur hæc forma: *Si non es Baptisatus, Ego Te Baptizo, In Nomine PATRIS, & FILII, &c.*

Patrinos, Matrinasvè, ad levandum de sacro fonte baptisatum, uno, aut una, vel ad summum uno & una, plures non admittant Parochi, doceantq; cognationem spiritualem, impedientem & dirimentem matrimonia contrahi hoc nomine, inter suscipientes ex Baptismo, ac Baptisatum ipsum, & inter illius Patrem & Matrem, necnon inter Baptisantem & Baptisatum, Baptisatiq; Patrem ac Matrem tantum, quemadmodum Sacro Tridentino Concilio cavetur, *Sess. 24. de ref. c. 2.* Quorum omnium nomina & cognomina, ipsemet Sacerdos manu sua, describat, in Libro Baptisatorum, in hunc modum: Anno 1607. die 15. Octob: Ego N. Plebanus, aut Vicarius Ecclesiæ Parochialis N. baptisavi N. Filium & N. conjugum legitimorum, Patrini fuerunt N. & N.

Sed & Infideles, Hæreticos, Schismaticos, Excommunicatos, Monachos, à munere Patrinatorum arceant.

De Confirmatione.

Confirmationis etiam Sacramentorum, quod nos armat & induit virtute ex alto, quoties ab Ordinario loci, vel alio Episcopo de eius licentia ministrandum erit, instruant Rectores tempestivè populum, de vi & effectibus ejus; moneantq; ut semel confirmati non reiterent illud sacrilegè. Confirmandi autem, & corpora quasi templa Spiritui Sancto peculiariter dedicanda.

240
dicanda præparent, & animos expurgent per confessionem, si præsertim conscientia noxæ alicujus mortalis teneantur, aut saltem firmum confitendi quantocius propositum habeant: linteola item munda, pro alligando sibi in frontibus Charismate, Patrinumque vel Matrinam, prout ipsi mares vel feminae fuerint, confirmatos jam, non Patrem tamen aut Matrem, nec Vitricum, vel Novercam, Maritumvè aut uxorem, suos provideant; qui plures duobus, vel tribus ad summum, una die tenere non poterunt, & quos tenuerint, instruere debent ad omnem pietatem, ac fidei rudimenta docere, utq; piè, reverenter, & jejuni, excepta necessitate, ad Sacramentum hoc salutare accedant, neq; nisi finito Confirmationis omnium actu, & benedictione Episcopali accepta, detersoq; à Sacerdotibus, si præsertim remotius habitent, Chrismate, de templo discedant. Meminerint deniq; cognationem spirituales in hoc Sacramento contrahi, inter Confirmantem & Confirmatum, illiusq; Patrem & Matrem, ac tenentem. Quorum omnium nomina & cognomina cum expressione temporis, curet annotari Parochus in libro Confirmatorum in hunc modum: Anno, Mense, die, & Confirmatus vel confirmata est à Reverendiss. Dño N, Episcopo N, filius vel filia N. & N. Patrinus vel Matrina fuit, N.

De Pœnitentia.

QVo frequentius in scopulos vitiorum impingunt fideles, eò ut sapius Sacramentum Pœnitentiæ, quæ est secunda post naufragium tabula, frequentent, admoneant Parochi; semel verò ad minus per annum, præsertim in Paschate, confiteri eisdem etiam compellant, non confessos, notent & deferant Ordinariis vel Visitatoribus eorum; ac demum si moniti parere noluerint, vivos aditu Ecclesiæ, mortuos, Ecclesiastica sepultura, arceant.

Hortandi sunt præterea fideles, ac præsertim illi, qui rariùs confitentur, ne confessionem ad extremam usque Quadragesimam, cum maximè Sacerdotes obeundis functionibus Ecclesiasticis occupantur, differant; sed primam quidem, tempestivè

ante Dominicam Lætare, secundam verò, de, vel post commissis, vel revocatis in memoriam delictis, paulò anteq. Sacram. Communionem faciant.

Omnes autem inprimis atque super omnia doceantur, ut illustratis & excussis diligenter conscientiarum suarum latebris, integrè, & apertè, nihilque tacendo, aut palliando involucris verborum, effundant corda & Animas suas, coram Ministro DEI, internumq; animi dolorem, saltem attritionis quem vocant, cum firmo proposito non peccandi amplius, habere procurent; aliàs sacrilegam, irritam, & nullam, ac proinde iterandam confessionem illorum esse.

His & aliis similibus, publicè & frequenter populo expositis, Presbyteri quoque, non in domo, nec in Sacristia, locovè aliquo clauso vel obscuro, sed in Ecclesia duntaxat, inque confessionali ad id deputato confitentes sibi, præsertim foeminas, neque catervatim, aut plures simul, etiam pueros, sed singulos separatim audiant, sub pœna arbitrio Ordinarii irroganda.

Accedentes ad confessionem, arma si quæ habent, ob reverentiam Sacramenti, submissiq; animi significationem deponere, rudiores autem aperire caput, ad pedesque Sacerdotis, demisso in terram vultu ac manibus supplicem in modum conjunctis, genu flexos se abijcere, & munire signo Crucis doceant; deinde data eis benedictione hunc in modum: *Dominus sit in corde tuo, & in labiis tuis, ut dignè & competenter confitearis peccata tua. In Nomine Patris, & Filij, & Spiritus S.* examinent breviter, an sciant necessaria ipsis ad salutem, perquirantq; de statu, & conditione illorum, si ea ignorant. Item à quanto jam tempore, proprio vè Parocho, an integrè, neq; tacito ullo de industria peccato fuerint confessi, an Pœnitentiam injunctam tunc sibi, impleverint; aut nunc diligenter examine discusserint conscientiam; an Censuris Ecclesiasticis innodati non sint; adum demum recensentes peccata sua, patienter & attentè audiant, timidos confirment, vacillantes instruant, nec si enormia aut turpia peccata protulerint, signum ullum admirationis abominationisvè præferant; sed ac si nihil prorsus audirent hujusmodi, ad finem usq; confessionis dissimulent. Quod

Quod si poenitentes, peccata ipsi sua, ob pudorem, vel simplicitatem recensere nequeant, non contenti Sacerdotes confessionem generalem recitare cum illis, interrogent etiam singulatim, de commissis, omissisq; contra Decalogum præcepta Ecclesiæ, & misericordiæ opera, de peccatis Capitalibus, clamantibus in Cœlum, & contra Spiritum Sanctum; adhibita ubi opus erit, peccatorum cogitationis, verbi, & operis, distinctione.

Potissimum autem inquirant de illis, numeroq; & specie illorum, cum circumstantiis mutantibus speciem peccati, aut idem valde gravantibus, quæ vel promiscuè perpetrantur nunc ab hominibus, vel propria sunt statui & conditioni cujusq; poenitentis. Caveant tamen, ne nimium scrupulosi atq; importunis percuntationibus, offendiculum præbeant infirmis, vel simplices doceant peccata, quæ ignoraverunt: nevé eliciat nomina personarum, cum quibus confitentes peccaverunt.

Finitis interrogationibus, proponant opportuna peccatis ejusq; remedia, arguantq; obsecrent, increpent, in omni patientia & doctrina; causas & occasiones peccatorum præcindere restitutionem si quam debent, famæ, damni, aut rerum, facere præcipiant; doloremq; inprimis pro peccatis, ac detestationem eorundem, propter offensam maximè Dei, cum firmo proposito non peccandi amplius, excitare in animis confidentium studeant, inculcando gravitatem, & turpitudinem peccati, ac consequentia illud damna.

In poenitentiis autem, & satisfactionibus injungendis, non sint nimium mites, neque nimium severi, sed pro qualitate criminum, doloreq; ætate, sexu, statu, & conditione poenitentium, poenas culpis quàm maximè congruentes irrogent, ut peccatores à vitiis quidem arceantur, non deterreantur tamen à confessione.

Deniq; præmissis, *Misereatur tui, &c.* extensaq; super caput poenitentis dextra manu, absolvant eum in hunc modum: *Domine noster JESUS Christus, per suam piissimam misericordiam dignetur te absolvere, & ego auctoritate illius, absolvo te, à vinculo ex-*
commu-

communicationis, suspensionis; & interdicti, si qua incurristi, quantum possum & indiges, deinde, absolvo te ab omnibus peccatis tuis, In nomine Patris, & Filii, & Spiritus S. Amen. Formataq; super illum cruce, addant: Passio Domini nostri JESU Christi, & merita Beatissima Virginis Mariae, omniumq; Sanctorum, & quicquid boni feceris vel mali susinueris, cedant tibi in remissionem peccatorum tuorum, in augmentum gratiae, & pramium vitae aeternae, Amen. Atque haec praecite verba, nihil detrahendo, addendo, mutandove, adhibeant in absolvendo omnes, si qui verò diffident memoriae, descripta in tabella, & ante se posita, legant. In absolutione tamen laicorum, omittant semper verbum illud suspensionis: soli enim Clerici promoti ad Ordines, poenam suspensionis incurrunt.

Caveant praeterea, ne peccata audita in confessione, verbo, signo, aut alio quovis modo, directe, vel indirecte, extra illam prodant, sub poena depositionis, carcerisq; perpetui, & excommunicationis sententia. Sed & in confessione ipsa vitent, ne dum confitentes graviora peccata narrabunt, suspirando, spuendo, signando se cruce, corrugando frontem, incitando sermonem, seque agitando, aut alias quomodolibet suspicionem, illorum circumstantibus iniiciant; imò si quem, fortè, ob reservatum casum, aut quia peccatum, vel occasionem ejus dimittere, satisfactionemve aut restitutionem praestare recuset, absolvendum non existimabunt; signo saltem Crucis, cum precatiuncula aliqua, propter circumstantes, admonitum, prius ea de re, benedicant, & sic a se dimittant. Poenitentias etiam tales non injungant, ex quibus alij in cognitionem confessorum criminum, devenire facile possint.

Ne verò se & alios decipiant Parochi, absolventes à peccatis, à quibus revera, ob defectum jurisdictionis, non possunt absolvere: noverint bene Casus Sanctae Sedi Apostolicae reservados, tam jure communi, quam Bullae Censurae Domini, aliisque Constitutionibus Pontificum, de quibus post alios optime Navarrus: tunc & eos qui Ordinariae potestati reservantur.

Vocati ad aegrotos Parochi, sine mora accurant, imò non vocati etiam, cum primum de adversa valetudine illorum co-

gnove-

gnoverint, invitant: hortenturq; eos ad suscipienda Eucharistia Sacramenta.

Mulieres etiam gravidas admoneant, ut ob instans in partu periculum, confiteantur tempestivè, doceantq; eadem in confessione, ne se tunc, vel tempore menstrui, maritis commisceant.

Sed & mortis mulctandis, ob publica crimina, exhibeant dignam Sacerdotibus Christi charitatem, munitosq; Sacramentis comitentur ad locum supplicii, & ad piè in Domino moriendum, disponant.

De Sacrosancta Eucharistia.

Quandoquidem panis ille vivus, qui de Coelo descendit, propterea datus est nobis divinitus, ut eo vescentes, non deficiamus in via, sed in fortitudine ejus ambulemus usq; ad montem Dei: exhortentur populum Rectores, ut ad mensam hanc Coelestem, frequenter, aut saltem in Festis solemnioribus, accedant. Si qui autem tempore Paschali, à die videlicet palmarum, usq; ad Dominicam in Albis, inclusivè, quo communicare omnes Ecclesiae præcepto tenentur, facere id, nisi fortè jubente vel svadente ira Confessario, neglexerint, & quidem in propria ipsorum Parochiali Ecclesia, deq; manibus Parochi, aut Vicarii ejus: excepto, si vel degant tunc ipsi apud externos, vel Sacerdos externus licentiam ad id Locordinarii Parochiè habeat, notatos in Libro denuncient Locordinario, vel Visitatoribus ejus monitosque, & nihilominus in obedièntes, prohibitionis, ut supra, ingressus Ecclesiae, atq; sepulturæ poenæ mulctent, non obstante, quòd aliqui inimicitii, aut actione in jure, impediti se, à Sacra Communione causentur: quandoquidem petita ab offenso venia, & oblata satisfactiōe, semoraq; penitus ex animo ira, & cupiditate vindictæ, habilem se quilibet ad eam reddere potest.

Contra verò arcendi atq; repellendi sunt, ab hoc pleno sanctitatis omnis Sacramento; excommunicati, interdicti, concubinari, foeneratores, ebriosi, & alii quicunq; publicè scandalosi ho-

Illos homines, qui semel & iterum, ad sacram Synaxim, post promissam vitæ emendationem admissi, revertuntur veluti canes ad vomitum, computrescuntq; ut iumenta, in stercorebus suis; nisi postquam revera resipuisse eos, vitamq; mutasse in melius, certum ac evidens fuerit. Sed nec pueris usu rationis carentibus, adolescentulisve, nisi prius benè examinatis, ac pro captu illorum de vi & natura Sacramenti hujus instructis, à Parocho permittenda est Sacra Communio. Amentibus item atq; furiosis, præterquam cum vel lucida habent intervalla, vel in mortis versantur articulo, expunctionisq; aut irreverentiæ alterius non adest periculum, & si antequam in amentiam inciderant, desiderio Sacramenti hujus flagraverunt.

Accessuri ad mensam Christi, moneantur sedulò, ut attentata dignitate, atq; præstantia Sacramenti hujus, quod non solum multiplices, ut alia gratias, sed etiam fontem ipsum auctoremq; gratiarum omnium in se complectitur, probent primum seipsos, & sic de pane illo edant, & de calice bibant; ne quod minatur Apostolus, rei aliàs corporis & sanguinis Domini peragantur. Ac proinde, ut excussis naviter conscientiarum suarum recessibus, sordes & maculas omnes, confessione Sacramentali ex animis eluant; offensas & odia, si quæ mentibus alunt, deponant, dimittantq; ex cordibus fratribus suis. Matri-
monio juncti, per aliquot ante & post communionem dies, cõtineant ab invicem; omnes autem à esbo & potu, à media præcedentis diei nocte, ad communionis usque tempus, jejuniq; omninò ad eam accedant. Deniq; sic se totos corporibus & animis præparent, ut dignum tantus hospes, majestate sua habitaculum in illis reperiat.

Administraturi Eucharistiam Parochi, non discurrant cum illa per Ecclesiam, ut pleriq; facere frequenti populo solent, distributa utrinq; veluti in filium agresti turba, à qua propterea ipsi, non solum premuntur irreverenter, sed & protruduntur, quandoq; non sine periculo: quin potius ad Altare majus, vel aliud quod illis opportunum magis videbitur, erectis cancellis, vel circumpositis pro tempore æqualibus scamnis, iisdemque
de ceteris

decenter stratis, venerabundos, ut tam sancta & tremenda mysteria decet, sineque tumultu, & impeditioe alterius ab altero, accedere quidem ab uno latere Ecclesiæ, recedere autem ab altero jubeant.

Accensus deinde in Altari, si fortè extra Missam peragenda erit Communio, cæreis; ac ubi id Ecclesiæ facultates permittunt, etiam intortitiis, factaq; generali Confessione sive à populo præloquente Parocho nativâ illorum lingua, sive à Clerico nomine omnium Latina, conversus ad populum Parochus, dicat Orationes: *Misereatur, &c: & Indulgentiam, &c:* Deinde positis pro numero communicantium, non quidem in patina, nisi pauci sint admodum propter dejectionis vento, infestatione, aut motu aliquo incauto periculum, sed in calice consecrato, pixidivè gestatoria, ad hunc usum comparata, pluribus vel paucioribus hostiis, unamq; illarum summis dextræ digitis super vasculum tenens, & ad communicaturos versus, dicat: *Ecce Agnus Dei, ecce qui tollit peccata mundi.* Deinde subsequente verba ejus populo, repetat ter: *Domine non sum dignus ut intres sub tectum meum, sed tantum dic verbo, & sanabitur anima mea,* singulisq; singulas particulas porrigens, proferat hæc verba: *Corpus & Sanguis Domini nostri JESU Christi, proficiat tibi in vitam æternam. Amen.*

Recedenti ab Altari populo, propinetur à Clericis pro ablutione, vinum, si tenues redditus Ecclesiæ fuerint, aqua dulcium, in argenteo vel stanneo calice, non consecrato tamen, mandumq; ac nitidum mantile, pro abstergendo ore offeratur.

Moneantur deniq; fideles, ne post susceptam Eucharistiam, commestationibus atq; conviviis indulgeant; sed modicâ refectioe contenti, totum illum diem, visitandis Ecclesiis, Divinoq; hoc beneficio recolendo, impendant.

Quando verò infirmi procurandi hoc Sacramento erunt, deferatur ad illos quam honorificentissimè à Sacerdote, superpelliceo, & stola induto, in vasculo decenti, & velato, subq; umbella, ubi id commodè fieri potest, præcedentibus Ministris Ecclesiæ, indidem superpellicatis, cum vexillis, facibus, cæreisve

accensis, & tintinnabulo: Hymnosque, aut Antiphonas convenientes huic Sacramento canentibus, ac populo sequente; qui ut frequens & devotus comitari assuescat, moneatur sedulò in Concionibus, ac præsertim sicubi Confraternitates laicorum, pietati huic destinatae habentur, ut illam assidue exercent.

Et si quidem ægrotus non longè abfuerit, portentur ad minimum duæ particulæ, quarum una in pixide, redeunte ad Ecclesiam Presbytero, maneat, ne inane vasculum adoretur ab obviis, qui si fortè tunc curru aut equo vehentur, desilire subito, procidereq; in genua, & sic flexi persistere, donec Dominus & DEUS illorum transeat, doceantur.

Quod si remotius à villa, vel Oppido, ac proinde equitem oporteat ire Presbyterum; tunc omisso dicto apparatu, unicaq; hostia, in perulam auro vel serico textam, quæ ex collo illius, cum nollula tinniente pendeat, assumpta, proficiscatur lento & modesto gradu: ubi tamen ad locum pervenerit, superpelli-
ceum & stolam omnino adhibeat, ministratoque Sacramento, sine sonitu campanulæ, atq; occultata perula revertatur.

Monendi sunt autem ij, qui Parochum, de infirmo salutare hoc viaticum exposcente, certiores reddent, ut cubiculum ejus purgari à sordibus, & profana inde omnia amoveri; mensam item, in qua super corporali Sacramentum collocetur, mundâ atq; nitidâ mappâ sterni, poniq; in ea cæreos accensos, & imagines sacras, aut saltem crucem cum vasculis aquæ benedictæ, & vini pro ablutione, ante sacerdotis adventum, curent.

Collocato ut supra Sacramento, si ob distantiam loci, vel instans mortis periculum, unâ eademq; operâ audienda ægroti fuerit confessio, primùm id Sacerdos, excedere omnibus cubiculo, atq; foris orare jussis, præster. Deinde sacram ei Communionem exhibeat. Porro aliàs semper, quando vicinitas loci, nec adeò afflicta infirmi valetudo patitur, aditum prius hoc nomine, audiat, & præparet, tuncque demum ad eum Divinam Syntaxim ferat.

Ad neminem autem deferatur, qui eam revera percepturus non est; quod si interea dum deferatur, ægrotus infirmi ita inval-

invaleſcat, ut ei non poſſit tutò miniſtrari; tunc poſita Presbyter ſuper menſam pixide, immoretur paululùm proſtratusque genibus unà cum aliis qui aderunt, Deum ſuplex oret; deinde conſolato ſalubriter pro tempore agroto, videndam ſi id optet atque adorandam eidem Euchariftiam exhibeat, aut ſaltem re- ceſſurus, incluſa in vaſculo, benedicat.

Poteſt autem, imò debet Sacramentum hoc miniſtrari æ- grotis, tam valde & repentè vi morbi oppreſſis, ut periculum ſit, ne ſine viatico decedant, quodocunq; etiam noctu, poſtq; ſumptum ab eis cibum, ſi nihil aliud obſtet.

Denique monendi ſunt magiſtratus, ne mulcandos capi- te, mori ſine ſacra communione permittant: communicaturosq; huiusmodi exſolutos vinculis, educi ex carcere in liberio- rem ac decentiorem locum, pro reverentia tanti Sacramenti faciant; nec quenquam, eo die quo Euchariftiam ſumpſit, ſupplicio af- fici patiantur.

De Sacrificio Miſſæ.

Quia verò eadem Divina Synaxis, non Sacramenti tantum, atque alimenti Cæleſtis fidelium, ſed etiam jugis, Chriſto ita ordinante, vereq; propitiatorii, pro vivis & defunctis Sacri- ficii, vim ac nomen obtinet; provideant etiam atq; etiam Sa- cerdotes Domini, ut quàm ſanctam, anguſtam, & tremendam hoſtiam hanc eſſe ſciunt, tam piè & ſanctè comparatis animis, locoque, tempore, & modo convenientibus, ad oblationem il- lius accedant.

Et inprimis, nemo in privatis ædibus, extra Eccleſiam, vel Oratoria, ad hunc ipſum uſum deputata, probataque ab Ordi- nario, quin & in Eccleſia non conſecrata, interdicta, profana- ta, effuſioneq; violenta ſanguinis, vel ſeminis humani volun- taria, hæreticorumvè aut excommunicatorum ſepulturis, vel aliàs quomodolibet polluta ſive execrata, ſine licentia Ordina- ri, aut interdicti, profanationis, pollutionis, execrationisvè huiusmodi relaxatione, celebrare audeat.

Nemo item ante auroram, vel poſt meridiem, pluricvè

in die, Natali duntaxat Salvatoris excepto, in quo licitè tres Missas celebrare quilibet Sacerdos potest, primam quidem media nocte, secundam in aurora, tertiam interdum, vel omnes tres simul post auroram horà competente, ablutione tamen usque ad ultimam rejecta. Sed & Missa *Rorate*, quam vocant, decantari solita in hac Provincia per totum Adventum, nunquam antè auroram cantetur, legaturvè.

Nullus præterea excommunicatus, interdictus, vel suspensus ab Ordinum exercitio, publice & notoriè criminosus, nisi quem postea vitæ & morum honestas commendent; nullus item vagus, peregrinus, ignotusq; sine testimonio Ordinationis, & conversationis suæ, ad celebrationem Missæ admittatur.

Nemo denique nisi jejunus, ut supra, dormitione sive digestionem præhabitis, recitatisq; horis Canonicis, saltem Matutino & Laudibus, Confessione item Sacramentali, si sibi sit conscius peccati mortalis, & copiam confessoris habeat, præmissa, aut saltem contritus, firmumq; propositum confitendi, quamprimum confessorem nactus fuerit, habens, sacrum Missæ officium celebrare audeat.

Recollecto deinde à profanis animo, atque in sedula mysterii hujus cogitatione defixo, statuatur ipse secum, consecrare & offerre Sacrificium, pro qua tunc re, vel persona tenebitur ex officio, aut aliàs ipsi placuerit; præscriptasq; in Missali preces sive accessum, ut vocant, piè ac devotè recitet; Missam dicendam reperiat, & singulas ejus partes notet, ne tunc demum, quærendis illis immoretur, cum jam ad Altare fuerit; ad quod non accedat, nisi infra scripta hæc adsint.

Primò, Altare ipsum consecratum, aut saltem Portatile, integrum, vel non enormiter læsum, neque violatum, tantæ latitudinis: ut calicem & hostiam capiat. Mappæ ad minus tres mundæ, & quæ totum Altare tegant. Antependium decens. Ampullæ cum vino & aqua. Vinum autem defœcatum, merum, non acidum, neque aliàs quomodolibet corruptum. Hostia triticea, pura, candida, illæsa, mediocriter subtilis, & recens, Calix cum patina, tersus, nitidusq; non fractus, ne care-

us, aut

us, aut ex aurichalco, sed argentens, & ab intra saltem deauratus. Vestes item non sordidæ, nec laceræ. Corporalia, Pallæ, & Purificatoria benè lora. Univerſa autem hæc, consecrata ritu ſolemni, & benediſta. Poſtremò, accendantur cerei, Cruſq; in medio Altaris ſtatuatur.

Tum demum veſtitus decenter, vultuq; & habitu totius corporis ad devotionem compoſito, accedat ad Altare Domini Sacerdos, dicatq; & faciat omnia, juxta præſcriptum Miſſalis, nihil omnino addens, mutans, minnensvè, neque fidens memoria, ſed lecta in libro, ſecretiora quidem ſubmiſſè, reliqua autem clarè & diſtinctè pronuntians.

Non ſit autem nimium moroſus, neque eeler, ſed adhibeat iudicium, ſervet mediocritatem; geſtus omnes graviter, genuflexiones profundè faciat, caveatq; ne in elevatione ſanctiſſimi Sacramenti, Hoſtiam vel Calicem retro caput declinet, ſed rectum utrumq; elevet, fixosq; in illa oculos habeat.

Illiberales etiam illæ, oſtiatim à pauperibus Presbyteris, pro celebrandis novis Miſſis, aut apparandis potiùs illarum, conviviiſ, ſolitæ fieri eleemoſynarum petitiones, uti ſcandaloſæ, ſtatuq; & ordine Sacerdotali indignæ, quin & convivia ipſa lautè nimis ac inſtar nuptiarum conſveta tunc inſtrui, aliiq; ſimiles abuſus, omninò tollantur.

Dum cantata Miſſa habetur, videant Cantores ut concinè, diſtinctè, ac nonniſi propria temporis cujuſq; juxta Rubricæ Cathedralis & Miſſalis Romani præſcriptum, cantant. In Votivis autem, Proſas cani antiquitùs ſolitas, præter eas, quæ ad calcem Gradualis, Cracoviæ recèns impreſſi habentur, non decantent. *Kyrie eleiſon*, *Et in terra*, *Sanctus*, aliaq; his ſimilia alieno à Miſſali textu ne infarciant, Choraliaq; potiùs quàm ſymphoniaco cantu, ſi huic vel numero vel arte ſunt impares, pſallant.

Sed & fideles moneantur, ut devotè, reverenter, & attentè aſſiſtant Divinis myſteriis. Et inprimis, ne ſtatim poſt elevationem ſanctiſſimi Sacramenti, non expectata, ut plurimi faciunt, communionem, ex qua præcipuè auditæ Miſſæ fruſtus capi debet,

debet, anteq; benedictionem à Sacerdote datam discedant, sed ad finem usq; perseverent: alioqui præterquam quòd spirituali se participatione Sacramenti hujus privant, præcepto quoq; Ecclesiæ de audienda integrè festivis diebus Missa, non satisfaciunt.

Consuetudo etiam illa laudabilis, deferendi oblationes ad Altare, adorandæq; & osculandæ Sanctæ Crucis, sicut retinenda meritò, atq; commendanda est fidelibus: ita ut quàm minimo eorundem tumultu ac perturbatione fiat, præsertim post peractam in Missa consecrationem, cùm attentissimos omnes esse decet, provideant Parochi.

De Processione cum Sanctissimo Sacramento.

Sanctissimè institutum est ab Ecclesia, ut singulis annis in peculiari Corporis Christi Festo, celeberrima toto orbe institutur Processio, in qua præcellum hoc & venerabile Sacramentum, reverenter ac honorificè, per vias & loca publica, circumferatur; cùm ad repræsentandum gloriosum Salvatoris nostri de morte triumphum, tum ad confundendam hæreticorum perfidiam: quæ proinde celebritas, ut quàm piissimè & ordinatissimè peragatur, dent operam Parochi, aliiq; ad quorum id munus & officium spectat.

Et imprimis in Dominica solemnitatem hanc proximè præcedente exhortentur populum, ut jejunare, confiteri, communicare, ac non solum dictam Processionem comitari, sed omnibus etiam Divinis Officiis, tam ipso solemnitatis die, quàm per totam octavam, interesse studeant.

Quod ut libentiùs atq; ardentius faciant fideles, concessas hoc nomine à Romanis Pontificibus Indulgentias promulgent. Quisquis enim, pridie Festi hujus, verè poenitens & confessus, jejunaverit, vel in ipso Festo Sacram Communionem susceperit, Processionemvè dictam prosecutus fuerit, matutino aut sacro Missæ officio, primisvè aut secundis Vespelis interfuerit; pro qualibet devotione hujusmodi, ducentorum; qui verò eadem die, Primæ, Tertie, Sextæ, Nonæ, Completorio adfuerit, pro singulis pariter Horis, octoginta; qui denique intra octavam,

Vesper-

Vespertina, Matutina solemnium Missarum & Horarum frequentaverit officia, ducentorum dierum Indulgentiam singulis ejusdem octavæ diebus, Apostolica largitione consequetur.

In ipso porrò solemnitatis die, ubicunq; plures habentur. Ecclesiæ, omnes reliquarum, etiam Regulares, Clerici, absolutis in Ecclesiis suis Missis, & Processionibus circa eas factis, atq; Eucharistia ex Altari in Sacristiam delata, ad Metropolitanam, Cathedralē, vel Collegiatam celebrem, si quæ adest, aliàs ad Parochialem Ecclesiam, modo & ordine, Cracoviæ nuper, juxta consuetudinem Sanctæ Romanæ Ecclesiæ, quæ omnium Ecclesiarum mater est & magistra, instituto. Ad deducendum inde per plateas civitatis vel oppidi, atque reducendum iterum Sanctissimum Sacramentum, processionaliter, cum vexillis & crucibus; Regulares quidem habitu Ordinis quicq; sui, Clerici minores superpelliceis, Subdiaconi & Diaconi dalmaticis, Presbyteri cassulis pretiosioribus induti, habentesq; singuli cæreos in manibus, quos in Processione accendant, ac singulos Ordines Sacerdote, superpelliceo, stola & pluviali amictō, qui Crucem aut Sacras Reliquias deferat, subsequente, hora à Prælato primariæ Ecclesiæ illis assignanda, convenient. Ubi etiam Confraternitates sæcularium, & societates opificum, cum facibus vel cæreis tempestivè adsint.

Egrediente à dicta Ecclesia processione, & ad illam reverte-
rente, omnes ejus campanæ pulsantur, reliquarum autem Ecclesiarum, tunc, cum per vicina illis loca processio transibit.

Atque primo quidem loco, sodalitia laicorum procedant; hos sequantur pueri, seu scholares, lineis induti, non calices tamen sacros, ut magno & periculoso abusu fieri solet, sed candelas accensas, aut insignia Passionis Domini portantes; subinde Regulares, loco, & ordine quique suo; post hos musica, & clero sæcularis, cum inferiorum si quæ adsint, tum principalis Ecclesiæ; ac demum Sacerdos cum ministris, Sacrosanctam Eucharistiam in tabernaculo ostensorio argenteo, subq; baldachino, deferendo ab honorationibus loci illius personis, magna devotione, atque fixis in illam continuè oculis gestans.

Sed &

Sed & alii omnes, modestè ac devotè inter eundem se gerant, neque colloquantur invicem, aut curiosè hinc inde aspiciant, sed orationibus, & meditationibus piis vacent, Psalmosq; Antiphonas, vel Hymnos psallant, recitentvè.

Constituantur etiam duo aut plures, pro eo ac frequens processio fuerit, directores illius, viri maturi & graves, cum baculis rubeis, ad hunc usum faciendis, qui progredientes ordinent, dirigant, & ubi opus erit, jubeant subsistere arceantq; populum, ne immiscens se Clero, solum & ordinem processionis perturbet, sed ut omnes à tergo Sacramenti sequantur, primò quidem, mares, posterius foeminae, utrique cum luminibus accensis.

Viae publicae, per quas transeundum erit, mudentur, ornamentaq; nulla tamen in eis signa, aut imagines profanae exponantur, nulla exhibeantur spectacula, vel representationes, quae oculos & animos transeuntium, à sancta mysterii hujus cogitatione avertant.

Altaria quoque pro stationibus paranda, stragulis cubili-um, conopaeis, & cæteris hujusmodi, ad alios quàm ad sacros usus destinatis, non ornentur; omniaque circa illa, modo & ordine, in libro agendorum praescripto, fiant.

Postremò, finita & reducta ad eandem Ecclesiam Processione, omnes, tam Clerici, quàm laici, eodem ordine quo venerant, revertantur ad suas Ecclesias, quae & ipsae pariter, ubi id commodè fieri potest, praeter Processiones quotidie circa Ecclesiam obiri consuetas, unam solemniorem cæteris, Dominica infra Octavas, vel in ipsa Octava, per adjacentes sibi vias, cum populo suo instituunt.

Denique in pagis & oppidis, una est tantùm Ecclesia, per nobiliorem atque planiorem earum partem, non tamen per campos aut agros, quàm decentissimè, juxta supra scripta, hæc eadem Processio fiat.

De Matrimonio.

Accessuri fideles ad magnum Matrimonii Sacramentum, meminerint se esse filios Sanctorum, & rem Sanctam tractare; ac proinde non sicut equus, & mulus, aut gentes quæ Deum ignorant, sed ut Sanctos decet, cum timore Domini, jugum hoc subeant, gerantque.

Et inprimis non alio fine, quam propter quem divinitus institutum est, ad illud accedant; ob procreationem videlicet, ac educationem prolis ad gloriam Dei, individuanque vitam, & adversorum juxta atque prosperorum omnium societatem, & communionem inter se colendam.

Debent autem iniri Matrimonia, libero & mutuo contrahentium consensu. Quodsi Domini, aut Magistratus, sub quorum jurisdictione contrahendi degunt, eos quovis modo coegerint ad contrahendum; poenam anathematis à Sacro Tridentino Concilio propositam, *Seff. 24. de ref. c. 9.* ipso facto incurrunt.

Sed & si quis mulierem rapuerit, præterquam quod ipse & complices ejus excommunicati sunt ipso jure, Matrimonium, etiam inter illos non potest consistere, quam diu rapta in raptoris potestate manserit; si tamen separata à raptore, inque tuto & libero loco constituta, in Matrimonium ejus consentiat, eam raptor in uxorem habebit.

Consanguinei quoque & affines, vel cognatione spiritali conjuncti, non admittendi sunt ad Matrimonium, in gradibus à jure prohibitis, nisi dispensationem à Sede Apostolica obtineant, & probent. Ac cognatio quidem tam consanguinitatis, quam affinitatis legitimæ, ad quartum usque gradum; affinitas autem ex fornicatione contracta, ad secundum inclusive, impedit illud & dirimit: idemque operatur cognatio spiritalis, ex Baptismo & Confirmatione, inter certas personas proveniens, de qua supra.

Quò melius autem innotescat Parocho, an hæc, vel alia hujusmodi, contrahendum Matrimonium non impediant; nullos copulare audeat, sub poena arbitrio Loci Ordinarii infligenda,

genda, absque trina, in tribus continuè Dominicis, vel Festis ad populum celebribus, publicè intra Missarum solemnias, denuntiatione præmissa; nisi fortè vel post Matrimonium differendas, Locordinarius ex rationabili aliqua causa, remittendas huiusmodi denuntiationes censuerit, quemadmodum Tridenti: Concilii decreto providè statuitur, *Sess. 24. de ref. c. 1.*

Tantò verò minùs præsumat, conjugere vagos & ignotos homines, nisi diligenti inquisitione de statu illorum, & an fidem aliis non dederint, facta; facultateque ab Ordinario loci, vel Officio ejus, præstandi id, obtenta; neq; item alienæ Parochiæ incolas, nisi licentia proprii eorundem Parochi, & de factis ab eo bannis nec reperto tamen ullo impedimento, attestatione præhabita; aliàs si quis secus alterius Parochiæ sponso, copulare Matrimonio, aut benedicere ausus fuerit, ipso jure tam diu suspensus manebit, donec ab Ordinario Parochi illius, qui Matrimonio interesse debebat, seu à quo benedictio suscipienda erat, sicut Decreto Tridentini Concilii cautum est, *Sess. 24. de ref. c. 1.* absolvatur:

Sed & si quod aliud præterea impedimenti genus, à Sacris Canonibus sancitum, occurrerit Parochis, admoneant ea de re, & repellant volentes contrahere, vel si, an revera impediatur, dubitent, suspendant tantisper, donec consilium atque sententiam peritiorum Sacerdotum exquirant.

Persuadeant autem sponso, ut antequam contrahant, vel triduo saltem ante consummationem Matrimonii, quò uberiores gratiam & benedictionem Domini recipiant, expurgatis per confessionem animis, piè & devotè, ad Sanctissimum Eucharistiæ Sacramentum accedant.

Meminerint contrahentes sponsalia per verba de præsentibus, id est, Matrimonium ipsum nullum esse, nisi observata fuerit forma à Tridentino Concilio præscripta, *Sup: ibid:* id est, Parocho & testibus saltem duobus, adhibitis.

Denique peractis omnibus iis, quæ de ritu & administratione Sacramenti hujus, fusè in libro Agendorum tractantur, notet diligenter Parochus nomina & cognomina, tam conjugum,

gum, quàm testium, qui aderunt diemq; & locum contracti Matrimonii, in destinato ad id libro in hunc modum: Anno, Mense, die, &c. Ego N. Plebanus, vel Vicarius Ecclesiæ Parochialis N. Matrimonium inter N. & N. contractum, confirmavi in eadem Ecclesia, vel alibi, Præsentibus N. & N. & aliis multis de populo, præmissis solitis denuntiationibus.

De Extrema Unctione.

QUO periculosius venenatus ille serpens insidiatur calcaneo hominum, saeviusq; quàm aliàs unquam, in extremo agone positos aggreditur, eò diligentiores sint Parochi, in suppetendos eis ultimo præsidio, Extremaq; Unctione tempestivè, post alia Sacramenta, dum integris adhuc sunt sensibus, minis firanda.

Si quem tamen illorum, vel violentia morbi, vel repentinus aliquis casus ita oppresserit, ut sensu & ratione penitus destituatur, confiteriq; propterea & communicare non valeat, inungendus erit nihilominus, præsertim si dum adhuc usum rationis haberet, significationem pii animi præ se tulit, confususq; in proximo Paschate, Eucharistiam percepit.

Ac si quidem inter unguendum expiret, omittatur ulterior unctio: si verò non constet, vivusne sit an mortuus, terminetur adhibita hac cautione: *Si es vivus, per istam unctionem indulgeat tibi, &c.*

Quòd si infirmus compos sit rationis, & audiat quæ ei dicuntur, consoletur eum præterea Parochus, svadeatq; ut agritudinem illam patienter ferat, deponat curam rerum terrenarum, Cœlestia cogitet, mortem ne timeat, quin potius bono & alacri sit animo, misericordiam Dei speret, evocariq; se ex hac valle lachrymarum ad æternam felicitatem gaudeat.

Oret item & ipse pro eo, & alios qui aderunt, ut orent, admoneat, siq; illum animam agere perspexerit, ne discedat, sed præstò sit agonizanti, cum omni charitate, commendatq; Deo animam ipsius, Orationibus solicis, & maximo quo poterit pietatis Christianæ affectu.

Porro in una & eadem ægritudine, semel tantum ungatur infirmus. idq; in extremis; qui si convalescat, repetatur unctio, quoties in simile vitæ discrimen inciderit. Cætera quæ huc spectant, ex libro Agendorum petant Parochi.

*De Sacramentalibus, Cærimonialibusq; & abusu
illorum tollendo.*

Quam pium est ac utile, Sacramentalibus & Cærimonialibus Ecclesiæ religiosè uti; tam sacrilegam, aliter illa, vel alio quam quo & qualiter instituta sunt, adhibere. Moneantur proinde fideles à Parochis, ut sale, aqua, vino, avena, auro, myrrha, thure, candelis, palmis, igni, cibo, potu, & herbis benedicendis, pro tempore, juxta vel institutum Ecclesiæ, vel consuetudinem Provinciæ hujus laudabilem, non superstitiosè, nec ad maleficia, ut aliqui faciunt, sed piè, sanctèq; ad propulsandas artes sathanicas, animiq; & corporis sanitatem benedictione Domini tuendam, utantur; & imprimis ad offerenda illa Sacerdotibus, vel recipienda ab eis, modestè, ordinatè, sineq; strepitu & tumultu, accedant.

Puerperas fornicarias non inducant Parochi in templum, ne crimen earum videatur probare Ecclesia; sed si publicè peccaverunt, publicè poeniteant; si occultè, occultè, etiam absolvantur.

Cærimonialia quoque, tam Parochi, quàm populus, non nisi probata & permissa ab Ordinariis usurpent. Porro circuitus, seu proceSSIONES circa fontem Baptismalem, in triduo Paschatis fieri consuetas, excepto Sabbato sancto circa benedictionem aquæ, ne faciant; eodemq; tempore, madefactionibus aliorum petulantibus & periculosis, gestatione clavarum textarum ex salice, quibus obvios cedunt, cursitationibus per pagos & oppida, quas ovationes vocant, obequitationibus segetum, ereptionibusque tunc ab invicem sacrarum imaginum, quas per campos deferunt, ac decertationibus proisdem nonnunquam cruentis, omninò abstineant. Die quoque Ascensionis Domini, simulachra dæmonum, ex laqueari Ecclesiæ sive undecun-

que

que aliàs, ne deliciant, neque insolenter ac tumultuosè per publicas vias trahant. In Festo etiam Sancti Joannis Baptistæ, duccendis circa ignes & arbores choreis, non vacent: aliq; his similia, indigna Christianis, non exerçant. Hæc enim vel accepta sunt ab Ethnicis, vel eò diriguntur, malitia & fraude diaboli, ut populum à recolendis redemptionis nostræ mysteriis, cultuq; & observantia utili Festorum, ad nugas & ludicra avertant.

De visitatione Parochiarum.

QVia plurimùm ad bonum regimen refert, præter providentiam mentis, corporis etiam sensus adhibere, & cuncta præsentis lucari intuitu; non contenti publicè & in Ecclesia salutis suorum inservire Parochi, privatim etiam domi, statum, vitam, & mores cujusque cognoscere studeant, habeantq; descriptam in libro totam suam Parochiam, in quo appareat, quot & quas Parochia illa villas, villa domos, domus animas, comprehendant. Quæ quidem descriptio fiebat antiquitùs Kalendis Januarii, unde nunc fortassè Kalendas vocamus, vel initio Quadragesimæ.

His ergò temporibus, vel quando eis commodiùs videbitur, per se, vel Vicarios suos, ad pietatem, non ad quæstum, nec quærentes quæ sua sunt, sed quæ JESU Christi, domos singulorum visitent, ingressiq; juxta præceptum Domini dicant: *Pax huic domui*; vel alià quæpiam ex multis, quæ in Epistolis D. Pauli perpulehræ habentur, benedictionis formula utantur.

Convocata deinde tota domo, instruant eos de necessariis ad salutem; & an sciant munire se signo Sanctæ Crucis, Orationem Dominicam, Salutationem Angelicam, Symbolum Apostolorum, Decalogi & Ecclesiæ præcepta, examinent; deq; vita, moribus, occupationibus, studiis & necessitatibus singulorum inquirant. Ac si quidem aliquos ebriosos, perjuros, fures, foeneratores, fornicarios, adulteros, homicidas, blasphemos, Festorum violatores, maleficiis & incantationibus deditos, aut quovis alio peccati & criminis genere obstrictos reperint, primùm eos, charitate atq; lenitate verborum, qua maxima

xima poterunt, inter se & ipsos solos corripiant; deinde si nihil profecerint, unum atq; alterum, viros probos & prudentes peccatoribus familiares, adhibeant; quodsi ne tum quidem resipuerint, nomina & excessus illorum ad Ordinarium loci, vel visitatores ejus, deferant.

Exhortentur deinde, pro ætate, & conditione quemq; sua, senes, ut sobrii sint, pudici, prudentes, sani in fide & patientia; Anus in habitu Sancto, non criminatrices, nec ebrietati, præstigiis, lenociniisvè deditæ. Viduas, ne circumveant vicos, otiosæ, curiosæ, verbosæ, loquentes quæ non oportet, sed ut regant domos suas, filiis & nepotibus benè præstint, mutuamq; vicem parentibus reddant. Maritos, ut diligant uxores suas, sicut Christus dilexit Ecclesiam, filios ad iracundiam ne provocent, sed educent illos in disciplina & correptione, necessitatibus eorum provideant. Qui enim suorum & maximè domesticorum curam non habet, fidem negavit, & infideli est deterior. Uxores ut viros suos ament, subditæq; sint illis, castas, & sobrias se præstent, curam domus habeant, & ne secum infantes propter suffocationis periculum, noctu in lectis locent. Filios, ut obediant parentibus, Servos & subditos, ut ministrent Dominis in simplicitate cordis, sicut Christo, non ad oculum servientes, nec fraudantes, sed fidem bonam ostendentes, placentesque in omnibus; Dominos, ut remittant minas, scientes, quia utrorumque Dominus est in Coelis, & personarum acceptio non est apud Deum.

Postremò, si ibi sint aliqui pupilli, virgines, mendicæ, infirmi, aliavè miserabiles personæ, quæ tam spiritali, quàm corporali ope indigeant, consolentur eos, incantque rationem, quâ illorum orbitati, pudicitia, egestati, valetudini, consulatur; & tum demum, postquam seminaverint spiritalia, non erit magnum si corporalia metant, strenasq; quas vocant, vel porrectiones, ab offerentibus ultro accipiant. Dominus enim JESUS ordinavit iis, qui Evangelium annuntiant, de Evangelio vivere.

De cura

De cura & administratione Hospitalium.

Magnus census est pauperum, fidelium charitas, & diligens atq; ordinata Hospitalium administratio; quæ cùm Pastoralis non postrema sit pars officii, dent operam Parochi, ut non solum ipsi ex frugalitate & parsimonia sua, necessitatibus illorum subveniant, sed & alios, quibus fortè cura earum incumbit, inducant ad explendum sedulo Officium suum.

Et imprimis, ubi perpetui ex statuto, privilegio, vel fundatione, non habentur Hospitalium administratores; viris probis, providis, industriis, non tamen id ambientibus, vel debito aliquo Hospitali obstrictis, permutandis quolibet triennio, provinciam hanc demandari eurent, qui Inventarium rerum omnium conficere, exhibereque Ordinatio loci; vel visitoribus eis; sed & rationem acceptorum, datorumque, reddere quotannis tenebuntur.

Provideant autem, ne mendici, qui vel operâ victum possunt sibi quærere, vel habent aliàs unde vivant, recipiantur ad Hospitalia, prætextuque Eleemosynæ, inertia otiosorum hominum foveatur; sed confecti tantum morbo, vel ætate, mutilivè, & ad laborem minimè idonei, ac præsertim incolæ loci illius, admittantur. Vagi autem & validi, si laborare noluerint, prohibeantur à Parochis mendicare apud Ecclesias; & à Magistratu sæculari, à villis & oppidis expellantur.

Porro in quolibet Hospitali, cubicula atq; hypocausta virorum distincta sint à fæminis, neq; unquam versari simul permittantur. Si qui item alios contagioso aliquo morbo possent inficere, separatim à cætu & contubernio reliquorū maneant.

Neque interim dum corpora illorum curantur, negligantur animi, sæpèq; à Parocho, vel proprio Sacerdote, informentur ad patientiam. & de necessariis ad salutem doceantur. Orationi etiam vacent assidue, atq; semel saltem in quolibet mense ad Sacram Synaxim confessi accedant.

Moneantur deniq; fideles, ut præter quotidianas eleemosynas, quas vel sedentibus ad januam Ecclesiæ mendicis distribuunt, vel collectori ad id deputato, in arculam pixidemvè seratas

ratas imponunt; liberaliores interdum mittere, per suos, aut ipsi deferre, visitareq; Hospitalia, & ibidem pauperibus, aut Christo potius in illis, servire assuecant; quibus eleemosynis cum annuo, si qui est, proventu conjunctis, victus inde & amicus pauperum, lectisternia, medicina, & alia necessitates procurentur.

Quo autem maturius, & majori ordine ista peragantur, elaborant Parochi, ut Consules, vel alii locorum Magistratus; cum administratore sive Præposito hospitalis, Parochisvè etiam ipsis, semel saltem in mense, vel sæpius prout necessitas postulat, diebus festis, in loco ad id destinato, conveniant, acturi de rebus, ad rectum regimen Hospitalis pertinentibus; siquæ aliqua occurrent pro tempore, quæ consilio, subsidio, vel operâ indigere existimaverunt, in medium afferant, consultant, atque opportuna adhibeant remedia; & imprimis provideant, ne indispensandis eleemosynis, aut proventibus hospitalis, defraudentur viscera Christi.

De vita & honestate Clericorum.

UNus ædificans, & alius destruens, quid prodest? Cùm igitur Parochi & alii, quibuscunq; cura animarum incumbit, non tam sæpè doctrina, atque accurato officii sui exercitio, in resurrectionem, quàm vitâ corruptâ & malo exemplo, positi sint in ruinam multorum; caveant, ne quod Phariseis improbravit Dominus, *dicunt & non faciunt*; voxque quidem illorum vox sit Jacob, sed manus, manus Esau; quin potius in omnibus exhibeant seipso, sicut Dei ministros, nemini dantes ullam, offensionem, ne vituperetur ministerium nostrum, & Nomen Dei propter illos blasphemetur.

Ac imprimis, ut ex habitu etiam corporis externo, interior compositio mentis animiq; illorum appareat, coronam, seu tonsuram in vertice capitis suo quisque ordini congruentem, deferant; barbam prolixè non nutriant præcidique faciant, frequenter superioris labri lanuginem, præsertim Sacerdotes, ob irreverentiam sacrosancti Sangvinis evitandam; capillos non

non calamitent, nec eminentiores supra frontem gerant.

Vestitu utantur nigro, talari, modesto, non sordido tamen, ac pro conditione quisque sua. Annulos sub & amissione eorundem, & aliâ, juxta valorem illorum, pecuniariâ penâ distribuenda in pauperes, non gestent, nisi Prælati aut quibus hoc competit ex officio, dignitate, gradu, vel Privilegio speciali.

Horas Canonicas singulis diebus, tempestive, integrè, attentè, & devotè recitent ex Breviario Romano, juxtaq; Rubricam suæ Diocesis; ad cujus præscriptum etiam reliqua omnia Divina officia dirigant.

Deniq; in suo quilibet officio, ac ordine, DEO, Ecclesiæ, & populo, diligenter serviant, otiumq; inprimis, quod multa docuit mala, imò omnium malorum est Seminarium, cane pejus oderint & angue; ac proinde, quidquid illis ab oratione, Ecclesiæ cultu, sacris officiis, cura animarum, rei; etiam familiaris necessaria inspectione temporis supererit, totum id lectioni, & meditationi Sacrarum literarum tribuant, quo potentiores sint exhortari in doctrina sana, & eos qui contradicunt arguere.

Vitam deinde domi, piè, castè, sobriè, instituunt. Et inprimis suppellectilem domesticam, non pomposam, neque exquiritam, mundam tamen & decentem habeant, quæque, ut à vanitate & superfluitate omni absit, ita dignitati, & statui, vocatorum in sortem Domini, maximè conveniat.

Familiam quoque alant non superfluam, nec discoloram, sed benè ac laudabiliter moratam, & quæ in vestitu, cultu, & omnibus actionibus honestam præferat, sicut decet ministros Ministrorum DEI.

Accubituri mensæ benedicant, & post eam gratias agant; lectionemq; sacram, si qui legat non desit, comestioni adhibeant: gulæ & ebrietati, nec ipsi indulgeant, nec hospites, si quos apud se habebunt, ad eam invitent; sed temperantiam & frugalitatem colant in omnibus, colereq; alios mensâ suâ doceant.

Ex altera tamen parte, avaritiam, quæ est idolorum servitus, fugiant servi DEI, caveantq; ne proventus Ecclesiasticos, qui post proventus competentem ipsorum necessitates, ornamen-

H

tis Ec.

tis Ecclesiæ, pauperumq; eleemosynis debentur, pro ditandis consanguineis coacervent, vel surripiendas alienis, abusus laborum illorum, relinquunt. Simoniam item, & iuram, filiarum rabiosæ huius cupiditatis, abominentur turpitudinem, & gravissimas poenas perhorrescant.

Ante omnia verò indignam, quæ etiam non nominetur in bajulis Christi, libidinem, suspitionemq; ac occasionem ejus omnem vitent; neque concubinas, aut alias suspectas mulieres; præsertim juvenes, vel in quarum obsequio aut familiaritate juniores versantur, domi suæ tenere, vel extra fovere, ullamvè cum eis consuetudinem habere audeant; sub poenis à Concilio Tridentino, *Sess. 25. de ref. c. 15.* & Constit. Provincialibus expressis. Licitum tamen erit Sacerdotibus, morbo vel ætate affectis, provectas jam annis & moribus feminas habere, pro honesto servitio: dummodò de turpi consuetudine secum suspecti antea non fuerint, & in separatis ab invicem cubiculis maneant.

Curent præterea, ut testimonium habeant bonum, etiam ab his qui foris sunt, sicq; inter homines versentur, ne in opprobrium incidant, & laqueum diaboli, sed cum Apostolo, bonus odor sint Christi. Et ideo tabernas computandi gratia non adeant; commestationes & convivia sæcularium, etiam rogati, præsertim ubi fæminæ adsunt, non frequentent: profanis spectaculis, choreis, lusu alex & chartarum omnino abstineant: aves & canes venaticos non alant, nec venationibus elamotis utantur. Non fiat etiam iracundi, maledici, aut percussores, quin nec arma ulla offensiva deferant, vel deferri post se à famulis faciant, nisi quando sunt in itinere.

Non arent item in bove simul & asino, neque militantes DEO implicent se sæcularibus negotiis; mercaturam proxeneticam, tabernariam, & alias indignas statu suo persequendi lueri artes non exercent; oconomias seu arendationes, apud sæculares præsertim, non subeant: negotia laicorum & tutelas non gerant; neq; causas in foro sæculari advocent, nisi fortè suas, & Ecclesiarum suarum, propinquorumvè, aut miserabilium personarum. Fidejussiones, excepta Ecclesiæ necessitate, non
faciant;

faciant: Clericos ad Judicem secularem, omisso proprio Pontifice, non pertrahant, neque citent, sub poena depositionis & amissionis causæ. Judiciis capitalibus non intersint, quin nec spectaculis suppliciorum, nisi confortandi puniendos gratia: Magnatibus secularibus, & multo minus foeminis, pro Capellanis aut Sacrificis non inserviant, sine scitu, & expressa licentia Ordinarii in scriptis obtenta.

In sermone sint parci, graves, modesti, prudentes, non mordaces, vaniloqui, mendaces, osiores, seminantesvè inter fratres discordias. In actione etiam omni, humiles se, mansuetos, patientes, benignos, cumq; opus fuerit, fortes & invictos animis, atque zelum Domini zelantes, præstent.

Deniq; ita vitam & mores suos, domi forisq; componant, ut habitu, gestu, incessu, studiis, sermone, & actibus omnibus, nihil nisi grave, moderatum, ac religione plenum præferant, sicq; doctrina & exemplo luceant hominibus, ut debitam sibi apud eos, & ordini suo concilient venerationem, normaq; eisdem, ac vivum exemplar, piè & sanctè vivendi, seipsos exhibeant;

De conservatione bonorum, & lurium Ecclesiasticorum.

Difficile est egentem benè operari, & ideo dent operam Pastrochi, ut quoniam præter sustentationem honestam sui, & suorum, fabricam quoq; & ornatum curare Ecclesiæ, exercere hospitalitatem, subvenire inopibus, aliq; onera beneficiis & officiis suis annexa, quæ sumptibus non modicis indigent, sufferre tenentur; jura inprimis, bona, & redditus Ecclesiasticos, quæ sunt quasi basis atque seges rerum agendarum, manu teneant, & conservent: juxtaque juramentum, quod instituendi ad beneficia solenne in manibus Ordinariorum præstiterunt, non modò non alienent ea ipsi, sine speciali & expresso sanctæ Sedis Apostolicæ, Ordinariorum, & omnium quorum interest, assensu, quamvis id evidens Ecclesiæ videatur svadere utilitas, sed & alienata ab aliis recuperare contendant.

Quin neque locare eadem bona possint, ad breve etiam tempus, anticipata solutione, vel compensatione faciendarum

à locatōre meliorationum, ad exitum usque locationis, in præ-
judicium successoris rejecta; Hæreticisvè, aut illis qui fundum
contiguum Ecclesiastico habent, ne fines propterea turbari &
subijci litibus contingat.

Bona item Ecclesiæ mobilia, ut ornamenta, crucees, & ca-
lices, dare, aut accipere pignori, vendereq; aut emere jura, pri-
vilegia, actiones, vel celare eadem aliunde habita, aut denega-
re propriis Ecclesiis non audeant, sub poena excommunicatio-
nis, & amissione beneficiorum.

Decimas manipulares, pensione pecuniariâ pro perpetuis
temporibus non commutent: præsentem tamen atque separatas
à solo, liberum est eis pro suo arbitrio, cui, & quomodo vo-
luerint vendere, dummodò æstimationem illarum, consultò,
aut enormiter in damnum Ecclesiæ consequenter futurum, de-
teriorem non faciant.

Si qui autem sæculares, perfractis omnium Divinarum atq;
humanarum legum, quæ Decimas statuunt, repagulis, persol-
vere easdem recusent, vel rapiant, moneantur à Paroehis, ut
tremendum anathematis fulmen, quo propterea feriuntur, ex-
elusionemq; à Sacramentis & Ecclesiasticâ sepulturâ, horreant;
quin & illud Prophetæ vereantur: *Respexistis ad amplius, & ecce
factum est minus.* Experimur enim quotidie eos, qui debitam Mi-
nistris Ecclesiæ Decimam subtrahunt, vix non reliquas omnes
novem partes perdere infelicitè, mittereq; mercedes in saccu-
lum pertusum, seminare multum, & inferre parum, prohibitis
super eos Coelis ne dent rorem, & terra ne det germen suum;
vel si aliquid pullulare atque excrefcere cæperit, urente subin-
de vento, ærugine vel grandine pereuti à DEO, residuumq;
eruce locustam, locustæ bruchum, bruchi rubiginem comedere.
Cum è contra alibi protestetur Dominus: *Inferte omnem decimam
in horreum, & sic cibus in domo mea; & probate me super hoc, si non
aperuero vobis cataractas Cæli, & effundero vobis omnem benedictionem
usq; ad abundantiam, & increpabo pro vobis devorantē, & non corrumpet
fructum terra vestra. Ego exaudiam Cælos, & illi exaudient
terram, & terra exaudiet triticum, vinum, & oleū, & hæc exaudient*
Israel.

Israel. Quæ, & alia similia, inculcare non negligent Parochi.

Jura quoque, Privilegia, & literas foundationum Ecclesiarum, quò minus fortuitis casibus subiaceant, & custodiantur securius, factis, & retentis apud se authenticis illorum exemplis, ad Cathedralis Ecclesiæ vel Collegiatæ, alicujus vicinioris Archivum, unâ cum descriptione seu registro omnium bonorum fructuumque sui quisque Plebanatus asservanda, deferant, aut Actis officii Ordinariorum inscribi procurent.

Domos item, ac prædia Ecclesiastica doformata ruinis, reſarciant, & recens erecta tueantur quàm diligentissimè.

De funeribus & suffragiis pro defunctis.

Ultimum charitatis officium impendendæ populo à Parochiis, funus est, atque oratio pro defunctis. Quamobrem, cum primum obisse aliquem ex suis cognoverint, Psalmum *Miserere* aut *De profundis*, pro Anima illius orent, recordenturq; ejus in Missa, quàm primam habebunt.

Persuadeant autem hæredibus, & amicis defunctorum, ne diu cadavera insepulta teneant; oppressos tamen repentino aliquo morbo aut casu, ante expletas viginti quatuor horas, vel quamdiu de vita illorum spes aliqua superest, sepulchro ne inferant. Sumptus funerum ut faciant moderatos, expendendæq; potius pauperum fami, vel sacrificiis pro anima defuncti procurandis, quàm erigendis pompas cenotaphiis, aut conviviis lautè apparandis, studeant.

Exequiarum cantus atque ritus omnes, eò modo & ordine fiant, quibus eos liber Agendorum describit. Sed & Conciones funebres, sic instituantur, ut non tam mortuorum celebrentur in iis encomia, quàm vivi, ad meditationem mortis, & emendationem vitæ inducantur.

Faces, & cerei, tela item, pannus, vel sericum, si qui deterioris uti istis vice pallii communis-matuerint, Ecclesiæ, illi, in qua corpus humatur, vel ministris ejus, pro consuetudine cedant. De reliquis autem, tempestivè cum Parocho vel alio superlore loci componant curatores funeris, ne in Ecclesia de-

mum

num concertationes de rebus huiusmodi, ereptionesvè illarum ab invicem indecentes, ac tumultuariae fiant. Quarta tamen funeralium, juxta sacros Canones & Constitutiones Synodales, salva & integra maneat Parochiali defuncti Ecclesiae, ubicunque is tandem extra illam, electione etiam sua, sepeliatur.

Porro, equos induci in Ecclesiam, vel eos qui hasas frangunt, incitato cursu deicere se ex equis, cum magno periculo, non permittant Parochi; possunt tamen haec, & similia, praesertim in funeribus Magnatum, à peditibus, aut extra Ecclesiam fieri.

Prohibendi autem & arcendi sunt ab Ecclesiastica sepultura, praeter Paganos, Judaeos, & Haereticos, parvuli abortivi, & sine Baptismo mortui, excommunicati majori Excommunicatione, interdictique nominatim, nisi reconcilientur Ecclesiae; decedentes item in torneamento, vel duello; consciscentes mortem sibi ipsis, nisi id ex amentia, vel contra intentionem suam fecerint, ut si quis volens effugere, praecipitet se in fluvium, & pereat; iniicientes violentas manus in personam Ecclesiasticam; non confessi, & non communicati in Paschate, nisi consilio Sacerdotis à communione abstineant; blasphemum Deum & Sanctos, rapientes decimas, usurarii manifesti, nisi poeniteant, & faciant saltem cautionem de restituendo; Monachus inventus proprietarius, supplicio affectus, impoenitens, ac denique quilibet notorius peccator, in ipso notorio mortali deeedens, nec confessus, aut signum saltem voluntatis confitendi, vel contritionis, non exhibens. Nemo tamen ob debita, aut non solutas obsequii operave mercedes, sepulturam cujusquam impedire audeat.

Provideant item Parochi, ne pias fidelium voluntates, qui fundando aut dotando Ecclesias, suffragandi pro se onus ministris earum inposuerunt, deperire ulla ratione, fraudarive patiantur; nec perfuntorie, sed diligentissime illud & adimpleant ipsi, & à vicariis suis, aliisque adimpleri faciant.

Quodsi in aliquibus Ecclesiis, vel tam magnus Missarum celebrandarum hoc nomine impositus est numerus, ut omnibus prae-

bus præscriptis diebus celebrari nequeant, vel adeo tenues pro-
celebrandis illis assignatæ sunt; Eleemosinæ, ut non facile in-
veniatur qui subire hoc minus velit; significant id quàm pri-
mùm Loci Ordinatio, cui, in Synodo Diocesana licitum erit
de his statuere, quod magis ad DEI honorem & cultum, Eccle-
siarumq; utilitatem expedire viderit, quemadmodum statuit
Tridentinum Concilium: *Sess. 25. de ref. c. 4.*

Nunquam tamen die Dominico, Festivè solenni præcepto
ab Ecclesia, aut consuetudine publica privatavè recepto, eti-
am si fortasse in illa inciderent, peragantur Anniversaria, aut
Missæ pro Defunctis, sed in præcedentem vel equentem, diem
non impeditam simili Festo, transferantur.

De rebus post obitum Clericorum relictis.

Cum Parochus aiquis è vivis excesserit, ne subinde Ecclesia
detrimenti aliquid patiatur, diuque opportuno solatio ca-
reat; teneatur statim alius vicinior, proprium Decanum vel Of-
ficialem foraneum, illi autem, Ordinarium loci, vel Vicarium
ejus generalem, per litteras aut Nuncium certiores ea de re fa-
cere; addito, testatuse, an intestatus decesserit.

Ipse verò interim, adhibitis Consule, Judice, vel alio loci
Magistratu, atque aliquot viris Parochiæ, fide dignis necnon
hæreditibus vel amicis defuncti, si adsint, conficiat Inventari-
um, tam jurium & supellestilis Ecclesiasticæ, quàm rerum de-
functi; omniaq; illa tuto & idoneo loco deponat, retento apud
se Inventarii exemplo, quod postmodum cui vel de jure com-
petet, vel nos mandaverimus, consignabit.

Nemo autem, cujuscunq; status & conditionis existat, e-
tiam Patronus Ecclesiæ, sanguinevè conjunctus defuncto, ci-
tra vel voluntatem ejus, in testamento auctoritate ordinaria
firmato expressam, vel arbitrium & dispositionem aliàs Ord-
narii, bona hujusmodi beneficiatorum invadere, rapere, aut
quovis modo usurpare sibi, clam palamvè audeat, sub poena
excommunicationis latæ sententiæ.

Teneantur item hæredes defuncti, Clerico in Beneficium
ejus

ius successuro, libros, scripturas, instrumenta, & iura quacunq; ad beneficium illud spectantia, ac in bonis mortui reperia, etiamsi propriis illius expensis confecta, vel extracta fuerint, gratis omnino extradere, sub eadem excommunicationis poena.

Quamvis autem & consuetudine antiqua, & statutis Provincialibus, liberum sit Clericis hujus Provinciae disponere ac testari de suo peculio; nullus tamen quocunque colore & prae-textu, concubinae suae, vel filiis ex fornicatione susceptis, audeat quidquam de proventibus anni gratiae, vel alias de rebus intuitu Ecclesiae acquisitis relinquere. Si quis secus fecerit, legatum non teneat, & quod ita relictum est cedat Ecclesiae, cui vivus servivit.

Porro ex intestatorum bonis, absolutam sepulturam, persolutis debitis, expedita familia, consolatis propinquis, fabricaque Ecclesiae & anima defuncti procuratis, quod reliquum erit, arbitrio Ordinariorum dispensetur.

De congregationibus Cleri per Decanos rurales faciendis.

ET quoniam frustral leges & statuta conduntur, nisi debite mandentur executioni; Loci Ordinarii vero assidue interesse omnibus, anque, & quomodo singuli Parochorum, vel satisfaciant muneri suo juxta suprascripta, vel mores & vitam instituant, explorare semper ipsi per se nequeunt; expedit, ut praeter illos, Visitatoresq; illorum, Decani etiam rurales sedulo invigilent, auctoresq; sint & stimuli aliis, ad omnia haec, quam accuratissime praestanda.

Et inprimis quilibet eorum, omnes Decanatus sui Parochias, ubi sitae sint, & quam late pateant, quosve aut quales habeant ministros noriat probe: deinde bis in anno circumlato processu, omnes earundem Parochiarum Rectores, Commendariosq; & Vicarios illorum, nec non Magistros Scholarum & Cantores, tempore ac loco, quae opportuna magis videbuntur, convocent; cantataq; Missa de Spiritu Sancto, & oratione brevi, qua potissimum causas atque fructus Convocationis hujus

nis huiusmodi explicent, præhabitâ, hanc ipsam Epistolam Pastoralem, cum aliquot Synodi decretis, quæ ad illos pertinent, legant; subindeq; an aliqui illorum in promotione ad Ordines sacros, vel eorum executione, acquisitione beneficiorum vel provisione, residentiâ, curâ, & reparatione Ecclesiarum, prædicatione verbi Dei, doctrinâ necessariorum ad salutem, administratione Sacramentorum, in sacrificiis Sacramentalibusvè, pietate in pauperes, officio in defunctos, bonorum vel iurium Ecclesiasticorum tuitione, vitâ denique & moribus, à præscripto illius defecerint, sedulò inquirent; & quos opus fuerit, fraternè admoneant: reprehendant, corrigant, vel si id gravitas excessuum postulet, aut contumaces fuerint, ad Ordinarium loci, vel Vicarium ejus generalem deferant.

Si quæ item scandala, vel necessitates Ecclesiarum, aut casus explicatu difficiliore occurrerint, inito cum aliis consilio, quod optimum & maximè ad rem facere videbitur, statuunt, decidentque; vel si res majori egeat indagine, à Loci Ordinatio perquirant.

Nemo autem inter consulendum, immodestis vocibus perstreperere, vanisvè aut obstinatis disceptationibus contendere audeat: sed omnia sedatè, & imperturbatâ recti iudicii acie peragantur.

Si qui verò illorum, ad prædictam proprii Decanatus congregationem non venerint, vel iustas absentiae suæ causas, literis nuntiisvè non exposuerint, puniantur multa pecuniaria, statuenda pro culpa cujusque, atque exigenda irremissibiliter ab Officiali foraneo, & Hospitali, aut Ecclesiae loci, in quo congregatio celebrabitur, applicanda; agente pro ea Decano, expensis ex eadem poena deducendis.

Acta denique & petita Conventuum huiusmodi, subscripta à Decano, & duobus Sacerdotibus; quos electos à Clero Decanatus sui, & ab Ordinario, nobis probatos, pro consilio atq; Vicenotarii publici semper adhibebit; ad Ordinarium loci seu Vicarium ejus transmittantur.

Officii præterea corundem Decanorum erit, literas &
I Processus

Processus Ordinariorum, Officialiumq; & Archidiaconorum suorum, circummitti ac exequi a Parochis sine mora facere; Visitatores intra Decanatum suum comitari, deque statu singularum Ecclesiarum, atque Ministrorum diligentia & moribus informare; necnon mandata illorum & reformationes debita demandare executioni; de vacantibus per obitum, aut aliter Ecclesiis, absentia vè Ministrorum ab eis, certiores reddent Ordinarios, quo citius ab eisdem, orbinati illarum consueverunt; ac denique omnes Decanatus sui angulos, necessitates Ecclesiarum, illius, Sacerdotum & populi mores, exploratos habere, Ordinariosq; vel Archidiaconos eorum, ubi & quando opus erit, avisare de omnibus.

Sed & ex altera parte, tam Parochi, quàm alii quicunque Commendarii, Vicarii, Clericiq; eorum, oportet ut Decanos suos convenienti honore protequantur, debitamque illis obedientiam præstent, nihil eos celando, quod sciscitabuntur pro suo officio, communicandoq; cum illis confidenter sua & Ecclesiarum suarum incommoda, ac necessitates; quibus Ordinarii quantum in illis erit, conabuntur providere, alias contumaces ac refractarios, moniti a Decanis punient graviter, pro excessu & culpa cuiusq; suo arbitrio.

Atq; hæc sunt fratres charissimi, quæ ex illa immensa Constitutionum de cura & munere Pastoralis congerie, assumenda pro usu vestro, & in hoc quasi compendium redigenda putavimus, cognitaq; imprimis & familiaria vobis esse, ac vel ex his, quàm arduum, difficile, operosum, & periculosum sit, pretiosos sanguinis & gratiæ Domini thesauros, tam spinoso præsertim, tortuoso, lubrico, & infesto hostibus, quam vita est humana itinere, in concreditis vestræ fidei hominibus, qui sunt vasa lutea, invicem faciunt angustias, transferre ad Cœlestem, quod vestri est officii, patriam, perpendere vos, etiam atque etiam optamus. Sed & circumferre oculos mentis vestræ, per totam hanc nostram Provinciam, ac in quam multis ejus locis, retri-xerit charitas, inundaverit iniquitas, sanguis sanguinem tetigerit, cogitare. Monstra item hæretum, quæ depasta sunt vine-

am Do-

am Domini, polluerunt Sanctuarium, profanaverunt Ecclesi-
as, & plerasq; vilius quàm in pomorum verterunt custodiam,
quæq; adhuc, proh dolor! animos multorum occupatos deti-
nent, intueri, atque pro viribus quemque suis, quasi in commu-
ni hoc incendio, opem & auxilium ferre. Hortamur proinde
atque obsecramus vos, per viscera misericordiæ DEL, ut vobis
& saluti eorum, quorum sanguis de manibus vestris requiritur,
attendatis, illuminetisq; & doctrina vestra illos, qui in tene-
bris errorum atq; umbra mortis sedent, & exemplo vitæ uni-
versos; sicque proficiatis verbo & opere, ut una cum grege
vobis concredito, ad gaudia possitis pervenire æterna. Quod
vobis concedat benignus & misericors Pater luminum, & bo-
norum omnium largitor DEUS, qui est benedictus in sæcula.
Datum ex Synodo Provinciali Petricoviæ, Idibus Octobris.
Anno Domini, M. DC. VII.

Ideò præsens Synodus, ne actum agere, & quæ ab
aliis benè & sufficienter statuta sunt, iterum describere
videatur: Monet & præcipit Ordinariis, ut ad ejusdem
Epistolæ Pastoralis præscriptum, in suis Diocesium
Sacramenta administrari curent, omnesq; Curati, tam
in vita & moribus, quàm in Sacramentorum admini-
stratione, & in aliis omnibus ad officium suum perti-
nentibus sese gerant, neq; ab ejus præscripto vel latum
unguem discedere audeant, sub interminatione Divini
Judicii, & gravibus poenis ab officio Ordinariorum
in ipsos decernendis. Decretum quoque Concilii Tri-
dentini *sess. 23. c. 5. de Denuntiationibus in Parochiis*
domicilii Ordinandorum, ante ordinationem faciendis,
in viridi observantia servetur.

De celebratione Missarum.

DEclarationes aliquot Congregationis Concilii Trid: S.D.N. URBANI PP. VIII. auctoritate, Romæ recens editas, ad celebrationem Missarum utilissima præcepta continentes, Synodo publicare placuit; quæ de verbo ad verbum ita se habent.

Super primo Sacra Congregationis Decreto, de celebratione Missarum, quo prohibetur, ne Episcopi in Diocesana Synodo, aut Generales in Capitulis generalibus, vel aliàs quoquo modo, reducant onera ulla Missarum celebrandarum, aut post idem Concilium imposita, aut in limine foundationis:

Quaritur: quid si legatum sit ita tenue, ut non sit qui velit onus illi injunctum subire, Et si recurrendum sit ad Sedem Apostolicam pro moderatione oneris, totum aut ferè totum insumendum sit pro expensis ad id necessariis?

Et quid, si permittatur Episcopo in fundatione, ut possit huiusmodi onera moderari:

Secundò: Super secundo ejusdem Congregationis Decreto, quo cavetur, ut celebrentur tot missæ, quot ad rationem tributa eleemosyna præscripta fuerint:

Quaritur: An verba illa (præscripta fuerint) intelligenda sint de præscriptione facta ab offerente, vel ab Ordinario?

Tertiò:

Tertiò: An cum Ordinarius præscripserit eleemosynam congruam juxta qualitatem loci, personarum, ac temporum, Sacerdotes accipientes stipendium minus congruo, teneantur Missas illis ab offerente præscriptas celebrare?

Quartò: An Sacerdotes, qui tenentur Missas celebrare ratione beneficii, seu capellæ, legati, aut salarii; possint etiam manualement eleemosynam pro Missis vivis, aut Defunctorum, recipere, & unico Missæ sacrificio utrique oneri satisfacere?

Quintò: Posito, quòd Testator relinquat, ut celebrentur pro ejus anima centum Missæ, absque ulla præscriptione eleemosynæ:

Quæritur: an liberum sit hæredibus, eleemosynam sibi benè visam præscribere, an verò eadem eleemosyna præscribenda sit ab Ordinario?

Sextò: Super tertio Congregationis Decreto, in quo eadem Congregatio revocat Privilegia, quibus indulgetur ut certarum Missarum, vel Anniversariorum celebratione, aut aliquibus Collectis, seu Orationibus, plurimum Missarum oneribus in futurum suscipiendis, satisfiat:

Quæritur: An verba (in futurum suscipiendis) intelligenda sint de oneribus suscipiendis post Privilegium?

Septi:

Septimò: Super quarto ejusdem Congregationis Decretò, quo prohibetur Sacerdoti, qui Missam suscipit celebrandam cum certa eleemosyna, ne eandem Missam alteri, parte ejusdem eleemosynæ sibi retentâ, celebrandam committat:

Quæritur: An permittendum sit Administratoribus Ecclesiarum, ut retineant aliquam eleemosynarum portionem pro expensis manutentionis Ecclesie, Altarium, inservientium, paramentorum, luminum, vini, hostiæ, & similibus?

Octavò: An hoc Decretum habeat locum in beneficiis, quæ conferuntur in titulum: id est, An Rector Beneficii, qui potest per alium celebrare, teneatur Sacerdoti celebranti dare stipendium ad rationem reddituum Beneficii?

Decimò. An Sacerdotes, quibus aliquando offertur eleemosyna major solitâ, pro celebratione Missæ, debeant dare eandem integram eleemosynam iis, quibus Missas celebrandas committunt: An verò satis sit, ut dent celebrantibus eleemosynam consuetam.

Undecimò: Super quinto ejusdem Congregationis Decreto, quo inter cetera statuitur in hæc verba, (eleemosynas verò manuales & quotidianas pro Missis celebrandis) ita demum iidem accipere possint, si oneri:

oneribus antea impositis ita satisfecerint, ut nova quoque onera obire valeant: Alioquin omninò abstineant ab huiusmodi eleemosynis, etiam spontè oblati, in futurum recipiendis, & capsulas auferant, &c.

Quæritur: An hoc Decretum prohibeat absolute, quo minus accipiant novas eleemosynas ij, qui acceptis non satisfecerunt: & quid si congruo tempore possint omnibus satisfacere:

Duodecimò: quid, si offerens eleemosynas, audito impedimento, consentiat, ut Sacerdos Missam celebret cum primùm poterit?

Decimotertiò: An pœna interdicti, & alia appositæ in eodem Decreto afficiant, tam eos qui accipiunt eleemosynas contra formam ibi præscriptam, quàm eos qui non auferunt capsulas ab Ecclesiis, ut ibidem præcipitur?

Decimoquartò: An in hoc Decreto comprehendantur illæ capsulae, quæ apponi solent in Ecclesiis in die Commemorationis Omnium Sanctorum, & vulgò dicuntur (casse de Morti?)

Decimoquintò: An Administratores Ecclesie magnæ devotionis, & concursus, possint eleemosynas pro Missis celebrandis accipere, si iisdem Missis nonnisi post longum tempus satisfacere valeant, ne alias cultus Ec-

tus Ecclesia, & devotio ac concursus fidelium, ut a-
junt, minuantur?

Decimosextò: Quia prohibitio dicti Decreti vi-
detur aliquibus directa solis Capitulis, Collegiis, Socie-
tatibus, Congregationibus, necnon omnibus & singu-
lis Ecclesiarum, & piorum locorum, tam Seculari-
um quàm Regularium Superioribus, de quibus fit ex-
pressa mentio: non autem privatis Sacerdotibus, qui
tamen comprehendi videntur sub clausula generali,
(& aliis ad quos pertinet) supplicatur pro opportuna
declaratione.

Decimosseptimò: Super septimo ejusdem Sacrae
Congregationis Decreto, quo cavetur, ut in singulis
Monasteriis Religiosorum præfigatur numerus, qui
ex consuetis redditibus, aut eleemosynis, commodè
possit sustentari:

Quæritur: An ubi hæc præfixio facta iam fuit in
vim similis Decreti san: mem: PAULI V. absq; ta-
men computatione reddituum cujusque Religiosi, sit
denuò facienda, necne?

Decimooctavò: An novitii ad habitum Regula-
rem admissi, possint admitti ad professionem in Mo-
nasteriis, in quibus, habitâ ut supra præfixione nume-
ri, commodè ali non possunt?

Decime

Decimononò: Super ultimo, quo cavetur, ut nulli
libi recipiantur conventus Regularium. nisi præter alia
ad id requisita, duodecim saltem fratres in eis dege-
re & competenter sustentari valeant, ita ut aliquin
subsint Jurisdictioni ordinariæ:

Quaritur An hoc Decretum, quod videtur edi-
tum in ordine ad celebrationem Missarum, compre-
hendat eas religiones, quæ non conseruerunt onera
Missarum recipere, ut sunt Religiones Capuccino-
rum, ac Societatis Jesu?

Ultimò: An idem Decretum, ubi disponit, ut
nullibi recipiantur Monasteria, nisi, &c: habeat locum
in Italia duntaxat, ad quam est restrictum Decretum
proximè antecedens, an verò etiam extra Italiam?

SAcra Congregatio Cardinalium Concilii Tridentini
Interpretum, autoritate sibi à Sanctissimo D. N.
attributa, ad singula dubia superius proposita, ad
hunc modum respondit, videlicet:

Ad primum, etsi legatum sit tenue, nihilominus
pro reductione oneris, ut supra impositi ab iis ad
quos pertinet, Sedem Apostolicam esse adeundam,
quæ absq; ulla impensa id statuet, quod magis in Do-
mino è re esse judicaverit: Verumtamen si in ipsa be-

K

nesicii

beneficii erectione expresse cautum fuerit, ut liceat Episcopo injunctum onus reducere, ac moderari legem hanc foundationis, quam Decreta hac de re edita non sustulerunt, esse validam, & observandam.

Ad Secundum; esse intelligenda de prescriptione facta ab eo, qui eleemosynam tribuit, non autem ab Ordinario. Quod si tribuens eleemosynam numerum Missarum celebrandarum non prescripserit; tunc tot Missas celebrari debere, quot prescripserit Ordinarius secundum morem sue Civitatis, vel Provinciae.

Ad Tertium, teneri.

Ad quartum; Sacerdotes quibus diebus tenentur Missas celebrare ratione beneficii, seu Capella, legati, aut salarii, si eleemosynas pro aliis etiam Missis celebrandis susceperint, non posse eadem Missa utriusque obligationi satisfacere.

Ad Quintum; Censuit, ubi nullam certam eleemosynam Testator reliquit, esse ab Episcopo prescribendam eleemosynam congruam, quae respondeat oneribus Missarum celebrandarum, secundum morem Civitatis, vel Provinciae.

Ad Sextum, Ita esse intelligenda.

Ad Septimum respondit; permittendum non esse, ut Ecclesiae, ac loca pia, seu illorum Administratores, ex eleemo-

ex eleemosynis Missarum celebrandarum ullam, ut-
cumq; minimam, portionem retineant ratione expen-
sarum, quas subeunt in Missarum celebratione, nisi
cum Ecclesia, & loca ipsa alios non habent redditus,
quos in usum earundem expensarum erogare licite
possint; & tunc quam portionem retinebunt, nulla-
tenus debere excedere valorem expensarum, quæ pro
ipsomet tantum Missæ sacrificio necessario sunt sube-
undæ; & nihilominus eo etiam casu curandum esse,
ut ex pecuniis, quæ supersunt, expensis ut supra dedu-
ctis, absolute tot Missæ celebrentur, quot præscriptæ
fuerint ab offerentibus eleemosynas.

Ad Octavum; Non habere locum: sed satis esse,
ut Rector beneficii, qui potest Missam per alium cele-
brare, tribuat Sacerdoti celebranti eleemosynam con-
gruam, secundum morem Civitatis, vel Provinciæ,
nisi in fundatione ipsius beneficii aliud cautum fuerit.

Ad Decimum; Debere absolute integram elee-
mosynam tribuere Sacerdoti celebranti, nec ullam
illius partem sibi retinere posse.

Ad Undecimum respondit; non prohibere absolu-
tè: ac propterea, tæsi oneribus jam susceptis non satis-
fecerint, posse tamen nova etiam onera suscipere Mis-
sarum celebrandarum, dummodò infra modicum

R2

tempus

tempus possint omnibus satisfacere.

Ad Duodecesimum; Quamvis onera suscepta infra modicum tempus adimpleri nequeant, si tamen tribuens eleemosynam pro aliarum Missarum celebratione, id sciat, & consentiat, ut illa tunc demum celebrentur, cum susceptis oneribus satisfactum fuerit, decretum non prohibere, quominus eo casu eleemosyna accipiatur pro iisdem Missis, iuxta benefactoris consensum celebrandis.

Ad Decimumtertium; Has pœnas non habere locum, nisi in suscipiendis onera perpetua Missarum celebrandarum sine licentia Episcopi, vel ejus generalis Vicarii, aut Generalis, vel Provincialis.

Ad Decimumquartum; Comprehendi.

Ad Decimumquintum; Non posse, nisi de consensu eorum, qui eleemosynas tribuunt; ut supra in responsione ad duodecesimum.

Ad Decimumsextum; Comprehendi etiam privatos Sacerdotes.

Ad Decimumseptimum; numeri præfixionem esse iterum faciendam, servatâ formâ ultimi decreti hac de re editi.

Ad Decimumoctavum; Esse admittendos ad professionem, si aliâs habiles existant, ac deinde in a:
liquo

liquo alio Monasterio ejusdem religionis esse collocandos, ubi commodè ali possint.

Ad Decimumnonum; Censuit comprehendere.

Ad Ultimum; Habere locum etiam extra Italiam.

Cosmus Card: de Torres.

Prosper Fagnanus S. Congreg: Secr:

De Ordinandis.

Quia sacri Canones vetant, ne quis sinè prævio sui Ordinarii, seu illius Archidiaconi examine, ad Ordines sacros promoveatur; districtè prohibet Synodus, ne Episcopi, qui licentiam habent à Loci Ordinario, exercendi Pontificalia in illius Dioecesi, ullo pacto audeant sinè examine Lociordinarii, vel Archidiaconi alicui, sive Sæculari, sive Regulari, Ordines conferre. Alioquin sic ordinati juxta Sacri Conc: Trident: præscriptum, ab exercitio Ordinum sint suspensi.

De Constitutionibus Synodi.

Constitutio Synodi Anni 1601. de jurisdictione Capitulari, ita declaratur: ut per omnia juridictio Capituli salva & integra permaneat, secundùm verba & dispositionem Concilii Trident. Sess: 25. c. 6. neq; ultra dispositionem Concilii se extendat.

De Com:

*De Constitutionibus antiquis iterum re-
cendendis.*

EXhibiti sunt Synodo præsenti Constitutionum antiquarum Provincialium Libri quatuor, juxta proximæ Synodi decretum, à Dñis Deputatis recognitarum: Quas Illustriss: D. Archiepiscopus descriptas, & ab Illustriss: DD. Episcopis, qui in præsenti Synodo præsentes fuerunt, ac à DD. Deputatis, qui in præsenti Synodo ad earum recognitionem designati fuerunt, superstitibus revisas, quam primùm edi curabit.

De Sede vacante.

Constitutionem Sprovianam de electione Administratoris, & bonorum Episcopalium Sede vacante regimine, uti Provinciæ hujus rebus, bonis, personis & locis accommodatam, servandam, Synodus presens præcipit; vultq; omninò, ut in omnibus Diæcesibus & Ecclesiis Regni hujus, & Magni Ducatûs Lithvaniæ, antequam ad electionem Administratoris, vel bonorum mensæ Episcopalis distributionem deveniatur, juramentum præstetur secundùm formam in eadem Sproviana descriptam; bonaq; Episcopalialia in regimen, non per senium, uti præstimonialia dividi solent; sed illis, qui magis idonei ad rem familiarem gerendam, & bonorum defensionem videbuntur, committantur. Et nemo DD. Regentium, bona Clavis sibi commissæ locare, vel in arendam cuipiam concedere præsumat; sed quilibet Notarium juratû, unà cû

villico

Villio
ptos
redd
Succ
pens
& q
prov
tion
tres
stea
pisc
scop
Con
& A
pella
cant
vel
fition
ferre
scrib
episc
Episc
dies
fuer
suur
episc
episc
vel

Villico in sua Clave habeat, qui proventus omnes perceptos & expensos, de quibus unusquisq; Regens rationem reddere debet, fideliter & ordinatè conscribet, ut nimirum Successor Episcopus sufficientem rationem accepti & expensi, Inventariumq; omnium habeat; occasioq; litium & querellarum præcidatur, Salva, honesta, & sufficienti provisione uniuscujusq; Regentis. Ratio verò administrationis ab uno quoq; Regente, Successori Episcopo, intra tres Menses facienda sit, primùm in Capitulo, eaq; postea ad requisitionem Episcopi illi ostendenda: Quæ si Episcopo non satisfaciat, de ea cognitio fieri debet ab Episcopo, cum adjunctis ex Capitulo, juxta dispositionem Concilii Trident: *Sess: 25. c. 6.* A judicio verò Episcopi & Adjunctorum Capituli, ad superiorem Judicem appellari poterit. Et quoniam vulgati juris est, Sede vacante nihil esse innovandum, Capitulum, Administrator, vel Regens Clavis cujuslibet, abstinere debet à dispositione quorumvis bonorum; neq; ulla beneficia conferre per se, vel suum balivum: neq; Capitulum subscribat, vel sigillo obsignet Privilegia defuncti Archiepiscopi vel Episcopi, quæ vivente Archiepiscopo vel Episcopo, capitulariter subscripta, videlicet ante viginti dies obitus Episcopi, vel consignata à Capitulo non fuerint; sed quævis Privilegia & gratiæ, quæ effectum suum sortitæ non sunt ante viginti dies mortis Archiepiscopi, vel Episcopi, futurum Successorem in Archiepiscopatu vel Episcopatu expectent; aliter concessæ vel editæ, nullitatis vitio subsint.

De aliena

De alienationibus bonorum Ecclesiæ.

Occurrens præsens Synodus alienationibus bonorum Ecclesiæ, quæ in præjudicium Successoris, vel antea factæ fuerint, vel in futurum contingere possent, Iudices ad cognoscendas & examinandas, sic factas vel faciendas alienationes, adinstar Decreti Concilii Tridentini, *Seß: 25. c. 11.* in unaquaque Dioecesi ab Illustriss: Dñis Ordinariis deputandos censet, qui servato juris ordine procedere debebunt. Comprehendi autem censetur in alienationibus, sylvarum devastatio, juxta receptam Doctorum sententiam, præsertim cùm in tanta desolatione sylvarum, illarum indemnitati & conservationi meritò sit prospiciendū. Item ut gratiæ à mensa Archiepiscopali, vel Episcopali, bene meritis tantùm dentur. Similiter Advocatiæ, seu scultetiæ, non pueris, sed in ætate virili constitutis, concedantur; qui etiam ad obtinendum consensum Venerabilium Capitulorum sese in Capitulis præsentare teneantur: & aliter concessæ gratiæ sint invalidæ; neq; ultra duas ad vitalitates, mariti scilicet & uxoris, juxta MACIEIOVIANAM Constitutionem sese extendant; & aliter concessæ, ipso facto nullius sint roboris vel momenti; neq; mansi ultra numerum in originalibus literis Advocatiarum expressi, augeantur, aut Cmetones addantur. A servitiis quoq; in originalibus literis Advocatiæ antiquitùs impositis, libertas & exemptio passim non concedatur. Haberi tamen poterit ratio Nobilium, & benè meritarum in Ecclesia, & Episcoporum obsequio, personarum. Sculteti

autem,

autem, qui braseatoria habent, non possint in illis cervisi-
am coquere, nisi pro suo ac suorum domesticorum, vel
subditorum, usu tantum; & sine præjudicio curiæ brasea-
toriorum. Porro locationes bonorum Ecclesiæ, licet ul-
tra triennium fieri non possint; in casibus tamen à jure
permisissis, bona eadem in Emphiteusim ad longius tem-
pus, prout de jure, locari poterunt, servatis juris solenni-
tatibus, & consensu quorum interest, obtento.

De Revisionibus bonorum mensæ Episcopalis.

Officium Revisionis bonorum Episcopalium, Capitu-
la non intermittant: in quo quidem negotio, ad instar
cap: 12. Constit: Provincialium, lib: 5. sese gerant: Comi-
tatu decenti utantur, neq; ordinationes aliquas faciant, sed
tantum defectus, quærelas, angarias, & damna in bonis
cognita, Capitulo & Episcopo referant, ut illi pro debito
sui Officii, remedia opportuna utilitati & integritati
bonorum adhibeant.

De Regularibus.

Insuper monet & hortatur Synodus omnes Regulares,
ad observantiam Sacrorum Canonum, præcipuè Cle-
mentinæ, *Religiosi de Privileg:* Necnon ad observantiam
S. Concilii Trident: præcipuè *cap: 15. Sess: 23. de Reform:*
& *cap: 12. Sess: 25. de Reform.* ac aliarum Constitutionum
Apostolicarum.

L *De Con-*

De Conservatoribus.

VT Decretum GREGORII XV. de Conservatoribus in hac Synodo publicatum, ad executionem deducatur: nevé ejus ignorantia aliqui se excusent, & usus ejus uti saluberrimus, Provinciæ, innotescat, S. Synodus hic inferendum decrevit.

S.D.N.D. GREGORII,

Divinâ Providentiâ P.P. XV.

Constitutio de Conservatoribus.

Sanctissimus in Christo Pater, & Dominus Noster, D. GREGORIUS, Divina providentiâ Papa XV. ex certis rationabilibus causis, animum suum moventibus, & de Voto Venerabilium Fratrum suorum, S.R.E. Cardinalium, Concilii Tridentini Interpretum, partim fel: record: CLEMENTIS Papæ VII. Prædecessoris sui, vestigiis inherendo, revocavit, ac nullas & invalidas decrevit omnes & quascunque iudicium Conservatorum Electiones, Nominationes, seu Deputationes, tam in vim literarum Conservatoriarum, juxta formam in quinterno Cancellaria descriptam; quam in vim quorumcunq; Privilegiorum, perpetuò, vel ad tempus nondum elapsum, Apostolica autoritate concessurum. seu aliâs quocunq; jure vel titulo hætenus factas, pro quibuscunq; Conventibus Capitulis, Militiis etiam S. Ioannis Hierosolymitani, Congregationibus, Collegiis, Ordinibus, Monasteriis, Hospitalibus, aut aliis quibuscunq; piis tam Sacularibus, quàm cujusvis Ordinis etiam

nis etiam Mendicantium, seu instituti, vel Societatis, Regularibus locis, quantumvis exemptis, etiam de necessitate exprimendus; seu illorum personis, cujusvis qualitatis seu conditionis existant. In futurum Verò Sanctitas Sua, hac Generali & perpetuò valitura Constitutione, statuit & decrevit; ut Iudices Conservatores hujusmodi, siue personales, siue subrogati, eligi, nominari, aut deputari non possint, nisi non solum habeant qualitates requisitas, & descriptas in Constitutione similis record: BONIFACII Papa VIII. etiam Prædecessoris sui, quæ incipit, Statutum; ita ut et el dignitate Ecclesiastica præditi, vel personatum obtinentes, vel Ecclesiarum Cathedralium Canonici existant; sed etiam in Conciliis Provincialibus, aut Diæcesanis, juxta Decretum Concilii prædicti. Iudices electi seu designati sint. Quodq; deinceps literæ Conservatoria per Sedem Apostolicam concedendæ, suprascriptis tantum dirigantur; & si quæ literæ aliter expediantur, illæ, ac deputaciones hujusmodi, omniq; exinde sequenda, nullius sint roboris vel momenti. Et nihilominus qui secus, quàm juxta formam superius præscriptam Conservatores hujusmodi cum effectu eligere, nominare, seu deputare; aut electis, nominatis, seu deputatis, uti ausi fuerint Regulares quidem voce activa & passiva, sint ipso jure privati; adeò ut habilitationem à nemine, præterquam à Romano Pontifice, consequi valeant; Reliqui Verò alius penis arbitrio Sanctitatis Suae cœrceantur, & prædictorum omnium Conventus, Monasteria, ac loca hujusmodi, eorumq; persona ac bona careant Conservatore ad Annum, ita ut illorum causa interea coram Locorum Ordinariis duntaxat, cognosci ac definiri debeant. Caterùm ut latius pateat Conser-

vatorum hujusmodi deligendorum facultas: Sanctitas Sua admonitos voluit omnes Locorum Ordinarios, ut in Synodis Provincialibus, aut Diocesanis, quam plures personas ex habentibus qualitates, in predicta Constitutione ejusdem BONIFACII Predecessoris contentas, & alioquin ad id aptas designari procurent: & si aliquem interim ex designatis mors contigerit, substituat Ordinarius loci, cum consilio Capituli, alium in ejus locum, usq. ad futuram Provinciam aut Diocesanam Synodum. Insuper Sanctitas Sua inherendo hac in parte Decreto, similis recordi GREGORII Papæ XIII. etiam Predecessoris sui, statuit & ordinavit; ut Regulares ac persone hujusmodi, in Italia infra duos, extra Italiam verò infra sex Menses, à die publicationis in Urbe presentis Constitutionis inchoandos, debeant sibi eligere seu assumere Conservatores juxta formam superius propositam, ejusq. electionis seu assumptionis documentum, infra tempus hujusmodi, penes Acta Curie Ordinariorum exhibere & dimittere teneantur: alioquin eo termino elapso, quamdiu Conservatores secundum formam presentis Constitutionis non elegerint, coram eisdem Ordinariis conveniantur: quodq. Conservatores hujusmodi semel legitime deputati, nisi ex legitima causa à Sede Apostolica, aut Locorum Ordinariis, prout iisdem Regularibus, & aliis supra dictis libuerit approbanda, durante quinquennio à die deputationis, amoveri, aut mutari nullatenus possint aut valeant. Ad hæc statuit Sanctitas Sua, ut coram ipsis Conservatoribus, Regulares ac persone superscriptæ, conveniri, quidem aut trahi debeant, sed alios convenire aut trahere non possint; ita ut memorati Conservatores, in causis in quibus Regulares & alii Actores fuerint,

rinc. nullam prorsus jurisdictionem habeant, sed in iis tantum,
in quibus Rei extiterint; neq̃ extra Civitates seu Dioceses, in
quibus fuerint deputati, contra quoscunq̃ procedere presumant.
Si quæ verò inter Iudices Conservatores hujusmodi, & Locorum
Ordinarios, controversia super competentia jurisdictionis
orta fuerit; nequaquam in causa procedatur, donec per Arbitros
in forma Iuris electos, super jurisdictionis competentia fuerit
judicatum. Quod si qui Conservatores, sive in hac parte, sive
aliàs quomodolibet, suos limites exceſerint, per annum ab of-
ficio Conservatoris hujusmodi suspensi sint: & pars quæ hoc fieri
procuraverit, sententiam excommunicationis incurrat, juxta
formam alterius Constitutionis ejusdem BONIFACII Præde-
cessoris, quæ incipit: Hac Constitutione. quam Sanctitas Sua
in his omnibus, quæ presentì Constitutioni non adversantur, in-
novavit, & innovat. Per hoc tamen non intendit Sanctitas
Sua prohibere, quominus Regulares, & alii supradicti, in ca-
sibus à jure præmissis, petant Iudicem non suspectum à Principi-
bus seu Magistratibus Secularibus, dum tamen hæc tria copu-
lativè concurrant: videlicet, ut Regulares, & alii prædicti,
sint Actores, non autem Rei; utq̃ agant contra laicum, non au-
tem contra Ecclesiasticum, vel aliàs à jurisdictione Seculari
exemptum: atq̃ ut causa in qua Iudex deputatur, fuerit pro-
fana, non autem Ecclesiastica, & in ea juxta Sacrorum Ca-
nonum dispositionem, laicus ut præfertur, eligendus Iudex com-
petens existat. Quæ omnia & singula in presentì Constitutione
contenta, Sanctitas Sua voluit inviolabiliter observari, decer-
nens sic in iis cæterisq̃ omnibus præmissis, per quoscunq̃. &c: eti-
am Sacri Palatii Apostolici Auditores, necnon Sacre Romanæ
Ecclesiæ

*Ecclesie Cardinales, sublata, &c: judican: &c: necnon irri-
tum & inane, &c: Non obstantibus Constitutionibus & Or-
dinationibus Apostolicis, ac literis Conservatoriis; quas omnes
ad formam presentis Constitutionis reduxit, in favorem quorum-
cunq; Ordinum, tam Mendicantium, quam non Mendicantium;
Militiarum, etiam S. Ioannis Hierosolymitani, Congregatio-
num, Societatum, aut cuiusvis alterius Instituti, etiam necessa-
rio exprimendi, Collegiorum, Capitulorum, Ecclesiarum, Mo-
nasteriorum, ac piorum quorumcunq; tam Secularium, quam
Regularium locorum; necnon illorum etiam juramento, confir-
matione Apostolica, vel quavis firmitate alia roboratis Statu-
tis, & consuetudinibus etiam immemorabilibus, Privilegiis quoq;
etiam ex causa & titulo oneroso indultis, & literis Apostolicis
etiam Mari magno, seu Bulla aurea, aut aliis nuncupatis, sub
quibuscunq; tenoribus & formis; ac cum quibuscunq; etiam dero-
gatoriis derogatoriis, aliisq; efficacioribus & insolitis clau-
sulis: necnon irritantibus, etiam motu proprio, & ex certa sci-
entia, ac de Apostolica potestatis plenitudine, aut alias quomo-
dolibet etiam per viam communicationis seu extensionis, con-
cessis, & iteratis vicibus approbatis & innovatis: etiamsi pro
illorum sufficienti derogatione, de illis eorumq; tenoribus & for-
mis, specialis & individua, ac de verbo ad verbum, non autem
per clausulas generales idem importantes, mentio, seu quavis
alia expressio habenda, aut aliqua alia exquisita forma servan-
da esset; tenores huiusmodi, acsi de verbo ad verbum, nullo
penitus omisso, & forma in illis tradita, observata, inserti fo-
rent, presentibus pro expressis habens: quibus quoad ea quae praesentibus adversantur, illis alias in suo robore permansuris, hac*
vice

vice duntaxat, specialiter & expresse derogavit, ceterisq; contrariis quibuscunq;. Ceterum ut prasens Constitutio facilius omnibus innotescat, Sanctitas Sua voluit & mandavit, ut non solum in Cancellaria Apostolica, sed etiam ad valvas Basilice Principis Apostolorum de Urbe & in acie Campi Floræ publicetur; illiusq; exempla in iisdem locis affixa dimittantur, ac in Quinterno Cancellariæ inter Constitutiones perpetuas describatur, & annotetur.

Placet, publicetur, & describatur, A. Lecta & publicata fuit supradicta Constitutio in Cancellaria Apostolica, ab altero ex R. P. D. Majoris Presidentiæ Abbreviatoribus, die vigesima mensis Septembris, Anno Incarnationis Dominicæ, Millesimo, Sexcentesimo, Vigesimo primo. Pontificatûs verò prelibati SS. D. Nostri, D. GREGORII Papæ Decimiquinti, Anno Primo. Et postmodum die & anno supra dictis, in Quinterno ejusdem Cancellariæ, inter alias Constitutiones Apostolicas descripta, & annotata fuit.

Nicolaus Ursinus Procustos;

In Dei Nomine, Amen. Anno à Nativitate Domini nostri JESU Christi, Millesimo, Sexcentesimo, Vigesimo primo, Indictione quarta, die verò vigesima Septembris, Pontificatûs SS. in Christo Patris & Dñi Nostri, D. GREGORII, Divina providentia Papæ Decimiquinti, Pontificatus sui Anno Primo; retroscripta Constitutio Apostolica, affixa ac publicata fuit in valvis Basilicæ Principis Apostolorum de Urbe, & in acie Campi Floræ, per me Augustinum Braccherium, Apostolicum Cursorem.

Octavius Spada, Magister Curforum.

Cæterum

Ceterum ipsi Conservatores in singulis Dioecesibus nominentur ad præscriptum dictæ Constitutionis GREGORII XV. prout quidem in Archidioecesi Gnesnensi nominati sunt Rñdi Domini, Andreas Suldrski Gnesnens, Poseniensisq; Præpositus, S. Regiæ Majest: Secretarius. Petrus Grochowicki Archidiaconus; Petrus Odorovius J. U. D. Canonicus Vicarius in Spiritualibus, Officialis Generalis Gnesnensis. Nicolaus Starzyński, Canonicus Gnesnensis, & Præpositus Lasceñ, Mauritius Fredericius, J. U. D. Archidiac: Curzelovieñ. Joannes Lugowski, J. U. D. Cancellarius Crulvicieñ: & Canonicus Lovicieñ:

In Dioecesi Cracoviensi.

Rñdi Domini, Joannes Foxius Archidiac. Lucas Doctorius Canonicus Cracovieñ: Martinus Klocinski Præpositus Corporis Christi Casimiræ; Joannes Kwasiński Præpositus Woynicieñ: Archidiac: Sandeceñ: J. U. D. qui in Synodo Dioecesana ultima Anni 1621. electi sunt in Judices Synodales.

In Dioecesi Vladislaviensi & Pomerania.

Jacobus Piaſecki Archidiaconus Wladislavieñ: Sebastianus Rostkovius Archidiac: Pomeraniæ: Lucas Bratkowski, & Sebastianus Grotkowski, Cañci Vladislavieñ:

In Dioecesi Poseniensi.

Joannes Baykowski Episcopus Ennensis, Suffraganeus & Officialis Poseniensis. Stanislaus Kokalewski, Jacobus Doruchowski Scholasticus; Martinus Moiecki, S. T. Stanislaus Zukowski, J. U. DD. Canonici Posenieñ:

In Diæ:

In Diœcesi Płocensi.

Franciscus Zaierski J. U. D. Canonicus Płocensis, Præpositus & Suffraganeus Luceoriensis. Paulus Biedkowski Archidiaconus & Officialis Płocensis. Sebastianus Polnaniensis, J. U. D. Mathias Golinowski, Canonici Płocensis.

Procuratores verò seu Nuncii aliorum Illustriss: & Reverendiss: DD. Episcoporum, id ipsis referent, ut sic nominatorum in suis Diœcesibus, Illustriss: & Reverendiss: D. Archiepiscopo, nomina & cognomina quamprimum transmittant.

Similiter & Bullam ejusdem GREGORII PP. XV. de Exemptorum Privilegiis, circa curam animarum, Synodus publicat, & hisce addit; quæ talis est:

**S. D. N. D. GREGORII PP. XV.
C O N S T I T U T I O,**

De Exemptorum Privilegiis circa animarum curam, & Sacramentorum administrationem, Sanctimonialium Monasteria, & predicationem Verbi Dei.

G R E G O R I U S E P I S C O P U S

Servus servorum Dei;

Ad perpetuam rei memoriam.

INERUTABILI Dei providentiâ, universalis Ecclesiæ regimini, meritis licet imparibus, præsidentes, Pastoralis nostræ sollicitudinis partes esse dignoscimus, in eam curam præcipuè incumbere, ut à dignis, & probatis tantum Sacerdotibus san-

M etè admi-

Et administrantur Ecclesiastica Sacramenta; atque ut Virginum Deo sacrarum Monasteria diligentissime custodiantur; & viri assumantur idonei ad prædicationis officium salubriter exequendum. Sanè Tridentinæ Synodi decretis providè cautum est, nullum Presbyterum, etiam Regularem, posse Confessiones Secularium, etiam Sacerdotum, audire, nec ad id idoneum reputari, nisi aut Parochiale beneficium habeat, aut ab Episcopis per examen, si illis videbitur esse necessarium, aut aliàs idoneus judicetur, & approbationem, quæ gratis detur, obtineat. Necnon ut in Monasteriis, seu domibus virorum, seu mulierum, quibus imminet animarum cura, personarum Secularium, præter eas quæ sunt de illorum Monasteriorum, seu locorum familia personæ; tam Regulares, quàm Seculares ejusmodi curam exercentes, subsint immediate in iis, quæ ad dictam curam, & Sacramentorum administrationem pertinent, jurisdictioni, visitationi, & correctioni Episcopi, in cujus Diocesi sunt sita. Itemque ut Episcopi universi sub obtestatione Divini judicii, & interminatione maledictionis æternæ, in omnibus Monasteriis sibi subjectis Ordinariâ, in aliis verò Sedis Apostolicæ autoritate clausuram Sanctimonialium, ubi violata fuerit, diligenter restitui, & ubi inviolata est, conservari maxime procurent, in obediētes atq; contradictores, per censuras Ecclesiasticas, aliasq; pœnas, quacunq; appellatione postpositæ, compescētes. Atque ut Regulares in Ecclesiis suorum Ordinum prædicare volentes, se coram Episcopis præsentare, & ab eis benedictionem petere teneantur, in Ecclesiis verò, quæ suorum Ordinum non sunt, nullo modo prædicare possint sine Episcopi licentia: contradicente autem Episcopo, nulli, etiam in suorum Ordinum Ecclesiis, prædicare præsumant. Verùm quia experientia compertum est, Ecclesiastici regiminis rationes postulare, ut decretis ejusmodi aliquid adjungatur: matura deliberatione nostra, & ex certa scientia, ac de Apostolicæ potestatis plenitudine, hæ generali ac perpetuo valitura Constitutione decernimus, statuimus, & declaramus, ut deinceps tam Regulares, quàm Sæculares quomodolibet exempti, sive animarum

animarum curam personarum Sæcularium Monasteriis, seu domibus Regularibus, aut quibusvis aliis Ecclesiis, vel beneficiis, sive Regularibus, sive Sæcularibus incumbentem exerceant sive alia Ecclesiastica Sacramenta, aut unum ex illis ministrent, prævia Episcopi licentia, & approbatione; sive quoquomodo indictæ curæ exercitio, aut in eorundem Sacramentorum, vel alicujus ex illis administratione de facto absq; ulla autoritate se ingerant: in his, quæ ejusmodi curam, seu administrationem concernunt, omnimodæ jurisdictioni, visitationi, & correctioni Diocesani Episcopi, tanquam Sedis Apostolicæ delegati, plenè in omnibus subijciantur. Ad hæc tam Regulares, quàm Sæculares hujusmodi, nullis privilegiis, aut exemptionibus tueri se possint, quominus, si deliquerint circa personas intra septa degentes, aut circa clausuram, vel circa bonorum administrationem Monasteriorum Monialium, etiam Regularibus subiectarum, ab Episcopo loci, similiter tanquam ad hoc Sedis Apostolicæ delegato, quoties, & quando opus fuerit, puniri, & corrigi valeant. Confessores verò, sive Regulares, sive Sæculares, quomodocunque exempti, tam Ordinarii, quàm extraordinarii, ad Confessiones Monialium, etiam Regularibus subiectarum, audiendas nullatenus deputari valeant, nisi prius ab Episcopo Diocesano idonei judicentur, & approbationem, quæ gratis concedatur, obtineant Sed & Administrantes bona ad ejusmodi Monasteria Sanctimonialium, ut præfertur, etiam Regularibus subiectarum, pertinentia, sive Regulares extiterint, sive Sæculares, quomodolibet exempti; Episcopo loci, adhibitis etiam Superioribus Regularibus, singulis annis rationes administrationis, gratis tamen exigendas, reddere teneantur, ad idq; juris remediis cogi, & compelli queant. Liceatq; Episcopo, ex rationabili causa Superiores Regulares admonere, ut ejusmodi Confessores, atque Administratores amoveant: iisque Superioribus id facere detrectantibus, aut negligentibus, habeat Episcopus facultatem, prædictos Confessores, & Administratores amovendi, quoties & quando opus esse judicaverit. Ac similiter possit Episcopus, unà cum Superioribus Regularibus qua-

bus, quarumcunque Abbatissarum, Priorissarum, Præfectarum, vel Præpositarum, eorundem Monasteriorum, quocunque nomine appellentur, electionibus per se, vel per alium interesse, ac præsidere; absq; ulla tamen ipsorum Monasteriorum impensa. Ac demum habeat Episcopus, tanquàm dictæ Sedis delegatus, auctoritatem cõercendi, ac puniendi quoscunque exemptos, tam Sæculares, quam Regulares, qui in alienis Ecclesiis, aut quæ suorum Ordinum non sunt, absque Episcopi licentia; & in Ecclesiis suis, aut suorum Ordinum, non petita illius benedictione, aut ipso contradicente, prædicare præsumpserint. Ita ut Episcopi, in superscriptis casibus, & in prænomintas personas, in præmissis omnibus & singulis, aut circa ea quoquo modo delinquentes, quoties & quando opus fuerit, etiam extra visitationem, per censure Ecclesiasticas, aliasq; poenas, uti ejusdem Sedis delegati, procedere, omnemq; jurisdictionem exercere liberè, & licitè valeant. Decernentes sic per quoscunq; Judices, quavis auctoritate fungentes, etiam Sacri Palatii Auditores, necnon Sanctæ Romanæ Ecclesiæ Cardinales, sublata eis, & eorum cuilibet, quavis aliter judicandi vel interpretandi facultate, & auctoritate, judicari & definiri debere; Irritum quoque & inane, si secus super his à quoquam quavis auctoritate scienter vel ignoranter contigerit attentari. Non obstantibus Constitutionibus & ordinationibus Apostolicis in favorem quarumcunque personarum; atq; Regularium Mendicantium, quàm non Mendicantium, Militiarum etiam Sancti Joannis Hierosolimitani, Congregationum, Societatum, ac cujusvis alterius instituti, etiam necessario, & individuo exprimendi, Monasteriorum, Conventuum, Capitulorum, Ecclesiarum, & aliorum quorumcunque, tam Sæcularium, quàm Regularium locorum, necnon illorum, etiam juramento, confirmatione Apostolica, vel quavis firmitate alia roboratis Statutis, vel Consuetudinibus, etiam immemorabilibus; exemptionibus quoque, indultis, & privilegiis, etiam in corpore juris clausis, aut ex causa, & titulo oneroso, vel limine foundationis concessis, etiam Mari Magno, seu Bulla aurea, aut alias
nunc;

nuncupatis; Conservatorum deputationibus, eorūque, atque
aliis inhibitionibus, quibus Episcopi deferre minimè tenean-
tur, & quibusvis aliis, sub quibuscunq; tenoribus, & formis, ac
cum quibusvis etiam derogatoriis derogatoriis, aliisque ef-
ficacioribus, & insolitis clausulis, necnon irritantibus decretis,
etiam motu proprio, & ex certa scientia, ac de Apostolicæ po-
testatis plenitudine, aut aliàs quomodolibet, etiam per viam
communicationis, seu extensionis concessis, & iteratis vicibus
approbatis, & innovatis; etiam si pro illorum sufficienti dero-
gatione de illis, eorūque totis tenoribus & formis, specialis
& individua, ac de verbo ad verbum, non autem per clausulas
generales idem importantes, mentio, seu quævis alia expressio
habenda, aut aliqua alia exquisita forma servanda esset; tenores
huiusmodi, ac si de verbo ad verbum nihil penitus omisso, &
forma in illis tradita observata, inserti forent, præsentibus pro
expressis habentes, quibus quo ad ea, quæ eisdem præsentibus
adversantur, illis aliàs in suo robore permansuris, specialiter
& expressè derogamus; cæterisq; contrariis quibuscunque. Cæ-
rerum quia difficilè foret præsentibus literas ad singula quæque
loca deferri: ut eæ tamen omnibus innotescant, mandamus il-
las ad valvas Lateranensium & Principis Apostolorum de Urbe Ba-
silicarum, atque Cancellariæ Apostolicæ, & in acie Campi Flo-
ræ publicari, & inibi affigi, & per aliquot temporis spatium di-
mitti, eisq; detractis, earum exempla eo in loco relinqui. Ac
volumus, ut earundem præsentium literarum transumptis, eti-
am impressis, manu alicujus Notarii publici subscriptis, & Si-
gillo Prælati, seu Personæ in dignitate Ecclesiastica constitu-
ta munitis, in iudicio, & extra illud, ubi opus fuerit, eadem
prorsus fides adhibeatur, quæ ipsis originalibus adhiberetur, si
forent exhibita, vel ostensa. Nulli ergo omnino hominum
liceat hanc paginam nostrorum Statui, declarationis, decreto-
rum derogationis, mandati, & voluntatis infringere, vel ei au-
su temerario contra ire. Si quis autem hoc attentare præsum-
pserit, indignationem Omnipotentis DEI, ac Beatorum Petri
& Pauli Apostolorum ejus, se noverit incursum. Datum Ro-
mæ apud

mæ apud Sanctum Petrum, Anno Incarnationis Dominicæ,
M. DC. XXII. Nonis Februarii, Pontificatus Nostri Anno
Secundo.

V. Dat.

S. de Urbinis.

Registrata in Secretaria Brevium.

*In Nomine Domini Amen? Anno à Nativitate Domini nostri
JESU Christi, M. DC. XXII. Indictione sexta, die verò octava Men-
sis Februarii, Pontificatus autem Sanctissimi in Christo Patris, & Do-
mini nostri D. Gregorii Divina providentia Papa XV. Anno secundo
retroscripta litera Apostolica, affixa & publicata fuerunt ad Valvas
Basilicarum Sancti Joannis Lateranen: Principis Apostolorum de Ur-
be, ac Cancellaria Apostolica, & in acie Campi Flora, dimissis ibidem
earundem literarum originalibus appensis per aliquot temporis spati-
um, & exinde remotis, deinde dimissis earundem literarum copiis
affixis, ut moris est, per nos Cosmum Modium, & Alexandrum de
Rocchis, Sanctissimi D. Nostri Papa Cursores.*

Octavius Spada Magister Cursorum.

Declarationes aliquot S. Congr: Concilii,
Super Constitutione S. D. N.

D. GREGORII PP. XV.

De Exemptorum Privilegiis, &c:

Posita Constitutione Sanctissimi Domini Nostri,
de Exemptorum Privilegiis, &c: Dubitatur.

*Primò: An liceat Episcopus visitare Altaria Re-
gulari.*

20
gularium Ecclesiarum, quibus cura animarum personalium Secularium non incumbit; aut loca, ubi in iisdem Ecclesiis aservatur Sanctissimum Eucharistiae Sacramentum; vel ubi audiuntur Confessiones personarum Secularium?

Secundò: An Episcopi possint Regularibus praescribere, ut certis tantum in locis, ac temporibus, aut certarum personarum Confessiones audiant; vel alias illorum Privilegia restringere, ac moderari in Sacramentis administrandis?

Tertiò: An facultas Episcopis per Constitutionem attributa in Exemptos, tam Seculares, quam Regulares, intelligatur etiam tributa in personas nullius Diocesis?

Quariò: An eadem facultas competat inferioribus Pralatis proprium territorium, ac jurisdictionem quasi Episcopalem habentibus?

Ultimò: An per eandem Constitutionem, in illis verbis: Possit Episcopus una cum Superioribus Regularibus quarumcunque Abbatissarum, &c: electionibus per se, vel per alium interesse, ac praesidere; ius Abbatissas confirmandi, Episcopis attributum censeatur?

Sacra Congregatio Cardinalium Concilij Tridentini Interpretum, censuit, Constitutionem Sanctissimi Domini Nostri, de Exemptorum Privilegiis, nequaquam subicere Regulares Exemptos, quibus cura animarum personarum Secularium non incumbit, Episcoporum jurisdictioni in his quæ Sacramentorum administrationem concernunt, nisi cum in Sacramento, personis Secularibus administrandis, idem Regulares delinquunt. Ac propterea.

Ad primum dubium respondit; Episcopis non licere in vim ejusdem Constitutionis visitare Altaria Ecclesiarum Regularium, quibus non incumbit animarum cura personarum Secularium; nec loca, ubi in iisdem Ecclesiis asseruatur Sanctissimum Eucharistiæ Sacramentum; vel ubi Confessiones personarum Secularium audiuntur.

Ad secundum: hac in parte Constitutionem Sanctissimi nihil novi juris induxisse, nec ullam novam auctoritatem Episcopis in Regulares attribuisse; Ideoque in vim ipsius Constitutionis non posse Episcopos Regularibus præscribere, ut certis tantum in locis ac temporibus, aut certarum personarum Confessiones audiant; vel aliàs illorum Privilegia in Sacramento administrandis restringere, aut moderari.

Ad

Ad tertium, censuit, ejusmodi facultatem non intelligi tributam Episcopis in personas nullius Diacesis,

Ad quartum, non competere.

Ad ultimum; Jus confirmandi Abbatissas, minime fuisse Episcopis per Constitutionem attributum.

Quæ cum Sanctissimo Domino Nostro relata fuissent, ejus Sanctitas Sacra Congregationis sententiam in omnibus approbavit.

R. Card: Ubaldinus.

Prosper Fagnanus S. Congr: Secret:

De Examine ad Parochiales.

Monentur, autoritate præsentis Synodi, Illustrissimi & Reverendiss: DD. Episcopi, ut Decretum S. Concilii Trid: Sess: 24. c. 18. de Ecclesiis Parochialibus; per concursum & examen conferendis, observent.

De Officio Patronorum.

AD Officium Patronorum Regni, die 10. Mensis Octobris, pro Gratiarum actione Domino Deo, pro Victoria ex Imperatore Turcarum Osmano obtenta, conscribendum; Deputantur autoritate Synodi, Reveren-

N. di DD:

di DD. Joannes Foxius Archidiaconus Cracoviensis: & Sebastianus Nucrinus, S. T. D. Canonicus Scarbimiriensis: qui Officium illud conscriptum, Illustriss: & Reverendiss: D. Archiepiscopo transmittent; cujus autoritate edatur, & in tota Provincia cum approbatione S. Sedis Apostolicæ observetur.

De Festo Sancti Joseph.

CVM Officium S. Joseph, Sponsi Beatiss: Virginis, pro die 19. mensis Martii Festo, à GREGORIO XV. fact: record: sit institutum: Statuit Synodus, ut eum diem Sponsi Beatiss: Virginis festum celebrent, ad præscriptum Brevis ejusdem GREGORII XV.

De Confraternitate S. Angeli Custodis.

VT Devotio erga Sanctos Angelos Custodes, quos omni honore & reverentia prosequi debemus, in dies augeatur; Confraternitatem à S.D.N. PAULO PP. V. fact: record: in honorem ejusdem Angeli Custodis, & Festum Dominica prima post S. Michæelis institutum, Synodus publicari & observari hortatur.

De Synodus, & absentibus à Synodo.

DEcretum SS. Concilii Trid: de Conciliis Provincialibus, singulis trienniis, nisi legitima causa impediat, celebrandis, præsens Synodus innovat, serioq; præcipit & mandat: ut omnes, qui de jure v consuetudine Synodis
Provin

Provincialibus interesse debent, ad easdem venire non negligant. Et quia nonnulli ex Reverendiss: DD. Episcopis, utpotè Illustriss: & Reverendiss: D. Archiepiscopus Leopoliensis, Illustriss: D. Episcopus Cracoviē: Vilenſis, Samogitiæ, Culmenſis, Kijoviensis, Episcopi; causas absentia suæ Synodo exposuerunt & probaverunt; Synodus easdem probavit. Alii autem Illustriss: DD. Episcopi, licet causas absentia suæ dederint; tamen cū eæ minùs iustæ & legitimæ visæ sint, poenas SS. Canonum, & Constitutionum Provincialium, eo ipso promeritos esse, Synodus judicavit. Benignius tamen cū illis Illustriss: D. Archiepiscopus in hac sua prima Synodo agens, poenas hasce illis, Synodali consensu, indulget. Cæterum ipsi pro sua conscientia & pietate considerent, ne in posterum Sacrorū Canonum instituta ita facile negligant; sciantq; in proxima futura, Deo dante, Synodo, poenas contra absentes in jure sancitas, quæ graves sunt, sine ulla spe indulgentiæ, decernendas.

De Canonizationibus Sanctorum.

Magna animorum jucunditate, & cum debitâ Domino Deo gratiarum actione, Synodus præſens accepit & intellexit, insignia & illustria miracula, quæ in dies Divina misericordia & providentia, ad declarandam fervorū suorum Beatorum, CANTII Professoris quondam Universitatis Cracoviensis, STANISLAI KOSTKA Societatis Jesu, CUNEGUNDIS Reginae Poloniæ, SALOMEÆ,
N2 & JO:

& JOSAPHAT Episcopi, ante aliquot Annos à Schismaticis pro Religione Catholica interempti, Patronorum Regni hujus, vitæ sanctitate operatur. Quocirca, cum in tantis Regni hujus periculis, Synodus præsens, secundùm Dei misericordiam, magnam in Sanctorum Patronorum patrocinio & tutela spem collocet, humillimè supplicat S.D.Nostro; ut quos Deus ipse tantoperè honorare dignatur, eisdem Sancta Sedes in Sanctorum numerum referre velit.

De Academia Crac. & Patribus Societ: Jesu.

Quia nuper lis de jure legendi sive docendi, Cracoviæ inter Academiam & Patres Societ: Jesu exorta, ad judicium S. Sedis Apostolicæ est devoluta; monet & hortatur Synodus, ne utrinq; scripta aliqua, quæ occasionem scandali Christi fidelibus præbere possent, edantur, aut imprimantur; sed utraq; pars sententiam & decisionem judicii S. Sedis Apostolicæ, cujus supremæ authoritati omnes deferre debemus, expectet: illiq; uti debet, pareat & obsequatur.

De Libris Ecclesiasticis imprimendis.

ANimadvertens Synodus, in tota Provincia magnam Librorum Ecclesiasticorum penuriam, eosq; qui superfluit, vetustate esse consumptos; dat facultatem Excellenti Andreæ Petricovio, J.U.D. Typographo Cracoviensi, *Antyphonarium, Graduale, Rituale, sive Agendorum,*

& Con-

& *Constitutionum* Provincialium] Libros, postquam juxta decretum S. Synodi recogniti fuerint, imprimendi, & pro usibus Ecclesiarum justo precio vendendi concedit: præcipiens, ne quispiam alius Typographus Regni, & Magni Ducatus Lithvaniæ, quocunq; prætextu, eosdem libros typis imprimere, aut in præjudicium ejusdem, præfatos libros recudere, aut alibi recussos in Provinciis Regni Poloniæ vendere præsumat ad triennium, sub poena excommunicationis, & in subsidium quadringentorum aureorū, cæterisq; poenis arbitrio Illustriss: & Reverendiss: D. Archiepiscopi irrogandis; præsertim cū eosdem libros sumptu proprio se editurum idem Typographus offerat, & polliceatur.

De Ministris Hæreticorum.

Quia relatum est Synodo præsentī, ex vicinis Provinciis, multos Hæreticorum Ministros, homines vagos & extraneos in Regnum hoc confluere: idē præfens Synodus pro officii sui debito, fidei Catholicæ integritati consulendo, monet DD. Ordinarios, ut unusquisq; in sua Diœcesi provideat & occurrat, ne hæreses latius serpent, & oves sibi commissæ hac labe inficiantur. Et insuper per suos Nuncios, supplicabit Synodus Suæ Majestati in proximis Comitibus, ut pro sua pietate provideat, ne blasphemis & impietate hæresum, ira Dei magis in Patriam nostram provocetur.

De De

De Deputatis Tribunalis Regni.

Quia plerumq; Prælati & Canonici Ecclesiarum Cathedralium, onus deputationis Judiciorum Tribunalis Regni recusant & subterfugiunt: statuit Synodus, ut quod hactenus in nonnullis Ecclesiis servatum est, in omnibus in posterum servetur; ut nimirum in defectu Prælatorum, vel Canonorum Cathedralium, Abbates ejusdem Diœcesis, sive soli, sive cum adjuncto Prælato, vel Canonico Ecclesiæ Cathedralis, in Deputatum Tribunalis eligi possint. Præterea ut in posterum ex Ecclesiâ Chelmsi Deputatus eligatur; ea tamen lege, ut ad minimum in Tribunali Lublinensi residere teneatur, sub pænâ amissionis ejusdem privilegii & concessionis. Et quia de negligentia & absentia Deputatorum Spiritualium, non solum Clerus, sed etiam Seculares conqueruntur sæpè, causæque compositi judicii, cum magno damno & injuria hominum, intermittuntur; Synodus præsens innovat Constitutionem GEMBICIANAM, ut juramentum de diligenti & continua residentia in Tribunali, Deputati in Capitulis præstent, illudq; observent. Si verò negligentes vel absentes à Judiciis Tribunalis fuerint, ultra poenas Constitutionis MACIELOVIANÆ, hanc quoque adjungit, ut pro rata temporis absentiae vel negligentiae, Refectionibus careant: quod quidem intelligi debet, ut etiamsi ad Cathedralē redeat, & in ea resideat, Refectionibus tamen carere debet totius illius temporis, quo in Tribunali residere debuit.

De Nun-

*De Nuncio ad Sanctam Sedem Apostolicam
mittendo.*

AD petendam, obtinendamq; à S. D. Nostro, præsentis
Synodi confirmationem, nonnullasque alias gratias
ejusdem S.D.N. proufu & necessitate Provinciæ, designa-
tur Admodum Rñdus D. Joannes Foxius, J. U. D. Ar-
chidiac: Cracovieñ:

Acta, lecta, publicata. Anno, die, Mense, ut supra;

*Ioānes Weżyk, Archiepiscopus Gnesnensis. m. p.
Andreas Lipski à Lipe, Episc: Vladisl: & Pomerimp.
Matthias Łubiński, Episcopus Posnanien: m. p.
Stanislaus Łubiński, Episcopus Płocensis. m. p.
Otto Schenking, Episcopus Vendenſis. m. p.*

Venceñ: Ciénarovius, J. U. D: S. author: Apost:
Actorumq; Curia Illustriss & Rndis: D. Ar-
chiep: Gnesnen: superscripti, ac Synodi præ-
sentis Notarius,

Approbatio.

NO^s ROBERTUS tit: S. Alexii, S. R. E. Præsbyter Cardinalis Ubaldinus, nomine Sacræ Congregationis Cardinalium Conc: Trident: Decretis interpretandis Præpositorum, fidem facimus & attestamus, Decreta Synodi Provincialis Gnesnensis, hoc libello chartarum triginta sex, quarum prima incipit; *Acta & Constitutiones Synodi Provinciae Gnesnensis*: ultima verò desinit; *D. Archiepiscopi Gnesnensis supradicti, & Synodi presentis Notarius*; fuisse ut supra ab eadem Sacra Congregatione Concilii emendata, recognita, atque approbata; eorundemque Decretorum Originale apud eandem Sacram Congregationem remansisse. In quorum fidem his propria manu subscripsimus, & ab infrascripto Secretario ejusdem Sacræ Congregat: subscribi, Sigilliq; nostri impressione communiri madavimus.
Dat: Romæ die XVIII. Novembr: 1628.

R. Card: Ubaldinus.

Franciscus Pauluc: S. Congr: Secr:

SERMO

✠✠✠
S E R M O

*Illustrissimi & Reverendissimi D. ARCHIEPISCOPI,
In Synodo Petricoviensi habitus.*

Fecisset Deus immortalis, Illmi Dni, vosq; Consa-
cerdotes charissimi, ut in presenti Ordinis Eccle-
siastici Conventu, sicut mutuo fruimur & letamur a-
spectus ita vicissim frui & letari liceret Ecclesiae Dei
& Patriae, quiete & tranquillitate. Verum quia pro-
pter peccata nostra, Ecclesiae statum afflictum, Patriam
oppressam amaritudine videmus: non solum nullus
latitiae locus superest, verum etiam pro ea, quam Ec-
clesiae & Patriae optimis parentibus debemus, pietate
& charitate, fieri non potest, ut in tanta utriusq; acer-
bitate, lachrymas teneamus: cum praesertim in hoc Di-
vinæ iracundiae tempore, & in hoc Episcoporum &
Sacerdotum Concilio, nihil magis deceat Sacerdotes &
Ministros Dni, quam inter vestibulum & altare plo-
rare, ut parcat Dominus populo suo: & ne det hære-
ditatem suam in opprobrium. Deinde verò cum ex
veteri Sacrorum Canonum instituto, is Synodorum
& Conciliorum scopus esse debeat, ut secundum Dei lau-
dem, &

dem, & Religionis Catholicæ conservationem, Cleri,
populiq; vita & mores emendentur: erit muneris no-
stri, ut quam peccatis nostris Dei iracundiam provo-
cavimus, eam dignis penitentia fructibus placare
studeamus. Porro cum ex veteri Concilii hujus con-
suetudine ad me omnium indignissimum pertineat, ut
ad Dei laudem & Ecclesiæ commodum aliquid in me-
dium proferam, non alienum à dignitate Concilii me
facturum existimò, si de causis contemptus Ordinis
Ecclesiastici, quem in dies ingravescere videmus, quam
breuissimè dixerò. Quæ licet à vobis omnibus melius
intelligi existimem: tamen cum ea sit Dei benignitas,
ut plerumq; rudibus & imperitis ea dicenda sagge-
rat, quæ audita etiam sapientibus prosint, erit huma-
nitatis Vestræ brevem hunc sermonem benignè accipere.
Non sine causa factum est, Illmi Dni & Conſacerdotes
charissimi, quod Paulus Apostolus, vas electionis, &
Doct̃or gentium, charissimos filios & discipulos suos
Titum & Timotheum in munere pastoralis instruens,
tam diligenter hortetur, & moneat; viderint, ne quis
ip̃os contemnat. Nisi enim id in illorum esset potesta-
te, efficere ne contemnantur, frustra id ipsis præciperet;
& nisi magnopere ad religionis & Ecclesiæ Catholicæ
commodum pertineret, ne Pastores & Sacerdotes con-
temptui

temptui habeantur, non tam necessario id ab ipsis requireret. Et negari quidem non potest, fuisse olim, & nunc esse, tantam hominum improbitatem, ut viros bonos gratis odio persequantur, & contemnant. A seculo enim auditum non est, ut virtuti cum vitio, pietati cum impietate conveniret; ab ipsa mundi origine Cain impius Abel justum persequitur. Et Christus Deus & Dominus noster graviter reprehendit Synagogam, quod nullus fuisset Prophetarum, quem persecuta non fuisset; idemque cum salutem nostram operaretur, contemni & despici voluit, eaque conditione Apostolos, & omnes pie viventes in hoc seculo esse voluit, ut improborum odium & contemptum sustinerent. Non ea ergo mens fuit Apostoli, ut Timotheum & Titum hortaretur, vel moneret: ut pro Dei gloria, pro religione Catholica, contemptum fugerent vel declinarent: cum ea demum sit vera Christiani hominis gloria, & vera laus pro nomine Christi despici, & in Christo crucifixo gloriari. Illud, illud est, quod Apostolus à discipulis suis voluit, ut ita viverent, ita vocationi officioque Pastoralis attenderent, ut nemo esset, qui ipsos contemnere auderet: ut ij, qui ex adverso Ecclesiae & fidei fuerant, vitam Titi & Timothei intuentes, viderentur malum quidquam dicere de ipsis, & uti de illo


Ethnico sapiente scriptum est: Cujus ob os Graij ora
obvertebant sua. Habet enim hoc virtus, ut etiam in
hoste posita delectet. Praclarum sanè & singulare illud
est, quod in libro secundo Machabæorum scriptum legi-
mus:.) Cùm sancta Civitas in omni pace habitaretur,
leges etiam adhuc optimè custodirentur, propter
Onia Pontificis pietatem, & animos odio habentes
mala, fiebat, ut ipsi Reges & Principes locum sum-
mo honore dignum ducerent, & templum maximis
muneribus illustrarent: ita ut Seleucus Asia Rex de
reditibus suis præstaret omnes sumptus ad ministe-
rium sacrificiorum pertinentes.) Credo ego pluribus
verbis Scripturam sacram, sive potius Spiritum san-
ctum qui locutus est in Scripturis, ea commemorâs-
se, ut significaret, quantum momenti adferat, ad
honorem & venerationem Ecclesiarum, & Ordinis
sacri, vita sine reprehensione Pontificum & Sacerdo-
tum. Si enim vita integritas, morum gravitas, præ-
stantia doctrinæ, severitas disciplinæ, legum & Cano-
num observantiæ, honorabiles efficit ministros Dei &
Sacerdotes: certè consequens est, ut his contraria, vi-
ta improbitas, morum levitas, legum & disciplinæ
contemptus, eos, in contemptum adducat. Quid enim
justius, quàm ut ab hominibus honoretur, qui Deo
debitum

debitum honorem exhibet? uti vicissim qui vitâ suâ
blasphemari Nomen Dei faciunt, viles ac contempti
habeantur, sicutq; Divini decreti oraculum: Qui me
glorificaverit, glorificabo eum: qui autem me con-
temnunt, erunt ignobiles. Non itaq; curâ vel co-
piâ rerum externarum: sed vitæ integritate, doctri-
nâ, & vigilantia Pastoralis, dignitas Pontificis, vel
Sacerdotis comparatur & retinetur. His artibus &
præsidis Sanctissimi Majores nostri Divi ADALBER-
TUS & STANISLAUS, & nostrâ ætate, Karnkovius,
Radzivilus, Rozdrażevius, ut alios omittam, Epi-
scopalem & Ordinis Ecclesiastici dignitatem retine-
bant, & tuebantur. Neq; ulla alia ratio excogitari
vel reperiri poterit retinenda vel expedienda dignita-
tis Ordinis nostri, quàm ut nobis ipsis, & gregi no-
stro, in quo nos Spiritus Sanctus posuit Episcopos, at-
tendamus: ita in hac specula Ecclesie Dei constituti
vigilemus, ut doctrina & dignitati nostræ vita testi-
monium perhibeat: & ut paucis omnia complectar;
vita nostra jubeat, lingua persvadeat. Præclare enim
D. Bernardus: Monstruosam rem esse, ait, gradum
summum; animum infimum, sedem primam, vitam
imam; ut cetera omittam. Sit ergo, quæso, ante ocu-
los cordis nostri, supremus illa vitæ dies, in quo cum
omnium

omnium, quæ unquam fecimus vel cogitavimus, tum
verò animarum nobis creditarum, strictissima ratio
reddenda erit. Sint ante oculos illi ipsi, qui paucis an-
te annis in superiori Synodo, in hoc ipso loco, & Tem-
plo, nobiscum eadem de Ecclesia consilia capiebant,
qui nos ad beatam, uti speramus, vitam præcesserunt;
ex quibus vix aliquot superslites relictæ sumus, non
tam Dignitatum, quàm laborum & onerum successores:
tantarumq; Patriæ calamitatum & annorum, qui-
bus videmus mala, spectatores. Sed ut inde sermo iste
redeat, unde initium sumpsit: eò studia, eò consilia
nostra, in præsentì Synodo convertamus, ut in chari-
tate fraterna Dei laudem, religionis Catholicæ com-
modum imprimis spectemus; deinde verò nostra, popu-
liq; nobis commissi, vitæ emendationi studeamus, spem
in Domino Deo nostro, qui dives est in misericordia,
habentes, ut si in toto corde ad ipsum conversi fueri-
mus, ipsum pugnaturum pro nobis, ipsum ad nihilum
reducturum inimicos nostros, ac concessurum, ut re-
liquum, quod superest ætatis, in sanctitate & justitia
transigamus, ac tandem in illo supremo vitæ nostræ
momento, Princeps Pastorum Christus Deus &

Dominus noster, reddat nobis coronam
immarcescibilem.

ORA-



O R A T I O

A. R. D. JOANNIS FOXII, *Archidiaconi Crac.*

In eadem Synodo habita.

Cum Vestrum hunc augustum confellum intueor, ILLUSTR. ac REVER. ARCHIPRÆSUL, REVERENDIS: ANTISTITES PATRES, & FRATRES VENERANDI; videre mihi videor Duces populi, Principes militiæ Christi, Architectos quosdam Spirituales, illis verbis recensitos: Et ipse dedit quosdam quidem Apostolos, quosdam autem Prophetas, alios Evangelistas; alios autem Pastores & Do^{Ephes:}ctores, ad consummationem Sanctorum, in opus ministr^{4.}rii, in ædificationem Corporis Christi. Vos sanè estis, qui in Apostolorum loca successistis. Vos item cæteri, adscriti in opus ministerii, in ædificationem Corporis Christi.

At quænam sit ista fabrica Spiritualis; quæ materia, ex qua Christi Corpus ædificari, & consummatio Sanctorum effici debeat: operæ pretium est, vel in primis, cognoscere. Neq; verò ego tantum mihi tribuo, ut eam rem vel animo concipere, vel verbis exprimere valeam; sed ipsum qui hæc verba protulit, qui se Spiritum Dei habere affirmavit, ipsū inquam Magistrum, alio loco, & fundamentum, & materiam ac ordinem ædificiorum adferentem, audite.

Ut sapiens architectus fundamentum posuit: Funda^{Cor:}mentum autè aliud nemo ponere potest præter hoc, quod positum est, quod est Christus JESUS. Unusquisq; autè vi^{3.}deat, quomodo superædificet. Si quis autè ædificaverit supra fundamentum hoc, aurum, argentum, lapides pretiosos; ligna, fenum, stipulam, uniuscujusq; opus manifestū erit. Et uniuscujusq; opus, quale sit, ignis probabit. Si cuius opus manserit; quod superædificavit, mercedem accipiet: si cuius

si ejus opus arserit, detrimentum patietur. Doctrinam
Aug. in hanc Apostoli, sublimem à sancto Augustino inter illa de-
putatam, quæ in Divi Pauli Epistolis difficilia esse intel-
ad Dul. le-
ce. q. 1. tu Princeps Apostolorum censuit; & loco huic celebri,
& tempori calamitoso, valdè accomodatam esse existimo.
Cum enim ignis diu latens callidi hostis exarserit, & car-
bones inferni in perniciem Ecclesiæ succenti sint ab eo:
summoperè necessarium est, talia à nobis inprimis ædificia
construi, & in hac prima, quod Deus secundet, Novi
PRIMATIS Synodo, legibus firmari, quæ & iram Dei pla-
care, & inimici sævientis imperiū possint evadere: in qui-
bus ex hac Apostoli sententiâ in medium adferendis meus
sermo versabitur; qui Vestra voluntate susceptus, Vestro
quæso, favore & benevolentia, inprimis autem Dei ope
adjutus, ad ipsius gloriam decurret.

Illud autem inprimis præfari volo hac reconditâ do-
ctrinâ non solum Episcopos, sed etiam ipsorū ministros
Presbyteros, voluisse Doctorem gentium erudire: quod sa-
tis illa verba ostendunt; unusquisq; videat, quomodo super
ædificet: Dei enim adjutores sumus. Ita sanè, idem Aposto-
lus, illas benè vivendi formulas, quas Prætulibus præscrip-
sit, ad Sacerdotes etiam, quibus nulla alia præscripta dedit
referri voluit: quod in toto orationis meæ cursu, quæto,
memineritis; ut quæ de Antistitum munere dicentur, Sa-
cerdotalis quoq; officii esse censeantur; & quæ Sacerdotum
sunt munia, ab illis Antistites non eximantur.

In duos itaq; ordines, tota series ædificii Ecclesiastici
distribuitur: Bonum enim Ecclesiæ, Ministri ejus, quos A-
postolus adjutores Dei appellat, bifariam promovenr. Alii
sanctitate, doctrinâ, & justitiâ coram Deo; quod ædificium
auro, argento, & lapidibus pretiosis exprimitur. Alii divi-
tiarum splendore, & temporalium rerum incrementis co-
ram hominibus, quæ structura prioris comparatione, li-
gnea, fanea, & staminea censetur. De utriusq; structuris:
ac primò de istis magnificis, tū de vilioribus, dicere institui,

Primum

Primum locum in hoc Spirituali ædificio vendicat sibi aurum. Qui autem sunt illi, qui aurea in Ecclesia Dei fabricant ædificia? Illi certè, qui geminâ charitate, quæ per-^{Col:22}fectionis vinculum est, inflammati, ardens quoddam desiderium, seu zelum honoris divini & salutis hominum in corde gerunt.

Ac cum multa sint, quæ de zelo ad regimen animarum utilissimo dici possunt: mihi quidem vel commendationem ejus, vel necessitatem attigisse suffecerit. Nullum equidem majus sacrificium offerri Deo potest, zelo animarum; uti D. asserit Gregorius: Hoc opus non humanum, sed supra naturæ ordinem, ideoq; divinum censetur, cooperari Deo in salute animarum. Quod ita? Quia Domini est salus. Qui ergo^{Ezech: Ps. 17,} ad dandam salutem, Dei adjutores sunt, uti certè omnes nos sumus, divinum planè opus agunt. Quantum enim esset cooperari Deo in molitione Cæli & terræ? atqui hoc multò majus est. Audite quid hac de re aureum illud os D. Chrysostomi eloquitur, cum inducit Deum loquentem: Feci ego^{Hom: 12, in} Cælum & terram, eadem conditionis facilitate te dono; ut^{Ezech: Ps. 17,} terram, facias Cælum. Accendi ego luminaria, accende tu^{Hom: 16, ad} clariora illis: namq; potes his qui in errore sunt, lumen veritatis accendere. Majus istud beneficium est, quàm solem intueri. Hominem creare non vales! at justum gratumq; Deo potes efficere. Ego substantiam feci: tu exorna voluntatem. Vide quàm te diligam, qui majora tibi perficiendi potestatem tribuam. Ita egregie Chrysostomus: Verum, num horum aliquid sine hoc sancto animi fervore præstare quis poterit? Minimè gentium. Sicut enim ex terræ metallo, sine ignis calore aurum conflare non potest: ita & multò magis, ut ex terra fiat Cælū, ut terreni homines efficiantur Cælestes, certè vel inprimis ignis iste, seu zelus efficiet. Accendere autem lumen veræ & vivæ fidei quomodo quis poterit, nisi ipse prius ardeat? Si enim nihil accendit, nisi ignis: ita & tu profectò non accendes, nisi ipse prius hoc sancto igne exarseris. Deniq; auferre sordes peccati, ac ani-
mam

mam veris adornare virtutibus, ut grata & accepta sit Deo; quis sine zelo vel præsumere audeat? Multo labore sudatum
 Ezech: est, inquit Propheta, & non exivit ex ea nimia rubigo
 24. eius, neq; per ignem. Quod si tu hoc igne careas: neq;
 rubiginem peccati abstuleris, neq; animam ad virtutum
 splendorem expolliveris. An ergo hæc parva cuiq; vide-
 bitur zeli sacerdotalis commendatio, sine qua divinum hoc
 opus salutis rectè geri, ac ne geri quidem potest? Quare
 ut necessitatem quoq; ipsius attingam, illud unum pro mul-
 tis adferam. Quemadmodum enim ad hanc, qua nihil cha-
 rius habemus, vitam corporis vel vivendam, vel conservan-
 dam spiritu vitali indigemus, sine quo corpus vitales fun-
 ctiones non exercet: ita sanè his qui præsumunt necessarius
 est spiritus zeli; quem si non habent, deputantur cum mor-
 tuis; nec unquam excitare poterunt conscientias hominum
 Hebr: 9. ab operibus mortuis ad serviendum Deo viventi. Vultisne
 huius dicti mei veritatem clariùs cognoscere? Profero vo-
 bis illum unum Antistitem, cui Nomine Dei dictum est:
 Apoc: Scio opera tua, quia nomen habes quod vivas, & mortuus
 3. es. Esto vigilans, & confirma cetera, quæ moritura erant
 & pœnitentiam age. Cur quæso iste licet vivat, mortuus
 esse dicitur? quia zelo, seu vigilantia Pastoralis, quæ salus
 subditorum est, fuit destitutus.

Quæ autem sunt obsecro ista, quæ vigilans confirmare
 jubetur moritura? Montem quendam valdè profundum, vi-
 detur mihi S. Joannes his verbis ostendere; ex quo aurum
 hoc zeli exurit, qui non alius est, nisi attendita cogitatio pec-
 catorum, mortem animæ adferentium, quibus in toto orbe
 1. Ezech: Deus offenditur. Considerabat benè has offensas ille, qui
 9. scisso pallio & tunicâ, genibus flexis, ac manibus expansis,
 ante templum plorans, tales ad Deum fundebat preces: De-
 us meus: confundor & erubescio levare faciem meam ad te,
 quoniam iniquitates nostræ multiplicatæ sunt super caput
 nostrum, & delicta nostra creverunt usq; ad Cœlû, a diebus
 Patrum nostrorum: sed & nos ipsi peccavimus graviter, usq;
 in diem hanc, & in iniquitatibus nostris traditi sumus, in gla-

dium, & rapinam, & confusionem vultus, sicut in die hac:
An non ita nobiscum geritur? Typum & imaginem miserie nostrae praesentis videmus, quam delicta & iniquitates nostrae attulerunt. Nolo ego delicta Ordinis nostri Ecclesiastici, in quibus uti homines delinquant recensere: ne quem mea nimis offendat oratio. Referat aliqua Dei servus, is qui Grego se servum servorum Dei primus appellavit. Nulla animarum Homil lucra quaerimus, ad nostra quotidie studia vacamus, terrena 17. in concupiscimus; humanam gloriam intentam mente captamus, Evang Dei causas relinquimus. Locum sanctitatis accipimus & terrenis 2. sibus implicamur.

Iniquitates vero populi, quibus Spirituales mederi debent, quis numeraverit? Illae sunt, quarum praecipuas expressit Salvator: De corde exeunt homicidia, adulteria, for- Matt 15. nicationes, furta, falsa testimonia, blasphemiae; quibus addamus, scelera, quae in hoc Regno impune patrantur: scilicet sacrilegia, templorum profanationes, perjuria manifesta in judiciis, usuras publicas, pauperum oppressiones; subditorum, quae morti aequiparantur, servitutes; rapinas, raptus, matrimonii pupillaris nundinationes, & gravissimas, quae in dies crescunt, haereses; & sexcenta id genus. Hae videbunt Antistites & Sacerdotes; & sanandis his exitiis animarum morbis, quantum in illis est, non invigilabunt? Quisq; nostrum sibi dictum existimet: Esso vigilans, & confirmata caetera quae moritura erant. Audite quibus verbis mel- Serm: 2. ad lissus Bernardus ad hanc vigilantiam sese excitabat: Si stil- deven- lantem in Cruce Domini Sanguinem collegissem, essetq; re- tu Dom positus penes me in vase vitreo, quod & portari saepius oporteret, quid animi habiturus essem in discrimine tanto? Et certe ad servandum accepi, pro quo mereator non insipiens (ipsa utiq; Sapientia) sanguinem istum dedit: sed & habeo thesaurum istum in vasis fictilibus, & quibus multo plura quam vitreis imminere pericula videantur. Quid ego? quomodo me ver- tam infelix, si tantum thesaurum, si pretiosum istud depositum, quod Christus Sanguine suo pretiosius judicavit, con- tigerit

tigerit negligentius custodiri? Hoc itaq; aurum Zeli, seu fervoris Spiritus, ex isto monte ecuite, illud commendatum habete, atq; uti summè necessariū, à Deo precibus obtinete.

Argen- Alterum à nobis in hoc fundamento superædificari de-
tum. bet argentum, prædicationis verbi Dei ministerium. Elo-
Psal: quia Domini, eloquia casta, argentum igne examinatum; ad
11. quem thesaurum fidelibus dispensandum, prædicator veri-
tatis, igneis quibuldam & admiratione dignis verbis admo-
net. Testificor coram Deo, & Christo JESU, qui judicatu-
2. Tim. rus est vivos & mortuos, per adventum ipsius, & regnum
4. ejus. Obtestatur Antistitem per judicium Dei, interminatur
pœnam in illo judicio, si officium neglexerit. Ostendit præ-
mium in adventu Regni Dei, si munus impleverit. Prædica-
inquit, verbum; non fabulas, neq; genealogias intermina-
1. Tim. tas, quæ non sunt ad ædificationem Dei, uti quidam in fune-
4. ribus perperam faciunt; neq; stultas & inutiles quæstiones:
1. Tim. sed Dei verbum narra; quod in lege & in Evangelio conti-
1. netur. Legatione funderis pro Christo: Ostende literas fi-
ad Tit. dei. & legationis tuæ. Quid enim aliud est Scriptura sacra,
3. ut pulchrè dicit S. Gregorius, nisi Epistola quædam Dei O-
2. Co. mniipotentis, quam mittit per legatos ad creaturam suam.
5. Lib: 4. Prædica ergo verbum, & voluntatem ejus; qui te misit, po-
Epist. pulo declara.
84.

Et sic quidem Apostolus cum Timotheo indulgentius, secum ipse severius agens, ad hoc munus laboriosum implendum, calcæria sibi addebat. Væ mihi, si non Evangelizavero: Si Evangelizavero, gloria mihi non est. Necessitas enim mihi incumbit. Væ autem mihi est, si non Evangelizavero. Illustrat hæc verba Theodoretus. Servus non se jactat, cum Domini officium facit. Sed si resistit voluntati Domini, pœnam meretur. Quam pœnam? Damnationem, inquit Hieronymus: Væ mihi, si non Evangelizavero.

Quanto autem studio & fervore, Cœleste hoc pabulæ, Præsules populo ministrarent, S. Dunstani Primatis Anglim Archiepiscopi Cantuarien; egregium factum indicat. Cum enim

enim ille senio confectus, die solenni, quo Dominus victor ^{Surgit}
in Cœlum ascendit, ad Cœlestem gloriam ab Angelis voca ^{Vit: SS}
retur, respondisse fertur: Quò me invitatis, o Cœlestes Spiri ^{die 19.}
tus, non possum hodie venire, nisi priùs oves à Domino mi- ^{Maij.}
hi commendatas, (quæ id plurimæ expectant, & quas deci-
pere non est meum) pane verbi Dei hac die refecero; & quo
tramite Christum sequi debeant, ostendero. Nec minori
laude dignus S. Galdinus Episcopus Mediolani, qui cum a-
liquando non ovibus sed lupis prædicasset: cum inquam fer ^{Marty-}
ventem concionem adversus hæreticos Catharos explevis ^{ro. Ro:}
set, spiritum Deo reddidit. O nimis felices Episcopos! qui ^{die 8.}
ex labore prædicationis verbi Dei, migrarunt ad præmium, ^{April:}
ad videndum æternum Dei Verbum.

Excusari quidem interdum possunt Antistites ab hoc
munere, vel ob graves functiones Senatorias, vel si talentū
docendi non habeant: sed certè inexcusabiles sunt, si docen-
di & pascendi munus, personis, vel ob ætatis vel doctrinæ
defectum, minùs idoneis, quod multorum malorum causa
est, committunt.

Quare si hoc argentum probatum inveniatur, sive in
alto, sive in humili loco, promite, & in usum Ecclesiæ pro-
ferre. Si qui in Clero probi, & divinarum ac humanarum
rerum scientiâ exculsi inveniuntur, hi Ecclesiasticis negotiis
adhiberi, hi amari; & cum amor opere probetur, & benefi-
ciis debent ornari. Ita sanè in Ecclesia Dei superædifica-
tur argentum.

Tertio loco, in hac pretiosa structura; poni debent lapi-
des pretiosi, virtutum splendorem designantes: illi nimi-
rum duodeni, Dei iussu in rationali seu pectore Sacerdotis ^{Exod:}
positi, in quatuor ordines distincti. Quatuor enim ordines ^{28.}
gemmarum Sacerdos in pectore gestat, cum quidquid facit,
loquitur, adeoq; cogitat, prudentiâ circumspexit, iustitiâ
rectum, fortitudine firmum, temperantiâ à malis omnibus
fuerit secretum. Quid autem singuli illi duodeni lapides ex-
primant, ne longior sim, non recensabo: præsertim cum

compens;

compendio quodam Deus ipse id satis expreſſerit, jubens in eodem ornamento Sacerdotali illa duo verba ſcribi: Doctrina & Veritas. Doctrina, quòd ſit munus Paſtorum, jam dictum eſt. Atqui non minùs ab illis exigitur Veritas, quæ duplici genere, tam Verborum, quàm rerum concluditur. Veritas quidem dictorum eſt, cum verba rebus æquantur; cum falſitas omnis abeſt. Veritas autem rerum eſt, cum res ſeu facta cum verbis concordant: ut uno verbo dicam; cum Sacerdos quod monet, ipſe facit; cum præit exemplo, & viam Dei in veritate docet; cum non ſolum gemmis & 22. margaritis ornatus, ſed præclaris etiam factis illuſtratus, in publicum prodit.

Miramur, & meritò quidem, tot & tanta ſcelera reperi- ri; parvum profectum Verbi Dei videmus. In promptu vel illa præcipua cauſa eſt, quod cum Sacerdotum vitâ mirabili- ter pugnat oratio. Habent aliquid zeli, adferunt doctrinam ſed in veritate vitæ, in hoc tertio ſigno cum illis Magis Pha- raonis, pleriq; omnes deſciunt. Quod ergo Deus conjun- Exod: 8. xit in Sacerdote, Doctrinam & Veritatem, homo non ſepa- ret, ſi homines Deo conjungere, uti debet, ſatagit. Sit non Matt: 19. ſolum vox ejus dulcis, ſed & facies decoræ; hoc autem eſt, Cant: 2. vita, per quam quiſq; velut ex facie cognoscitur, virtutibus ſeu gemmis ornata. Nam ſi vita non eſt commendabilis, & vox erit ingrata. Cujus enim vita deſpicitur, reſtat ut ejus prædicatio contemnatur.

Oſtendi jam adificia pretioſa, à Dei miniſtris erigen- da: quæ ne nobis excidant, meminerimus illa, non ſolum D. Pauli, ſed etiam Dei voluntate in Sacerdotibus requiri. Lev: 7. Quid enim illud eſt, quod Deus lege perpetua Aaroni & fi- Chry: liis ejus Sacerdotibus de hoſtiis immolatis non alias partes ſoſ: Ho in cibum cedere voluit, quàm pectusculum & humerū dex- mil: 12. trum; & uti D. Chryſoſtomus & Beda Venerabilis obſervât, in Mar- cum. etiam *σταγωνα*, id eſt maxillam partem fuiſſe Sacerdotum, Beda in Non ſine myſterio id factum. Sacerdoti cedit in cibum pe- c. 27. ctus, ut habeat zeli fervorem in corde. Pars ipſius maxilla, Exod. ut teneat

ut teneat verbum prædicationis in ore. Esca deniq; ejus ar-
mus dexter, ut sit ei juxta exercitium virtutum in opere. Ex
hac sanè triplici materia consuminatio Sanctorū & ædifica-
tio Corporis Christi in fundamento veræ fidei efficitur. Ze-
lus enim faciet, ut Antistes, & Sacerdos ædificare velit; Do-
ctrina, ut sciat; virtus, ut possit. Verum de his hæcenus.
Transseo jam ad humiles illas casas, quæ comparatione prio-
rum ex lignis, feno & stipula, contextæ esse censentur;
quibus lumen intelligentiæ paucis adferam. Si quis ædifi-
caverit ligna, fenum, stipulam, uniuscujusq; opus manife-
stum erit.

Primum autem illud dico: Licet compertum sit, per
hæc vilia & obscura opificia, plerosq; omnes, minores ideoq;
veniā dignos lapsus, intelligere; quorum sententiæ suus lo-
cus relinquatur: At certè non defuerunt aliqui ex Patribus,
& viri eruditi, qui hæc aliò retulerunt. Ubi enim Christus
fundamentum est, bonorum operum ædificiū sequi debet: Aug: in
ad quod peccata etiam parva referri, & in isto fundamento Enchi-
collocari non possunt. Quæ enim Societas luci ad tenebras? rid: 6.
Quid ergo hæc sibi volunt? Usus, incrementa, & accessio. D. Tho-
nes fortunarum exprimunt. Cum enim opes & facultates mas in
à natura ostense, vel ex sylvarū amplitudine, vel ex prato. Com.
rum abundantia, vel ex frugum ubertate præcipuè conge- 1. Cor:
rantur: qui progressum Ecclesiæ accessione & splendore di- 3.
vitiarum, & opum imprimis merentur, perinde faciunt, ac 2. Cor:
si in domum Dei, ligna, fenum, & stipulā intulissent. 6.
Nunquid illos damnat Apostolus? Non equidem, quia & isti æ-
dificant: sed illis qui aurum, & argentum, & gemmas adfe-
runt, multò inferiores esse censet. Sed jam audio illas vo-
ces usitatatas. Atqui temporalia sine spiritualibus subsistere
non possunt. Ita sanè; verum quatenus cura temporalium,
Ecclesiasticis gerenda sit, divino apud Ezechielem edoce- Ezec h:
mur oraculo, Sacerdotes, caput suum non radant, neq; co- c. 44.
mam nutrant, sed tondentes attondeant capta sua. Aperit Greyp.
nucleum mysterii, Doctor Morum, Quia enim cuncti, qui 2. Pass:
præsunt, c. 71

præfunt, habere quidem exteriores sollicitudines debent, nec tamen eis vehementer incumbere: rectè Sacerdotes, & caput prohibentur radere, & comam nutrire; ut temporales cogitationes nec à se funditus amputent, nec ad crescendo nimis relaxent, sed tondentes attondeant capita sua. Serventur capilli in capite Sacerdotis ut cutem cooperiant; & refecentur; ne oculos claudant, ac si dictū fuisset: Provideantur necessaria, quæ ad cutem curandam & ornandam pertinent; At ne istæ curæ & cogitationes de superfluis excrescant, & ab illa pretiosa spiritali structura animum & oculos avertant, magnopere est præcavendum.

Ut autem me ex his ligneis, imò aureis etiam, ædificiis breviter expediam: liceat mihi de amborum tum probatione, tum mercede (ut manifestationem omittam) duo verba cum Apostolo in medium adferre.

Primum verbum timorē incutit. Uniuscujusq; opus quale sit, ignis probabit. Non ille quidē tantum, qui post hanc Inc: En vitam peccatorum labes expiare creditur: verum uti Divus
chirid: Augustinus, & alii observârunt, ignis quidam doloris, cor
68. urens etiam in hac vita, quo opera ministrorum Dei pro-
Greg: bantur. Ille sanè ab Ecclesiastico descriptus: Sicut aurum in
lib: 4. igne probatur; ita homines receptibiles seu acceptabiles in
Dialic: camino humiliationis. Grave hoc examen, quia ignis exa-
39. men est, nec vulgaris sed Divina probatio, qua Deus exa-
Eccle: 2. minat opera pretiosa, quæ per ignem illæsa transeunt: qua item probat illa fragilia quæ comburi necesse est, ac etiam unâ cum illis cor aduri: utraq; sanè ædificia per hunc ignem adversitatis transeunt.

Alterum verbum, partim solatium, partim mærorem adfert. Si cujus opus manserit, mercedem accipiet. Magnum his qui perfectionis culmen attingunt, est solatium; quorū ædificia magnifica, etiam in præsentī tempore, ab igne illæsa manent: & manent quidem, tum ad opus, tum ad meritum. Vultis, ut exemplis rem totam demonstrem? Nunquid obstinatus ille Pharaon abstulit zelum Moysis, licet illum tot
malis

malis afflixisset. Mansit hoc aurum in illo igne, & prome-Exod:
ruit ut audiret illud à Deo: Ecce constitui te Deum Pharaonis. 7.
nis. Quia habes zelum Dei, qui fortis & zelotes est. SisExod:
ergo Deus Pharaonis. 20.

Nunquid idem tyrannus abstulit Aaroni argentum præ-
dicationis: quæ utiq; mansit igne adversitatis examinata &
præmio à Deo illustrata; ut ex interprete ad Prophetiæ di-
gnitatem fuerit evedus, dicente Deo: & Aaron frater tuus
erit Propheta. Et ut propinquiora adferam: An quæso im-
manis illius tyranni ignis, quem glorioso Martyri S. Lau-
rentio adhibuit, lapides illos pretiosos, fortitudinem animi
ejus, & beneficentiam in egenos, combussit? Mansit illud o-
pus, quam laudem dat Martyri Ecclesia: Dispersit dedit pau-^{Psalm.}
peribus, justitia ejus manet in sæculum sæculi. Mansit & III.
merces. Cornu ejus, illud inquam robur animi Levitici, e-
xaltatum est in Cælesti gloria. Et sic quidem manent pretio-
sa ædificia. At de illis vilibus, definitivam, & mærori per-
mixtam sententiam audiamus. Si cujus opus arserit, detri-
mentum patietur. Non manent certè istæ structuræ, quoad
opus. Adest inopinatus aliquis casus, & sævus hostilis ignis;
& omnia confundit, interdum in cinerem & favillam con-
vertit. Magnum toties, quod sine dolore commemorari ne-
quit, detrimentum patimur, quando possessiones, horrea,
subditi Ecclesiæ, expilantur: & militum, ante oculos nostros,
cedunt furori. Ardent certè ista opera, nec manent. Sed
numquid manent ad meritum? Utiq; si in fundamento Chri-
sti ædificabantur, si Ecclesiæ ista acquirebantur. Opus ardet:
Ipse autem qui damnum sentit, manebit, fundamenti incor-
ruptione munitus. Salvabitur: sic tamen quasi per ignem.
Non periclitabitur quidem omnino de salute: sed dolor iste
& cruciatus ex amissione partus sui instar ignis peccata ex-
piantis illi serviet. Procul autem hinc illi absunt, qui admi-
nistrationem magistratûs, messem auream esse censent; qui
aliud fundamentum, quàm quod positum est ponentes, ut Mich:
Sacris verbis, utar, Sion in sanguinibus ædificant, ac sua quæ- 30.

Q

runt,


Phil: runt, non quæ JESU Christi. Horum profectò quàm in præcipiti stet res salutis, Sacri de peculio Clericorum lati Canones, qui Spiritu Dei conditi, non falsa, sed vera loquuntur & perfecta, ne ego id referam, satis abundè testantur.

Unusquisq; ergo videat, quomodo superædificet. Unusquisq; enim mercedem accipiet, secundùm proprium laborem, Dei enim adiutores sumus.

Talia, quæso, & vos Patres, illa inquam magnifica & permanentia opera agite, & in Ecclesia inprimis relinquire. Aurum illud zeli obscuratum, pristino splendori restituite, Thren: Argentum verbi Dei neglectum, colorem ipsius optimum 44. mutatum, & nigredine malæ vitæ fuscatum, probè expurgatum, populo reddi facite. Lapidés sanctuarii (proh dolor) in capite omnium platearum dispersos ad Sanctuarium revocate. Hæc ut etiam à Clero præstentur, doctrinam incorruptam, & murorum emendationem, quæ propria Synodorû tractatio est, legibus sancite; ac quòd caput rei est, leges ipsas optimas & saluberrimas executioni mandate. Hæc vos gloriosos, omnibus charos & venerandos, ac longo sæculo memorandos reddent. Invitat vos unà mecum ad hæc graviter præstanda divinus ille Ecclesiasticus, cujus præclara sententia totam hanc meam parenesim complexa esse videtur.

Eccl: 44. Omne opus corruptibile (quale est ligni, fæni, stipulæ) in fine deficiet; & qui operatur illud, ibit cum illo: & omne opus electum (auri & argenti, gemmarum) in fine iustificabitur; hoc autem est, approbabitur à Deo; & qui operatur illud, honorificabitur in illo. Faxit jam Deus, ut pro his structuris excelsis ac veluti templis magnificis erectis, sive etiam pro illis vilioribus in rem Ecclesiæ utiliter constitutis, in illo fine, quo paucitas dierum nostrorum finietur brevi, honorem æternum referamus.

BREVE



B R E V E A P O S T O L I C U M,

In quo Clericis Regni Polon: facultas datur, causas in criminalibus per Procuratorem promoven:

A tergo Brevis ejusdem inscriptio est talis:

Venerabilibus Fratribus, Archiepiscopo Gnesnensi Primati, Episcopisq; ejus Suffraganeis, necnon Capitulis Cathedralium & Collegiatarum Ecclesiarum, atq; universo Regni Poloniae Clero.

Intus vero:

GREGORIUS PP. XIII.

Venerabiles Fratres, & dilecti Filii, Salutem & Apostolicam benedictionem. Et nostra Ecclesia-

Q2

clesiarum omnium sollicitudo, & vester erga Sanctā
Sedem Apostolicam sinceræ devotionis affectus re-
quirunt, ut quantum possumus in Ecclesiarum ve-
strarum regimine, & iurium ipsarum prosecutione,
vobis auctoritate nostra opitemur. Cum itaque
dilectus filius JACOBUS BRZEZNICIUS, Cano-
nicus Posnaniensis, vestro nomine nobis exposuisset,
sæpè accidere, ut in territoriis, villis, pagis, aliisque
locis, quæ ratione vestrarum Ecclesiarum possidetis
& in quibus temporale dominium, ac forsan me-
rum & mixtum imperium, gladii; potestas vobis
competit, Hæretici, Schismatici, Sæctarii, ac alii mi-
lites & prædones, etiam generis nobilitate pollen-
tes, vobis, & aliis Ecclesiasticis personis plurimum
infesti sint, & frequenter territoria, villas, pagos,
& Vassallos & subditos, vestrasq; & illorum res,
possessiones, & bona, deprædari, extenuare, op-
primere, & ibi grassari, illisq; varia dispendia &
damna inferre; boves, equos, & alia armenta vi
ex bonis vestris, certis limitibus & confiniis circum-
scriptis seu circumdatis, diripere, & illinc abdu-
cere; ac denique infinita alia latrocinia, homici-
dia, neces, insultus, & excursiones facere & exer-
cere audeant: & cum vos, qui alio modo simi-
les vio-

395
les violentias, invasiones, & vestrorum Vassallo-
rum deprædationes repellere non valetis, nec po-
testis, adversus Hæreticos, Schismaticos, Sectarios,
latrones & homicidas, nec non alios delinquentes
prædictos criminaliter agere & experiri, ac inqui-
rere, debitq; poenis còèrceri & puniri facere in-
tendatis, si vobis ad id Sedis Apostolicæ suffrage-
tur auctoritas; & idèò nobis idem pro parte ve-
stra humiliter supplicaverit, quatenus in præmis-
sis opportunè providere de benignitate Apostoli-
ca dignæmur: Nos cupientes, ut delinquentium
similes ausus congruis remediis còèrceantur, aliis
aditus committendi similia præcludatur, hujusmo-
di supplicationibus inclinati, vobis, ut per Procura-
tores à vobis deputari solitos, quoscunq; Hæreticos,
sectarios, latrones, homicidas, & alios delinquentes
præfatos, coram competentibus Judicibus accusare
& deferre, & contra eos tam civiliter quàm crimina-
liter & mixtim agere, & experiri; necnon desuper
quoscunq; processus & inquisitiones formari, ac sen-
tentias ferri & promulgari, easq; debitæ executioni
demandari petere, instare, & procurare, absque ex-
communicationis aut irregularitatis, vel inhabilita-
tis, seu privationis beneficiorum Ecclesiasticorum,
per vos

per vos pro tempore obtentorum, aut cujusvis alterius poenæ, vel censuræ, incurso, liberè & licitè positis, Apostolicâ authoritate, tenore præsentium, de speciali gratia concedimus, & indulgemus, ac vobiscum quatenus opus sit, desuper dispensamus. Non obstantibus præmissis, ac constitutionibus & ordinationibus Apostolicis, cæterisque contrariis quibuscunque. Datum Romæ apud S. Petrum, sub Annulo Piscatoris, Die VIII. Aprilis. M. D. LXX. VII. Pontificatûs Nostri Anno Sexto.

Vi: Cæ: Gloriosius.

De mandato Illustriss: & Reverendiss: Dni, D. JOANNIS WEZTK, Dei & Apostolica Sedis Gratia Archiepiscopi Gnesnensis, Legati Nati, Regni Polonia Primatis, & primi Principis; ex suo Originali, quod in Archivo Ecclesiæ Metropolitana Gnesnensi asservatur, descriptum, per me Notarium infrascriptum collacionat: & Sigillo Suae Illustriss: Celsitud: communit: in fidem & testimonium præmissorum.

Vencellaus Ceynarovic, J. U. D. Sac: authoritate
Apostolica publicus, & Actorum Suae Illustriss: Celsitud: Notarius, subscrip: m. p.

te.
as
Au.
&
um,
oris
lli
tas,
cri-
m
se-
tate
di-
die

eret
NIS
ensir,
a &
otari
com

U.D.
Aco-
is: D

1825a

